

S. GREGORIUS M.
PONTIFEX ROMANUS
A CRIMINATIONIBUS
CASIMIRI OUDINI
VINDICATUS
STUDIO

JO. HIERONYMI GRADONICI CLERICI REGUL.
ACCESSIT

EJUSDEM GRADONICI
DE NOVA S. GREGORII MAGNI
EDITIONE PROCURANDA
DISSERTATIO EPISTOLARIS
SECUNDIS CURIS RETRACTATA, ET AUCTA.



ROMÆ MD. IO. CCLIII.

EX TYPOGRAPHIA PALLADIS

EXCUDEBANT NICOLAUS ET MARCUS PALEARINI.
EX PRÆSIDUM PERMISSU.

CHAPTER IV

THE HISTORY OF THE

REIGN OF

CHARLES I.

SECTION I.

THE

REIGN OF

CHARLES I.

SECTION II.

THE

REIGN OF

CHARLES I.

SECTION III.

THE

REIGN OF

EMINENTISSIMO ATQUE REVERENDISSIMO
 ANGELOMARIÆ
 QUIRINO
 S. R. E. CARDINALI
 ET BIBLIOTHECARIO
 BRIXIÆ EPISCOPO &c. &c.

JOANNES HIERONYMUS GRADONICUS C. R.
 SALUTEM ÆTERNAM



UM ipse mecum re-
 putarem, qua ratione
 publicum aliquod præberem testi-
 monium mei erga Te, EMINEN-
 TISSIME PRINCEPS, obsequii, mei-
 que grati animi ob singularia, ca-
 a 2 que

IV

que quamplurima beneficia, quæ
cum antea in me, inque univer-
sam Brixienſem Cleric. Regula-
rium Familiam^a, tum vero nu-
per non multos ante dies, quam
iſtinc diſcederem, quum iſtam
meæ Congregationis Domum,
cujus

^a Eximia munificentiffimi Principis in Theatinos
benevolentia dignoſcetur hac Epigraphe in novo Thea-
tinorum Brixienſium Sacrario inſculpenda:

ANGELO. M. QVIRINO

S. R. E. CARDINALI. BIBLIOTHECARIO

BRIXIAE. EPISCOPO

ICONEM. ET. EPIGRAPHEN

CLERICI. REGVLARES

SOLLEMNI. DECRETO

HIC. PONI. DEDICARIQVE. IVSSERVNT

VT. REM. SACRAM. FACTVRI

BENEFICIA. AC. LARGITIONES

QVAE. OPTIMVS. PRINCEPS

TVM. CONGREGATIONI. HONESTANDAE

TVM. HVIVS. TEMPLI. SPATIIS. AMPLIANDIS

ET. SACRARI. INAEDIFICATIONI

PRAESTANTI. MVNIFICENTIA. CONTVLIT

MEMORI. ANIMO. PERPETVO. PROSEQVERENTVR.

cujus eram immeritus Præpositus, Tua præsentia beare, Tuisque ornare muneribus non es dedignatus, commode accidit, ut quidam eruditi viri, & in Ecclesiastica Historia apprime versati, mihi auctores essent emittendi in lucem mei cujusdam Opusculi, quod ut eorum judicio subjicerem, mecum Romam attuleram. Quod consilium eam præsertim ob causam statim amplexus sum, quia mihi oblatam occasionem hoc pacto videbam id exequendi, quod erat in votis, si illud in Tuo nomine emitterem. Quamquam enim optime noram, me non gratias referre pro acceptis beneficiis, sed Te iisdem cumulum addere, cum

meis libris Tuum clarissimum
 inscribi Nomen & iisdem, quam
 ipsi per se non habent, lucem af-
 ferre pateris; tamen quoniam
 nonnullos alios a me typis man-
 datos libellos Tibi acceptos fuis-
 se memoria tenerem, jure ac me-
 rito sperabam, Te æquibonique
 facturum, atque in gratiarum a-
 ctionis loco habiturum, si hunc
 quoque, qualiscunque est, devo-
 verem: Præsertim quum eo e-
 tiam nomine Tibi debeatur,
 quod illum Tibimetipsi acce-
 ptum fero; propterea quod in
 eodem conscribendo Tuis præ-
 stantissimis operibus, tanquam
 meorum studiorum ducibus, uti
 conatus sum. Nam aurei illi, &
 omnium Gentium laudibus cele-
 brati

brati libri, quibus aut S. Pontificem Paullum II. dum Pontificiis interesset Comitibus, adversus Platinæ calumnias luculentissime defendisti, aut Paulli III. & Cardinalium qui ejus tempore flourerunt maximas res gestas, castissimos mores, summam doctrinam, eximias virtutes ab Heterodoxorum contumeliis vindicasti, eam mihi injecerunt mentem, ut defendendum susceperem Rom. Pontificem Magnum Gregorium, quem per summam injuriam a Casimiro Oudino accusatum, atque dilaceratum videbam. Qua in re licet fatear nihil me potuisse perficere, quod Tuis doctissimis auribus dignum foret; tamen ab eodem Tibi si-

stendo non sum deterritus, quod ex altera parte sciebam; Te non tam oblatis muneris, quam animi in illo offerendo rationem habere; ex altera vero mihi conscius eram vires quidem in eo absolvendo defuisse, voluntatem autem non defuisse. Ceterum illud etiam animo obversabatur Tibi vigilantissimo Episcopo, doctissimo Cardinali, Catholicæ Religionis acerrimo vindici & propugnatori nihil aut convenientius offerri, aut acceptius esse posse, quam illius vindicias Pontificis, cujus mores sanctissimos exprimis, excellentes virtutes æmularis, singularem erga litterarum cultores amorem ac studium exemplo & præmiis imitari fatagis.

gis. Quod adeo exploratum est omnibus, ut non solum boni Catholici, sed ipsi quoque Heterodoxi Te veluti Ecclesiæ Romanæ columnen suspiciant; admiranturque præsertim inter ceteras præclarissimas virtutes Tuam *aviditatem*, ut verbis utar cujusdam ex ipsis in Lipsiana universitate Professoris, *Ecclesiam Evangelicam convertendi*, ac Te contemplantur quasi in *specula* consistentem, & in rebus Protestantium judicandis usum *oculis linceis*, unumque oculum in Italiam, alterum in Germaniam terrasque adjacentes conii- cere, & indefesso studio, ac in- cre-

a. Ea verba sunt in Prolegomenis tomi. iv. Epistolarum Cardinalis Reginaldi Poli nuper ab eodem Eminentissimo Quirino editi.

credibili ardore in id maxime incumbere , ut Protestantes cum Romana Ecclesia , a qua desciverunt, concilies. Atque , ut præteream alia plurima , a quibus recensendis absterrent partim imbecillitas ingenii , quod Tuis laudibus celebrandis impar intelligo , partim singularis Tua animi demissio , quam in tanta gloria omnes venerantur & laudant ; hæc potissimum, EMINENTISSIME PRINCEPS , fuerunt , quæ ad hujusmodi Opusculum Tibi dicandum , consecrandumque impulere , & nunc maxime impellunt . Accipe igitur ea , qua soles humanitate , hoc quaecumque munus , quod Tibi offero, ac dico , illudque , rogo ac obsecro , in Tuum
 fu-

suscipe Patrocinium , ut fin. minus suis dotibus , quas nullius pretii esse sentio , saltem Tua summa auctoritate , Tuoque immortalis nomine apud eruditos viros se tueatur .

Datum Romæ ex nostris ædibus S. Sylvestri Montis Quirinalis Kalendis Maii MDCCLIII.

D. JO: BAPTISTA DE MARI
PRÆP. GENERALIS CL. REG.

HOC opus inscriptum : *S. Gregorius Magnus a Criminationibus Casimiri Oudini vindicatus ; accessit Dissertatio de nova S. Gregorii Magni editione a R. P. D. Hieronymo Gradonico Nostræ Congregationis Theologo compositum , & juxta assertionem Patrum , quibus id commissum approbatum , ut typis mandetur , quoad nos spectat , facultatem concedimus . In quorum fidem præsentem litteras manu propria subscripsimus , & solito nostro sigillo firmavimus . Datum Romæ in nostris Ædibus S. Silvestri Montis Quirinalis die 8. Maii Anno 1753.*

*D. Jo: Baptista de Mari Præp. Gen.
Cl. Reg.*

Loco † Sigilli .

D. Raphael Venturini C. R. Secretarius.

A P P R O B A T I O

LEgens Eruditissimi viri Jo. Hieronymi Gradonici Cl. Reg. *Apologeticam Dissertationem pro S. Gregorii Magni sapientia adversus temerarios ausus Casimiri Oudini, necnon aliam Dissertationem Epistolarem de nova Operum ejusdem S. Gregorii editione curanda*, nihil minus rectum offendi, sed singularem Cl. Auctoris tum Ecclesiasticarum Rerum, tum Litterariæ Historiæ scientiam miratus sum; quamobrem utramque Dissertationem publica luce dignam censeo.

*Petrus Franciscus Fogginus
Bibliotheca Vaticana Custos
Coadjutor.*

IMPRIMATUR,
Si videbitur Reverendissimo P. Magistro
Sacri Pal. Apostolici .
F.M. de Rubeis Patriarcha Const. Vicesg.

IMPRIMATUR,
Fr. Vincentius Elena Ord. Præd. Reverendiss.
Patris Mag. Sacri Pal. Apost. Soc.



E L E N C H U S

C A P I T U M .

- CAP. I.** UTRUM BARDUM , TRIVIALE , MODICUM
FUERIT GREGORII INGENIUM . *Prima cri-
minatio , qua splendidum GREGORII MAGNI ,
venerabileque nomen denigrare nisus est Oudi-
nus , illius petit ingenium , quod vocat modi-
cum , anile , triviale , stupidum , bardum ,
simplex , versipelle .* Pag. 9
- CAP. II.** *Alia rationes afferuntur in laudem inge-
nii nostri GREGORII .* 25
- CAP. III.** *De libris Job , sive Moraliū .* 46
- CAP. IV.** *De libris Dialogorum .* 56
- CAP. V.** *De Gregorii eloquentia , deque latino ser-
mone .* 76
- CAP. VI.** *De Mauritio male habito , deque Phoca
nimis a GREGORIO laudato .* 92
- CAP. VII.** *Quid Gregorius Magnus senserit de
Eucharistico Sacramento .* 106
- CAP. VIII.** *An Catholicus Purgatorius novum sit
Inventum Gregorii Magni .* 138

CAP. IX. *Quid senserit Gregorius Magnus in Epistolis de Cultu & Adoratione Imaginum in Templis.* 154

CAP. X. *De subjectione, & obedientia, quam Gregorius Magnus Imperatori exhibuit.* 164

CAP. XI. *De Cognomento Magnus Gregorio tributo.* 188

Dissertatio de nova operum S. Gregorii M. editione. 197



P R Æ F A T I O



Asimirus Oudinus Gallus Ordinis Praemonstratensis in opusculo Parisiis edito an. 1686. de Scriptoribus Ecclesiasticis a Bellarmino, & aliis omissis æquum, rectumque de Rom. Pont. GREGORIO hujus nominis Primo, cognomento Magno, judicium tulerat. Verum in Commentario posthumo^a de Scriptoribus Ecclesiasticis, quod Lipsiensibus typis in lucem emissum fuit tribus supra triginta ab hinc annis, cum prioris hominem poenituisse judicii, per multas accusationes non solum clarissimo hujus Pontificis nomini periculum inferre conatur; sed etiam adeo contumeliosis eum verbis objurgat, ita calumniis

A

a Hoc opus vulgatum fuisse post mortem Auctoris neque Typographus Lipsiensis monuit, neque est animadversum a Niceronio, qui Tomis primo, & decimo gallice conscriptis Virorum in Republica Litteraria illustrum, Oudini gesta, & libros recenset. At ipse met Niceronius nullum reliquum facit dubitationi locum. Narrat enim ejus mortem contigisse mense Septembri anni 1717. citatum vero commentarium editum esse anno 1722. T. I. pag. 281. clt. Operis. Reipsa eo anno eum obiisse confirmabit nota max apponenda.

mnis , ac maledictis laceffit , ut siquis eam Dissertationem, in qua Gregoriana Opera recensentur, patienti , hilarique animo perlegerit , & legendo approbaverit , is mihi ab omni humanitate , christianaque idea Religionis alienissimus esse videretur . Quem enim mortalium non moveant convitia^a Dissertationis Oudiana , quibus Romana Ecclesia hostis acerrimus insectatus est sanctum illud & egregium ingenium , in cujus laudibus celebrandis nemo fere veterum scriptorum admirandus non versatur ?

Quod autem ille sibi sumpserit probandum , Gregorii doctrinam ab ea , quam Romana Ecclesia profitetur , longe differre , haud multum miror ; namque ipse cum anno 1690. apud Batavos confisset , a sua Congregatione , Ecclesiaeque Romana ad Protestantium castra desciscens^b statim vidit magnum

^a Sunt haec laudum praconia , quibus abs Oudino Gregorius laudatur : „ Dicemus insignes plurimas „ Episcopatus sui actiones , & curas ignava prorsus , „ atque Rom. Pontifice indigna Phocæ Tyranni adulatione maculasse , vel aliquo modo obscuravisse . „ Anile profecto fuisse Gregorii Magni iudicium , ac „ viro magno indignum . Gregorius Primus simplex „ ingenio : maligne Gregorius verbum simplicitatis „ pro fatuitate sumtum Mauricia injuste objicit . Triviale , ac modicum hujus Pontificis ingenium , verisimilemque indolem agnoscimus ex adulatoriis &c. „ Ignavus plane , ac ingratus Pontifex &c. &c. &c.

^b De Oudino quid factum sit , si non nescias , scire vellem , an in Belgio adhuc degit , an ad Reformato-
rum

magnum suae fuga, & inconstantia praesidium fore, si ostendere potuisset, celeberrimi Pontificis doctrinam magis cum Protestantium, quam cum Romanorum placitis convenire: Sed in eo nulla ratione ferendus, & quod Gregorio ita obloquatur, ut diceret, nullum fuisse post hominum memoriam ingenio hebetiorem, verbis dolosorem, & quod liberi hominis officium conculcans, de Principe latissimi Imperii, de Sacerdote moribus castissimis, de Pontifice Romano ea scommata litteris, & posteritati consignare non erubuerit, quae vel de levissimo homunculo, vel de scelestissimo homine, ullus cordatus vir ne cogitare quidem, ne dum effutire, ausus fuisset. Hanc mihi olim cogitanti iniquam agendi rationem pernecessario videbatur succurrendum esse Gregoriana laudi, atque existimationi,

A 2

quam

rum castra transiit: certe de Professoribus Batavis magnifice loquitur, & pensionem annuam ex Decreto ordinum Hollandiae sibi assignatam esse ipsemet testatur in epistola ad Majerum, quam tandem nactus sum. *Guillelmus Cave in epist. iv. Orboni Menchenio data T. i. Miscellanea Lipsiensia nova, cui haec nota appingitur: Transit utique, ut nunc omnibus est notum, nimirum praecipuam fortunae suae sedem in Belgio habuit ab Ordinibus hujus Provinciae annuo stipendio donatus, & in Lugdunensi urbe Bibliothecae Academiae Praefectus. Cum in eo esset, ut veteris Ecclesiae Patrum aliquot editiones novas pararet, dies vitae suprema eum occupavit anno 1717.*

a In Dissertatione epistolari de nova S. Gregorii M. editione Tom. 21. opusculorum Calogera, quam Appendicis loco dabimus, sub hujus opusculi finem, novis curis retractatam, & auctam.

quam omni ex parte violare, & corrumpere novus ille criticus pertentavit. Nunc vero eam causam adhuc esse integram ratus, tueri pro virili conabor, ac perorare: quæ enim ab Abbate Maffejo adversus nostrum censorem nuperrime in notis ad Anastasium Bibliothecarium adducuntur, pauca omnino sunt, nimisque brevi manu tacta. Quod vero centum ab hinc, & amplius, annis, vulgatum fuerit apud Genèveenses quoddam Opusculum, quod Vindiciæ Gregorianæ inscribitur; id multum abest ab eo, quod mihi in hoc opusculo propositum est. Nam utrumque conferenti, non solum me actum non egisse apparebit, verum etiam illud Jamesii scriptoris Angli, cui tributum est, tanto Pontifici maxime indecorum videbitur. Quippe auctor epistolæ Benedicto Turretino data, & Jamesiano libello præmissæ, testatur in eum finem vulgatum fuisse, ut eruditis ostenderetur, Gregorianam doctrinam propius accedere ad Protestantium opinioniones, quam ad dogmata, & ritus Romanæ Ecclesiæ: quod consilium satis feliciter scriptori Anglico contigisse jactat, propterea quod explosa, ac damnata Gregorianorum Operum Vaticana editione anni 1689., tum quia tredecim millibus locis dissentiat ab omnibus MSS.; tum quia contineat centum sexaginta integras epistolas Gregorio manifeste suppositas, tamquam degeneres Aquilæ columbas, quæ hunc solem non ferunt: eadem
loca

loca primævo fonti restituerit ope MSS. Codicum Britannicorum, easque epistolas ad aniles fabulas amandandas Gregorio abjudicavit. Quam Fame-sii sententiam is confirmare se putat, dum ibidem monet: Protonotarios, vel Apocrisarios Apostolicos ex Archiviis Romanæ Curie immiscuisse acta temporum posteriorum, modo Gregorii nomen præferrent, nullo habito discrimine inter tot Gregorios; & indiscriminatim assignasse huic primo, & optimo, quidquid facere viderent in rem Romanam. Quibus ut obviam eam, in id maxime incumbam, ut probem, non solum GREGORIUM fuisse Pontificem vere Magnū; verum etiam ejus doctrinam simul quam longissime abesse a Protestantium erroribus; simul ipsissimam esse, quam tunc, quam sequentis temporibus, quamque hodierna die, servat, & docet Romana Ecclesia. Et quoniam veterum Codicum auctoritas tanti sit ab Adversariis (qua in re sunt maxime laudandi) que sum dicturus firmabo ipsismet Gregorianis verbis depromptis ex probatissimæ auctoritatis Codicibus, ad quorum fidem expressa est editio Operum ejusdem Pontificis sub hujus seculi initium Parisiis adornata a Monachis Benedictinis Congreg. S. Mauri; quorum fides, ac diligentia ipsis inter Protestantes doctioribus probata est. Jam vero citatus scriptor Anglus, Oudino longe doctior, Gregorii ingenium, eloquentiam, & mores extollere non prætermisit: Inter omnia Opera, sunt

hæc ejus verba sub citati operis initium , quæ merito S. Gregorii Magni Papæ censentur, ab omnibus primum locum obtinent libri Moraliū , idque duplici jure ; ordinis , & dignitate ordinis , quia primo conscripti sunt ab eodem SS. Patre, cum adhuc Apocrisarius Romanæ Ecclesiæ in Constantinopoli degeret : dignitatis , quia in hujus libri expositione copiosa , & eleganti ceteros enarratores tanto post se intervallo reliquit , quanto omnium rerum cognitione , scientia experientiæ conjuncta , superior fuit . *Quamobrem illud emolumentum ex Jamesianis vindictis labori meo accedit , quod Gregorium nobis eripere dum tentant , visa sunt magnum suppeditare laudum cumulum , quo Oudini obtrectatio , tamquam telo omnium , unde hominem ferire possemus , aptissimo juguletur .*

Equidem ingenue fateor a doctissimis , atque eloquentissimis viris causam Gregorii , aliquot saltem in capitibus , antequam noster Criticus caput extulerit , fuisse peroratam , id tamen a scribendo me nequaquam deterret : Quando enim ea negantur (utor verbis , & exemplo celeberrimi inter Protestantes Critici Joannis Clerici ^a quasi ignota essent , jam invito sunt probanda . Præterquamquod cum non omnia , quæ ab omnibus conscribuntur , ad omnium manus perveniant , & fieri possit , ut nonnulli , qui etiam hæc intelligere queunt ,
illos

illos pleniores non inveniant libros, & in istos saltem incidant, utile est plures a pluribus fieri diverso stilo, non diversa fide, etiam de quæstionibus iisdem, ut ad plurimos res ipsa perveniat ad alios sic, ad alios autem sic. * Quo utilissimo Augustini monito excitatus, quæ magnis dispersa voluminibus ad vindicandam tanti Pontificis gloriam adversus Oudinum apta mihi visa sunt, in parvum hoc conjeci volumen, in quo illud mihi proposui, ut adversarium modo consequentiis ex suamet Dissertatione erutis, modo testimoniis probatissimæ auctoritatis labefactarem.

Cum autem Defendamus causam veritatis (ut Lactantii verbis ^b me exprimam) apud eos, qui aberrantes a veritate falsis Religionibus serviunt, quod genus probationis adversus eos magis adhibere debemus, quam ut eos Deorum suorum testimoniis revincamus? Idcirco Protestantium verba, cum ratio Operis patietur, sciens, & volens in medium profero: qua occasione si adversarium dixerò Criticum minime moderatum, oratione insuavem, præter decorem insulstantem; an levissime dixerim, non alios appellabo iudices, quam ipsosmet Protestantes, quibus hoc saltem nomine probatum iri hunc libellum confido, quod ab Oudini scommatibus, & maledictis me omnino cohibuerim. Aliorum quippe opera impugnaturis

A 4

ho-

a S. Aug. lib. 1. cap. 111. de Trinit. Tom. VII. p. 752. edit. Mayr. b De falsa Religione lib. 1. cap. 7.

hominibus; qui sunt ad honestatem informati, ea imprimis habenda præ oculis, casteque observanda regula est, ab omni quocumque convicio ut abstineant; utpote quod rationibus, non contumeliis servata sit palma: quam regulam dum sibi esse conculcandam in Gregorianorum Operum recensione Oudinus existimavit, in suorum credo, apud quos se receperat, reprehensionem eum incurrisse, de quibus peraeque dici potest, quod jure ac merito de nostris scripsit Joannes Albertus Fabricius: ^a hoc scio in ipsa Ecclesia Romana viros emunctæ naris abhorrere ab ejusmodi armis, & videre quam sint non Christiano modo, sed sano etiam, & honesto homine indigna.

CAPUT

^a Prope finem Præfationis Biblioth. Ecclesiasticæ Amburgi 1719; quo ipso loco & ipsi finem imposuimus citatæ de nova S. Gregorii Magni editione epistolari Dissertatione.

CAPUT PRIMUM

UTRUM BARDUM, TRIVIALE, MODICVM
FUERIT GREGORII INGENIUM.

Prima criminatio, qua splendidum GREGORII MAGNI, venerabileque nomen denigrare nisus est Oudinus, illius petit ingenium, quod vocat modicum, anile, triviale, stupidum, bardum, simplex, versipelle. Singula queso hac epitheta ad trutinam revocemus.

I. **F**LORENTIS a prima ætate ad senectam usque, peracuti, eximii, subactique fuisse ingenii nostrum Gregorium luculentissime testantur, atque demonstrant tum eximii illi progressus, quos in studiis fecit; cum eloquentissima ejus Scripta reconditori eruditione referta, & aspersa: ipsi demandata negotia, & præclara munera, quibus eximia, omniumque laude perfunctus est. Nonne, consentientibus omnibus Historicis literis, grammaticis, dialecticisque, atque rhetoricis ita erat instructus, ut Urbe in ipsa nulli putaretur esse secundus? Immo Isidorus Hispalensis haud fuit veritus asserere, tanto fuisse scientiæ lumine præditum, ut non modo illi præsentium temporum quisquam Doctorum, sed nec in præteritis quidem illi par fuerit unquam.

unquam. Quid eloquentius illa, quam *lib. xxvii. Dial. num. xxi.* habemus de Britanniae laudibus oratione? Quid ad commovendos animos aptius Homilia de mortalitate inscripta, qua grassantem describit in Urbe inguinariam luem? At ejus de eloquentia non dicam hoc loco; est alius mihi locus ad hanc illius doctem demonstrandam servatus. Dialecticæ artis usum in eo requiris? Quid subtilius, quid acutius disputatione, quam Apocrisarii Sedis Romanæ personam agens Constantinopoli habuit cum Eutychio illius Sedis Patriarcha; quamque in ejus vita ex *lib. xiv* Moraliū exscriptam retulit *lib. i, num. 27.* Joannes Diaconus? Nimirum Origenis pravum dogma recudens contendebat scripto libello Eutychiū, corpus nostrum in die Judicii impalpabile, ventis, aereque subtilius esse futurum. Gregorius ita eum veritatis ratione, & exemplo Dominicæ Resurrectionis attrivit, ut teste Paulo Diacono in Gregorii vita *num. ix.* Eutychii liber jussu Imperatoris Tiberii, qui concertationi interfuerat, flammis combustus fuerit; & nullus exinde sit inventus, qui ejus resuscitator existeret; ipseque Eutychiū in orthodoxa ad extremum usque vitæ suæ tempus doctrina perseveraverit. Visne audire illum Theologum agentem, nostræque

stræque fidei dogmata versantem? Præter laudatum adversus Eutychium certamen consule ejus fidei symbolum, quod sive in ipso suæ inaugurationis, & ordinationis solemni ritu; sive in Concilio Episcoporum Romæ habito dictavit, quodque a temporum voracitate; sub initium *lib. 2.* laudatæ vitæ incolume nobis servavit Joannes Diaconus, quo (ut ejus utar verbis) *in specula sanctæ universalis Ecclesiæ vir totius humilitatis, auctoritatis, & Orthodoxiæ, unde videri, & audiri clarius Evangelicus præco valeret, consistens, oris sui divinissimo gladio & rectam fidem munivit, & cunctas hereses uno symbolo dissipavit.* Lege epistolas ad Virgilium Arelatensem Episcopum, ad universos Præsules Galliæ, ad ipsum Childebertum, ad Brunechildem Reginam; & fortissimis rationibus profligatam invenies simoniacam labem, qua Galliarum; sive Germaniæ Episcopi ita foede aspersi erant, nullus ut ad sacrum Ordinem sine commodi datione perveniret: quibus ipsis in epistolis eorum etiam proscripsit, atque confutavit errorem, qui Laicorum, Neophytorumque immaturas, præcipientesque ordinationes, licitas existimabant. Lege Epistolas *lib. I. 74. 77., lib. II. 48., lib. IV. 31. lib. V. 5.* & perjucundum tibi erit Donatistarum thecnas omnes patefactas intueri, argumenta evulsa, hæresim profligatam: Con-

sule

fule *lib. xii.* epistolam primam, & errores de sabbati cultu, Judæorum ad instar, Romæ excitatos, abstinendi a quibusdam operibus; atque de prohibitione cujuscumque lavacri die Dominico provide admodum, ac solerter ab ipso fuisse propulso cognosces. Inspice tandem initium *lib. iii.* illius Vitæ per Joannem Diaconum conscriptæ, & quam præclare de re catholica sit meritis paucis narratum cognosces: ^a „ Jam Ligures, Vene-
 „ tos, Iberos, aliosque a schismate sub li-
 „ bello confessos Calchedonensem Synodum
 „ venerari compellens ad unitatem sanctæ
 „ Ecclesiæ revocarat; jam Barbaricinos, Sar-
 „ dos, & Campaniæ rusticos tam prædica-
 „ tionibus, quam verberibus emendatos a
 „ paganizandi voluntate removerat; jam
 „ Donatistarum hæresim penes Africam, Ma-
 „ nichæorum penes Siciliam, Arianorum pe-
 „ nes Hispaniam, Agnoetarum vero penes
 „ Alexandriam, scriptorum suorum validissi-
 „ mis auctoritatibus, importunissimisque
 „ legationibus, Domino suffragante, a cor-
 „ pore totius sanctæ matris Ecclesiæ seque-
 „ strarat.

II. Cui *bardum*, cui *modicum*, cui *trivia-*
le

^a *Exstat sub initium Tom. iv. Oper. Gregorii Magni edit. Maurin. Parisien. an. 1707. qua editione in universo nostro opere usi sumus.*

le est ingenium, is profecto ab epistolis non potest esse Romani Pontificis; provincia enim isthæc, & stili promptitudinem, atque claritatem; & ingenii acumen, atque maturitatem, & in omni quacumque re, sive politica, & pia, sive ecclesiastica, & profana exigat, postulatque peritiam; idcirco doctiores quovis ævo, cum in aliis; tum Romanorum Pontificum aulis, viros fuisse selectos, res trita, omnibusque vulgata est. Quis enim, qui vel summis labiis Ecclesiasticos attigerit annales, ignorat, S. Hieronymum Damasci Papæ, Prosperum Aquitanum S. Leonis a literis fuisse? Ita noster Gregorius ex sui Monasterii recessu a Rom. Pont. Pelagio juniore accersitus fuit, ut ei adjutor esset in epistolis conscribendis. Has inter^a, testem habemus Paulum Diaconum *lib. III. cap. 10.* de gestis Langobardorum, tres illas fuisse Pelagii II. nomine scriptas ad Eliam, aliosque Istriæ Ecclesiæ Episcopos, in quibus trium Capitulorum causa catholica, contra quam Istriæ Episcopi debacchabantur, æque eleganter, ac strenue, & erudite peroratur, defenditurque.

III. Ab eodem Pelagio II, juxta Baronii
sup.

a Card. Baronius omnium primus tres illas epistolas, quas acceperat a Nicolao Fabro, edidit in Annalibus Ecclesiæ, ad annum 586. num. xxiv.

supputationem ad annum 581. num. 2. &c. five potius , uti ex loco Joannis Diaconi , quem infra dabimus, inferri potest , a Benedicto Primo accersitus , & a Pelagio iterum avulsus a Monasterio , quod ipse condiderat ; & in quod divitiis , honoribusque facto nuntio se abdiderat ; in partem pastoralis curæ adscitus Diaconus , seu Levita , aut Cardinalis ex septem Regionariis creatus fuit . Profecto & ad hanc personam rite præsentandam non ille aptus esse poterat , cui triviale erat ingenium ; quandoquidem & prudentia esse debebat præditus , & scientia . Isti enim Diaconi , quos Gregorii tempore ad decem & novem ascendisse Joannes refert Diaconus *loc. cit. lib. III num. 7.* in Ecclesia Romana , instar eorum septem erant , teste Sozomeno *Historiæ Ecclesiasticæ lib. I. cap. 15.* qui ab Apostolis primi ordinati sunt ; & ex iis illos arbitror fuisse electos , qui septem Urbis Regionibus , atque Basilicis , unde Regionarii appellati , præficiabantur . Porro septem illis viris ab Apostolis vocatis , non solum rei domesticæ , verum etiam spiritualis , ut plurimum , cura fuit commissa . Si enim in rebus dumtaxat familiaribus administrandis incumbere debuissent , Apostolus in 1. ad Timotheum , animadvertente Berlendi nostro ^a in

Dissert.

Differt. de Oblationibus ad Altare , tot dotes modestiæ , temperantiæ , conscientiæ puræ , & vitæ omnino integræ non desiderasset ; neque eorundem ordinatio ritu solemni , orationum recitatione , manuum super ipsos impositione , sicuti hisce cæremoniis sancti Paulus , & Barnabas Apostolatu fuere initiati , peracta fuisset . Reipsa ex cap. xxi. num. 8. Actuum Apostolorum colligitur , Philippum Samaritanis Euangelium prædicasse , ideoque Euangelistæ nomen est consecutus *propter prædicationis euangelium* , adnotante S. Augustino ferm. 261. Romanæ imprimis Ecclesiæ Diaconis sacram istam provinciam fuisse creditam , rituum illius Ecclesiæ peritissimi Viri jam adnotarunt , ex S. Leonis sermone in S. Laurentii Diaconi S. Sixti Pontificis laudes habito , ubi non solum ministerio Sacramentorum , sed etiam dispensationi ecclesiasticæ substantiæ præfuisse affirmatur . Enim vero omni solertia , atque laude munus hoc a Gregorio administratum fuisse , nullum relinquit dubitandi locum Joannis Diaconi hoc testimonium (*Vita lib. 1. cap. 27.*) „ Omnium ad se con-
 „ vertebat animos . Quem prætoriam dignita-
 „ te fulgentem jus civibus dicere olim con-
 „ spexerant , nunc summa modestia ornatum
 „ Ecclesiæ ministeria tractare mirabantur :
 „ denique cernens Benedictus Ven. Pontifex
 „ vir-

„ virtutum gradibus Gregorium ad alta con-
 „ scendere,violenter eum a quiete Monasterii
 „ sui abstrahens ecclesiastici ordinis officio
 „ sublimavit , Levitamque septimum ad su-
 „ um adjutorium consecravit : in quo Vene-
 „ rabilis Levita Gregorius tanta humilitate
 „ vigit , tanta solertia ministravit ; ut in
 „ Ecclesiasticæ Hierarchiæ ministerio videre-
 „ tur divinis Angelis non solum nitore habi-
 „ tus , verum etiam claritate morum quo-
 „ dammodo coæquari „ . Unde Samuel Basna-
 „ gius ceteroquin in hujus Pontificis actionibus
 „ investigandis cavillator acerrimus , munere
 „ hoc bene cum fuisse functum testatur : *Annus*
jam incœperat ^a (inquit ipse) *cum Gregorius Dia-*
coni munere contentus , ejus functiones diligenter
obibat . . . in eo gradu constitutus .

IV. Verum,quanto ipse præstaret ingenio,
 argumenta longe clariora ostenderat , cum
 adolescentia vix egressus , præcipuis ornatus
 fuit secularibus dignitatibus ; quas inter re-
 censenda Senatoria feliciter adeo administra-
 ta , ut annos natus quadraginta dumtaxat,
 aut circiter , Justino Juniore imperante , Ur-
 banus Prætor fuerit designatus . Dignitas hæc
 principem inter Imperiales Italiæ dignitates
 secundum Ravennatem Exarcham , obtinebat
 locum, & auctoritate , & dignitatis apparatu
 vete.

^a Tom. I. I. *Annal. Politic. Hist.* pag. 905. *Roterod.* 1706.

veteribus Consulibus pene par videbatur; reipsa Consulum ad instar *serico contactus*, ac *gemmis micantibus solitus erat* (Gregorius) *per urbem procedere trabeatus*^a. Cum vero penes Urbanum Prætozem resideret publici privatiq; juris dicundi potestas omnis, novumque jus condendi, vetusque abrogandi; eximia profecto civilis juris cognitione, animi moderatione, ac solertia pollere debebat. Istis virtutibus usus est in suis sapientissimis responsis, ac monitis, quibus Pontificiæ ejus Epistolæ tertio quoque verbo splendent. Hujusmodi est illud Epistolæ xxiv lib. ix.^b, ubi Romano Defensori committit, ut adimpleri curet ultimam per triginta annos Rusticæ Testatricis neglectam voluntatem: *Et primum quidem si in conditione testamenti* (sunt ejus verba) *heres incidit, per quod nostra habeat causas Ecclesia, investigare te volumus, atque evidenter addiscere; & utilitatem pauperum, sicut rei ordo poposcerit, exequi; & tum pro ordinatione cele illius, vel redintegratione dimissa rei instanter esse sollicitum; quatenus pia testatrix voluntas in utroque valeat adimpleri; & detentores injusti culpam retentionis inde-*

B

bite

^a Verba sunt Gregorii Turonensis lib. x. Historiæ Francor. pag. 475. Edit. Parisien. Maur. ann. 1699.

^b Pag. 946. Tom. i. Opp. Gregor. cit. edit. quo in uno collectæ sunt omnes ejus Epistolæ.

bita ex justa amissione cognoscant. Prudentissimas continet ordinationes ejusdem libri epistola xxxvi ad Fortunatum Neapolitanum, Episcopum data, qua Judæis negotiatoribus e Gallia redeuntibus prohibuit, ne Christiana, quæ emerent, retinerent mancipia. Illius sagacissimæ prudentiæ & illud est tribuendum decretum, quo epistola xxvi laudati libri donatam ab Ammonia Romanæ Ecclesiæ domum Calixeno illius nepoti, Stephanianæ filio paupertate laboranti, restitui præcepit aurea hac regula: Quamquam ea, quæ ad Ecclesiæ jura perveniunt, alienari legis ratio non permittat; temperanda tamen interdum est censura districtiōis, ubi misericordiæ respectus invitat: maxime quando tanta est quantitas, quæ dantem onerat, & accipientis pauperiem juxta aliquid consolatur.

Sed infinitus essem omnia illius æquissima decreta congerere si vellem; vel ex iis duobus speciminis loco propositis, quanta caleret juris peritia aptissime coniici potest: quemadmodum & ex suis auro, cedroque pretiosioribus sententiis, ex quibus pauca hæc, quasi quosdam flosculos, delibasse non pigebit.

„ Epistola v. lib. vii. Scimus quia prima
 „ virtus est cognitio infirmitatis; atque ex
 „ eo colligimus, posse nos bene susceptum
 „ mini-

„ ministerium implere , quia nos videmus
 „ infirmitatem propriam ex humilitate co-
 „ gnoscere . Omnes enim infirmi sumus ; sed
 „ ille est infirmior , qui considerare non va-
 „ let infirmitatem „ .

Lib. vii . Epistola xxv . De S. Paulo excla-
 mante : Castigo corpus meum &c. „ Adhuc ti-
 „ met qui jam ad cælum ducitur ; & jam time-
 „ re non vult , qui adhuc in terra conversatur ?

Eodem libro epistola xxvi . Hortatur Theo-
 ctistam , cui nutriendorum liberorum curam
 mandaverat . Imperator , ut Eunuchos ipso-
 rum custodiæ , ac obsequiis deputatos admo-
 neat , ne insolentia verba coram ipsis habeant ;
*Verba siquidem nutrientium aut lac erunt , si bona
 sunt , aut venenum si mala .*

„ Epistola xxvii . ejusdem libri . Non mi-
 „ rum si bene loquitur , qui perfecte vivit „ .

„ Lib. viii . epist. xxxiii . Magna charitatis
 „ virtus est , quæ sinceritatis suæ vinculo al-
 „ terna mutuo affectu corda constringit ; &
 „ ea non finit e gratiæ compage dissolvi , dis-
 „ juncta conjungit , unita custodit , & igno-
 „ tos sibi imagine reddit cognitos per amo-
 „ rem „ .

„ Lib. ix . epistola lx . Incautæ præsumptio-
 „ nis est , quod fortis pavet , minus validum
 „ non timere ; sapienter enim illicita supe-
 „ rat , qui didicerit etiam non uti concessis ;

„ & quidem nos nullos in hoc nolentes ad-
 „ stringimus ; sed sicut facere solent medici ,
 „ etsi ad tempus , tristem curam tamen pro
 „ salute dictamus , .

V. Si vero aliquis fortasse obiiciat , fieri
 potuisse , ut peritiam hanc juris civilis Gre-
 gorius comparaverit longo illo annorum in-
 tervallo , quod fluxit ab ejus Prætura ad
 Pontificatum ; quo tempore scilicet episto-
 las , quas in speciminis locum attulimus ,
 constat esse conscriptas . At illud , etiam si mi-
 nime denegaretur (quamvis nullo certo mo-
 numento probari possit) nihilo tamen minus
 ejusmodi peritiam ad illius Præturæ tempore
 referendam esse contendimus ; quippe quam,
 ut supra observavimus , auctoritas condendi
 novas leges , veteres abrogandi , interpre-
 tandique postulabat . Accedit insuper , quod
 præ multis occupationibus , & negotiis , qui-
 bus eo intervallo Gregorius distinebatur ,
 tantum otii minime nancisci potuerit , ut per-
 difficili juris scientiæ sedulam operam im-
 penderet .

Sed præstat audire recentissimum Anony-
 mum Historicum Romanorum Pontificum ,
 qui proculdubio est Franciscus Brujus ^a ,cujus
 aucto-

*a Petrum Franciscum Courtajerum auctorem fuisse
 famosi Operis, cui titulus Histoire des Papes, opinatus
 erat*

auctoritatem plurimi sane facere debet Oudi-
 nus ; quia licet eodem in opere Catholici Ro-
 mani personam simulet , tamen nullam non
 arripit occasionem , quâ catholica dogmata pro
 virili evertat , sacros ritus irrideat , Romano-
 rumque Pontificum actiones vellicet atque
 fuggillet. Sub initium igitur Vitæ Gregorianæ
 ita loquitur *. „ Il fit paroître tant' d' habilité
 „ dans l' exercice de la Charge de Sénateur ,
 „ que l'Empereur Justin le Jeune le crea Pre-
 „ teur de Rome . Chacun fait que le Preteur
 „ étoit le principal Magistrat de cette gran-
 „ de Ville ; & l' on peut aisement conjectu-
 „ rer quel étoit le mérite de Gregoire , par
 „ le choix qu' on fit de lui pour exercer les
 „ fonctions de cette importante charge ,
 „ dans un tems d' horreur , & de calamité
 „ pour l' Italie comme Gregoire étoit de-
 „ stiné aux principales dignités du Senat, il ne
 „ faut pas douter , qu' on ne lui eut enseigné
 „ de bonne heure la jurisprudence ; & ses let-

B 3

„ tres

*erat in lib. 3. cap. 7. pag. 226. Historia Critica vitæ
 Arrii Italico sermone conscriptæ insignis Divini Verbi
 præco, & scriptor eruditus Cajetanus Travasa Cl. Reg.
 at in tom. I. p. 121. Historia Critica eodem sermone edi-
 ta vitæ Hæresiarcharum , qui primo Ecclesiæ secu-
 lo vixerant, citatum opus prima ejurata opinione, adju-
 dicat Francisco Bruys natione Gallo, qui ad Protestan-
 tes in Belgio transfuga , apud quos opus illud in lucem
 misit , in sinu tandem R. E. obiit .*

a Tom. I. pag. 350. Hagæ 1732.

„ tres font assez connoître combien il y étoit
 „ verſé ſi l'on veut ſavoir de quelle manie-
 „ re il s'acquitta des fonctions de juge , on'
 „ n'a qu'à examiner , les éminentes quali-
 „ tez , qu'il apporta à la charge de Preteur ,
 „ quand il y entra : un Eſprit éclairé , une
 „ grande maturité de jugement , une pro-
 „ fonde ſageſſe que nulles paſſions ne trou-
 „ bloient , une grande intelligence des Loix ,
 „ un diſintereſſement parfait , un amour ex-
 „ treme de la juſtice . On peut lire dans la
 „ plupart de ſes lettres , & de ſes autres ou-
 „ vrages les excellentes regles , qu'il donne
 „ aux juges , pour remplir parfaitement leurs
 „ obligations . On doit être perſuadé , qu'il
 „ n'en a connu la bonté , que par ſa propre
 „ expérience „ .

VI. Propter egregias hæc dotes Pelagio
 juniori graviffimæ antiquitatis viro ita fuit
 carus , atque probatus , ut ad Tiberium Au-
 guſtum Romanæ Sedis Apocrifarius an. 579,
 miſſus fuerit . Enim véro munus illud ſub Ma-
 gno Constantino inſtitutum , cum ſemper ſub-
 acti ingenii viros , tum maxime exigebat
 eo tempore , quo fuit illi impoſitum : illius
 enim erat excubare animo pro ſalutē , ac di-
 gnitate Eccleſiæ ; Orientis Auguſtos in veri
 Dei cultu confirmare ; facta tecta cuſtodire a
 laicali poteſtate ſacrorum jura ; & Episcoporum
 rum

rum Orientalium causas non raro cognoscere. Præterea, quæ duo ex tempestate sollicitum habebant Romanum Pontificem, erant & schisma ob tria Capitula conflatum, & Langobardorum bellum: quorum alterum Ecclesias Orientales, & Latinas, Latinasque ipsas inter sese commiserat; alterum vero universæ Italiæ, imprimisque Romæ gravissima intulerat, & graviora minabatur damna. Pelagius vero ægre ferens tot animarum ruinas, tanta Italiæ detrimenta, nullum non moverat lapidem, hæc ut mala pellerentur, ut schisma tolleretur, & pax in Italia refloresceret. Aliqua ipsi effulserat spes extinguendi schismatis, cum, mortuo Justino, Tiberius Princeps mitissimi animi, atque ad Religionem quam maxime propensi, imperium solus moderari coeperat. Sperabat enim Romanos, Imperatore isto suppetias ferente, nedum ab Urbe expulsuros; sed etiam ultimæ daturus internecioni barbaras illas gentes, quæ excusso regis potestatis jugo, triginta in partes, tot sub ducibus dispertitæ, Ecclesias spoliaverant, Sacerdotes interemerant, omnia sacra, profanaque jura sus deque verterant. Age vero si *bardum*, si *modicum* fuisset nostro huic Gregorio ingenium, credendum ne est, fieri potuisse, ut eligeretur, & mitteretur ad Urbem Regiam Romanæ Sedis Legatus ad hæc

pertractanda difficillima negotia, ab illo Pontifice Pelagio II. cui apprime notum erat, quam perdifficile esset, atque salebrosum munus illud, quo ipse tribus sedentibus Pontificibus fuerat functus? Non ita sane sensit citatus Anonymus; imo dotes omnes ad illud munus obeundum necessarias in Gregorio cognovit. „ Le Pape (hæc sunt illius verba^a) ne „ pouvoit pas choisir un plus habile homme „ que Gregoire pour une Negotiation si delicate „. Neque de Gregorio concepta spes fefellit Romanum Pontificem; nam Constantinopoli adhuc ipso degente, cum duæ sobortæ fuissent ea in Urbe hæreses, altera de impalpabili corporum resurrectione, qua de supra egimus, altera de conjugiiis sub Religionis prætextu dissolvendis; statim ipse utramque ita fortiter, ita sapienter confodit, ut non amplius caput extollere ausæ fuerint. Speratum etiam auxilium obtinuit, non quidem statim, sed paulo post: cum Mauritius Augustus duce Smaragdo Exarcho potentissimum in Italiam misit exercitum. Duobus annis regnante Tiberio, tribus autem sub ejus successore Mauritio, provinciam illam admirabili quadam laude gessit; tantumque Populo Romano probatus fuit, ut unam hanc fuisse ex potissimis causis, propter quas in

Pon-

Pontificem eligi meruerit, visus sit putasse Samuel Basnagius; *prudentiam ejus*, inquit^a, *ex iis, quæ apud Tiberium, Mauritiumque Apocri-
sarius gesserat, & intellexerant* (Romani). *Itaque sive natalium, virtutumve, vel prudentie
ratio haberetur, ex Clero Romano nullus sane di-
gnior inveniri potuit, qui tanta dignitati gerende
foret aptior.*

CAPUT II.

*Alia rationes afferuntur in laudem ingenii
nostri GREGORII.*

VII. **U**Nico utitur argumento Oudinus, ut nobis persuadeat, anile fuisse in Gregorio nostro ingenium; atque illud est, quod ab Urbe Mathematicos jusserit abire; ignemque applicuerit Palatini Palatii Bibliothecæ, ubi plurima asservabantur antiquitatis monumenta; ut sacræ Scripturæ studio homines unice incumberent, *quod certe stupidi ac bardi prorsus hominis erat*: o præclara de tanto Pontifice encomia!

Quid est quæso calumniari, si hoc non est? Quibusnam tabulis, quibusnam testibus tantam Gregorio invidiam creat Oudinus? Scilicet illum scriptorem in suæ calumniæ
testem

testem adhibet, qui longissimo distabat a Gregorio intervallo cum temporis, tum loci; qui licet eo in centone (uti opus illud de nugis curialium Joannis Sarysberiensis, unde narrationem istam sumpsit Oudinus, vocatur a Lipsio ^a) multos pannos purpuræ referat, & fragmenta melioris ævi; non pauca tamen sunt, quæ vulgi rumorem potius censenda sunt sapere, quam sint e genuinis monumentis deprompta; cum nullo innitatur vetusto auctore, inter quæ recensendam esse istam de Gregorio narratio nem nullus dubito. Nemo unus ex veteribus, cujus scripta ad nostram pervenerint lucem (& sane multorum pervenere) hujusce incendii, atque eliminationis ne vestigium quidem posteritati consignavit. Hoc equidem argumentum negans esse non inficior; at multi esse roboris negare non poterit homo vere doctus, cum admittatur hodie tamquam certum Mabillonii hoc præceptum ^b: Cum neque auctores coævi, nec qui unius, aut duplicis seculi intervallo succedere, gestum aliquid innuant, & nihilominus Historiographus aliquis recentior nullo testimonio, vel auctoritate innixus id temere asseverare audeat, tunc quidem par-

^a *Adnotat. 149. ad lib. xii. Annalium Taciti p. 207. edit. Antuerpiensis 1627.*

^b *De Studiis Monasticis part. II. cap. viii. num. 3.*

parvipendendus erit : secus enim ampla ad errandum , aliosque fallendum via sternetur. Eo autem majoris roboris illud esse debet apud censorem nostrum , quod ipsemet Joannem Diaconum præcipuum Gregorianæ Vitæ scriptorem non timuerit *cap. vi. diligentem* vocare actorem S. Gregorii *scrutatorem*. Illud saltem obtinere debebat Joannis Diaconi silentium a Critico nostro , ne tam confidenter factum hoc incautis propinaret , suumque asseclam , Societatis Romanæ , quam quisque maxime , acerrimum impugnatores imitari satius fuisset ; Belium nempe , cujus hæc sunt verba in suo Dictionario Historico-Critico , verbo Gregorius ^a „ On l'accusa d'avoir fait „ bruler une infinité de Livres Paiens . La „ Bibliothèque Palatine qu'Auguste avoit „ fondée , fut reduite en cendres par S. Gregoire dit-on . Je n'ai lu cela , que dans „ *Joannes Sarisberienfis* : ainsi je n'y aioute pas „ beaucoup de foi ; mais je raporte ses paroles : *Si vero Mathematicorum via esset usque- „ quaque laudabilis , non tantopere poenituisset „ magnum Augustinum se eorum consultationibus „ inclinasse . Ad hæc Doctor Illustrissimus* ^b ille „ Gregorius , qui melleo predicationis imbre totam

^a Tom. II. pag. 595. Amsterdam 1730.

^b Sanctissimus legitur in Opere citat. de Nugis Curialium lib. II. cap. xxvi. pag. 173. Amstel. 1664.

„ tam rigavit , & inebriavit Ecclesiam ; non
 „ modo mathesin jussit ab Aula recedere , sed ut
 „ traditur a majoribus , incendio dedit probata
 „ lectionis scripta , Palatinus quacunque tenebar
 „ Apollo ; in quibus erant precipua , que cele-
 „ stium mentem , & superiorum oracula videban-
 „ tur hominibus revelare , , .

„ Il dit en un autre lieu que St. Gregoi-
 „ re abolit les livres profanes a fin de rendre
 „ plus recommandables les livres sacrez: Fer-
 „ tur *Beatus Gregorius Bibliothecam combussisse*
 „ *gentilem , quo divina paginae gratior esset locus,*
 „ *& major auctoritas , & diligentia studiosior .*
 „ Ce qu' il y a de fort certain c'est que le Pa-
 „ pe avoit conçu beaucoup d' aversion pour
 „ les livres du Paganisme , , .

His & illud accedit penes ipsummet Sa-
 rysberiensem, ut pote qui hac de re nihil aliud
 habebat præter rumores vagos , incertasque
 hominum traditiones , hujusmodi narrationes
 magna laborasse fide . Seros autem nepotes
 mihi videor videre suspicionis hujus voluisse
 certiores facere , cum verbo fertur usus est .
 Porro Criticorum natio parum , aut nihil fi-
 dei adhibere solet veterum narrationibus ver-
 bo illo , aut simili expositis ; instar omnium
 unus sit citatus Belius , qui cum sibi sumpsis-
 set momenta elidere , quibus præcipuus Gre-
 gorianæ editionis nuperus auctor Dionysius

a S. Mar-

a S. Martha , Monachus e doctissima S. Mauri familia, in sua hujus Pontificis historia gallice edita, dialogorum libros e Dupinii objectionibus nititur liberare , hanc loco supra commemorato statuit regulam: „ Tout bon Histo-
 „ rien , qui raconte ce qu' il juge fabuleu-
 „ sé , y joint un , *on dit* , où quelque autre
 „ clause , qui temoigne encore plus nette-
 „ ment , ce qu' il en pense , & ainsi quand
 „ il n' ajoute rien de cette nature a ses nar-
 „ rations , c' est une marque, qu' il les donne
 „ pour veritables , & qu' il souhaite de les
 „ persuader a ses Lecteurs „ .

Hoc autem cognito haud veremur , post alios probatissimos Auctores , cum Maurinis (in vita hujus Pontificis *) universam illam Sarysberiensis narrationem inter nugas , anilesque fabulas reiicere .

VIII. At demus Gregoriano edicto proscriptos fuisse , jussosque ex Urbe facessere hujusce furfuris homines, quos profecto numquam amavit , imo in illos vehementi oratione insurgit *Homil. x. in Euang. num. 4. & 5.* hoc ipsi quin vitio , laudi potius verti debere æquus rerum existimator judicabit . Non enim tunc temporis , qui Mathematici vocabantur , in id incumbabant , ut Cæli conversionem , syderum ortus , & occasus , Planetarum

rum conjunctiones, & aspectus, tum cursus, incessus, stationes; atque regressus ad commodam temporis, dierum, mensium, annorum, atque cyclorum distributionem, ad orbis Terræque figuram, & magnitudinem, ad urbium, locorum, insularumque situs, longitudes, latitudinesque navigationis bene definiendas, atque ad alios, ut nunc fit, in vita humana præstantissimos usus contemplerentur; sed illud unum erat eis propositum, ut signifero orbe in duodecim partes, sive casas dispecto. ratî hujus orbis unamquamque partem aliam alio modo movere, & immutare cælum, perinde ut quæque stellæ in iis finitimisque partibus, sint quoque tempore; multumque referre, quo statu cæli, & stellarum infantes nascantur, ex eo ingenia, mores, animos, corpus, actionum vitæ, casus, eventusque; summa impudentia, summaque fallacitate, atque hominum incommodo prævidere certo jactarent. Quam futura prædicendi artem impiam esse affirmat Vossius ipse Johannes Gerardus *de natura artium* *. Quo quidem in loco ferendus minime est eo etiam nomine Criticus noster, quod hujus sectæ *δογματῶν* se prorsus ignarum ostendit, hæc scribens: *non modo mathematicas scientias, quæ demon-*

* Cap. xxxix. §. xiii. pag. 135, tom. iil. Oper. Amstelædam. 1700.

demonstrationibus ubique agunt , Reipublicaque utilissima ab aula recedere jussisse &c.

IX. Quocirca perdit moris homines istos si non fuisset averſatus , atque eos ab urbe , quam certissimis institutis , sanisque disciplinis pro sua virili imbuere connitebatur , non eliminasset , librorumque id generis (quos *diabolicos* a Christianis primitivæ Ecclesiæ fuisse vocatos affirmat Ugo Grotius in *cap. XIX vers. 19. Actuum Apostolicorum* ^a . Lectionemque non prohibuisset , vapulasset jure ac merito a viris probis , veraque scientia præditis , quemadmodum vapulat S. Augustinus abs Tillemontio , cujus testimonium , utpote nostram de priscis illis mathematicis observationem confirmans scribere non pigebit :

„ ‘ Augustin n’ estoit pas aussi éclairé sur l’ astrologie judiciaire , que sur les sacrilèges
 „ de la magie , quoique la véritable piété
 „ Chrétienne condanne l’ une aussi-bien que
 „ l’ autre : & parceque ces observateurs des
 „ astres , qu’ on nommoit alors mathématiciens , ne faisoient ni sacrifices ni prières
 „ aux

^a *Tom. 8. Criticorum Sacrorum pag. 358. Amstelædami 1698.*

^b *In vita S. August. ad an. Christi 379. art. 12.*

^c *Lib. v. de Civ. Dei cap. 1. & lib. vi. cap. vi. de Confess. illud tamen animadvertendum ea deliramenta , & ipsum Augustinum deinceps condemnasse.*

„ aux demons , il ne cessoit de les consulter
 „ pour acquerir par leur moyen la connois-
 „ sance de l'avenir „ .

X. Neque insueta fuisset , neque insolens
 hujusce pestis * ab Urbe expulsio , ex qua &
 novum de Gregorii in jure civili peritia ar-
 gumentum elicitur . Nam florente adhuc Ro-
 mana Republica fuere facta & de Mathema-
 tificis , Magisque Italia pellendis Senatus Con-
 sulta , quorum e numero Pituanus Saxo de-
 jectus est , teste Tacito *lib. II. Annal.* in quæ
 verba ita adnotatum est ab eodem Lipsio ,
 imo *repetita potius ; nam veteri lege , edictoque ,*
pridem amota e Republica illa pestis . Reipsa an-
 no Urbis conditæ 614. ab Hispalo Prætore
 Urbe & Italia expulsos fuisse testem habemus
 Valerium Max. 1. 3. 2. , Cornelius Hispalus
 „ Prætor peregrinus N. Propilio Lennate ,
 „ CN. Calpurnio Coss. edicto Chaldæos in-
 „ tra decimum diem abire ex Urbe , atque
 „ Italia jussit , fallaci syderum interpreta-
 „ tione , quæstuosam mendacii sui caligi-
 „ nem iniicientes „ : Dio Cassius *lib. XLIX.*
 a Marco Agrippa Ædile ; Suetonius ab Au-
 gusto Tiberio narrant expulsos fuisse illos
 homines , quod affirmatum est etiam a Vul-
 piano *lib. VII. de officio Proconsulis* , hisce
 ver-

a Sic hoc hominum genus notatur a Lipsio adnot. 85.
 ad lib. II. citati Operis ,

verbis juxta Lipsii emendationem in excursu ad laudatum lib. II. *Annal. Taciti* : *Sapissime denique interdictum est fere ab omnibus Principibus, ne quis omnino hujuscemodi ineptiis se immisceret ; & varie puniti sunt hi , qui id exercuerunt , pro mensura scilicet sceleris & consultationis .* Istas autem poenas recenset Julius Paulus *Tit. 18. lib. v. De Sententiis receptis* , quas ad capitis etiam discrimen extensas fuisse cum homines isti de salute Principis , vel summa Reipublicæ consulebantur , affirmat ibidem Paulus , & explicat Jacobus Cujacius in illius loci interpretatione^a : Ubi hoc etiam addit non tantum eos , qui divinandi artem exercebant , sed , & qui ejus periti erant , aut qui vaticinios libros habuissent fuisse punitos . Poenæ hujus præclaram rationem affert Josephus Garafa Cl. Reg. *hujusmodi homines* , sunt hæc ejus verba , *etsi accepti vulgo , qui his studiis delectari solet , exosi tamen fuere Principibus , eorumque Ministris , quod sepe in vitam Principis agerent , & vaticiniis alerent animos rebellium .*

Quod si a Principibus Laicis , imo ab ipsismet Ethnicis, bono Reipublicæ lex isthæc lata est , propter quam cordatus quisque vir illos

C

com-

^a *Tom. I. Oper. pag. 503. edit. Neapolit. 1722.*

^b *Cap. IV. num. 3. pag. 101. Histor. Gymn. Rom. ejusque Professor. 1751. Romæ*

commendat ; Gregorio Magno per diversam philosophiam , scilicet Christianam educato crimini hoc dabimus ? *Si Astrologia Caesarum legibus* (liceat hactenus dicta verbis exponere Pici Mirandulani , viri si quisquam alius ingenii acutissimi , sub initium disputationum adversus Astrologos) *si Caesarum legibus , & prudentum uti noxia vitæ , civitatibus , eliminatur ; si oraculis prophetarum , Pontificum sanctionibus , hominum scientissimorum vocibus , & doctrinis , ut moribus , & pietati pestifera condemnatur* quid est , ajo ego , cur Gregorio Pontifici maximo Christianorum non fuerit licitum vestigia tam utilia sectari ?

XI. At enim illius ævo ad meliorem mentem redactum fuerat horum hominum genus. Contra perinde illo tempore , ac antea illos desipuisse ostendunt satis aperte cum supra laudatus Tillemontii locus , tum repetita ab Imperatoribus eorum proscriptio ab Justiniano in primis , qui in *lib. IX* Codicis *Maleficos* , condemnavit . Porro hoc nomine , & Mathematicos voluisse comprehendere peritissimus affirmat civilis Juris interpret citatus Cujacius . Hinc enim illud versans verbum in *lib. I. Codicis cap. XVIII.* hæc habet * . *Maleficorum nomen latissime patet ; nam complectitur etiam Mathematicos : non qui Geometriam , Arithmeticam , Musi-*

a Tom. 9. pag. 1437. cit. editionis .

Muscam, Astronomiam exercent, quæ artes sunt liberalissima, sed Chaldei, ut vocabantur, & Genethliaci impostores quidam Mathematicorum nomine adumbrantes suas ineptias, qui profitentur se fata cujusque nosse, & Natalitias syderum observationes; qui omnes, & his similes, arioli, vaticinatores, Magi, plerisque Senatus consultis subjiciuntur poenis legis Corneliae de Sicariis, & veneficis l. ex Senatuscons. D. ad leg. Cornel. de Sicar. Et apud Vlpianum in Fragment. lib. de officio Procons. & apud Cornel. Tacitum multis in locis fit eorum Senatus consultorum mentio, & coercentur tam discipuli, quam Magistri l. poen. hujus tit. Tertullian. lib. de Idololat. de his impostoribus scribens; Eadem poena est, inquit, discipulis, & Magistris, & libri eorum comburuntur, l. cetera §. i. famil. Ubi vocantur hi libri improbata lectionis, juxta elegans illud praeceptum Phocylidis. φάρμακα μὴ τεύχεα μαγικῶν βιβλίων αἰνέεσθαι. Quod autem permittitur in l. i. v. hoc tit. ut sic iis malis artibus uti liceret salutis ferendae causa, frugum a calamitate servandarum causa, quod plerique faciunt, quos Seneca vocat χαλατο φύλακας, quasi observatores grandinum, hoc recepit Paganismus, ut liceat improbatis artibus salutis ferendae causa uti, & merito etiam hujus legis pars est abrogata Novella Leonis Philosophi 65. Huc etiam facit titu-

lus XVI. lib. IX. Codicis Theodosiani, qui totus est contra Maleficos, & Mathematicos.

XII. Ac primam quidem objectionis partem solvimus; ad alteram, quæ est de conflagratione Palatii Bibliothecæ, ubi plurima servabantur antiquitatis monumenta, non minus expeditas ac bonas habemus responsiones. Principio autem illud intelligendum est criminationis hujus fundamenta fuisse labefactata, ac prorsus everfa, cum sub hujus capituli initium Scriptoris Anglici auctoritate, qua una se tuetur noster hic censor, nihil (ad hanc rem quod attinet) esse faciendam ostendimus. Etenim uno ex illis loquendi modis combustionis hujus meminit Sarysberienfis, quo (ipsomet duce Belio) probavimus de ejusdem narrationis genuitate, ut minimum, ancipitem fuisse Anglicum Authorem: *Fertur*, sunt hæc ejus verba de nugis Curialium, *Beatus Gregorius Bibliothecam combussisse Gentilem*^a.

Verum licet certissima proferri possent monumenta non hinc tamen causa cademus. Ratio enim, qua ad illam conflagrationem inductus fuisset Gregorius nedum a crimine omni eum liberat, sed laudibus dignum reddit, cum ratio illa eadem omnino fue-

^a *Lib. II. cap. XIX. cit. edit.*

fuerit , qua ab Urbe Mathematicos jussit amolliri : nimirum, teste eodem Sarysberienſi, quod multa eſſent iis in libris de Idolorum ſuperſtitione , cujuſmodi ea ſunt , quæ de futuris hominum actionibus diſputant : *Quo in incendio* , ait loco cit. Sarysber. *plutei in cineres acti* , in quibus erant præcipua , quæ celeſtium mentem , & ſuperiorum miracula videbantur hominibus revelare . Atque iſta ſunt illa , quæ ab Oudino pretioſa nuncupantur veneranda prorsus antiquitatis monumenta . Cum vero Gregorius noſter quo flagrabat morum componendorum deſiderio , qua erat animi ſagacitate , ac diligentia , jam ſentiſſet inutiles fore de Mathematicis pellendis labores ſuos, niſi etiam libros iſtos , in quibus pravæ opinionones , & ad mores effeminandos aptiſſimæ continebantur , de incautæ potiſſimum juventutis manibus non abſtuliffet , quippe non minus ad mores corrumpendos vox hominis vivi apta eſt , ac mortui . Quamobrem ne umquam hæc monſtra hominum mentes occuparent atque vitiarent , efficax hoc adhibuit remedium ; nam ab illis , quibus regendorum populorum cura fuit commiſſa , intellectum ſemper fuit , atque experiundo cognitum nulla alia ratione poſſe cohiberi ſubditos ab illorum lectione librorum , quos adverſus Rei publ. finem aliquid amplecti ſciebant, niſi ul-

tricibus flammis libros ipsos perdere. Sexcenta cum ex Ethnicis, tum ex Christianis sanctionibus hausta, facile esset, in medium proferre exempla, quæ inter alios collegerunt Schelornius in Dissertat. de libris consumptis, & Verricelli noster in *quæst.* 195. *sect.* 2. de Apostolicis missionibus. Nobis unum, vel alterum protulisse sat erit. Octavianus Augustus; narrante Suetonio in Octaviano August. cap. xxxi. *Quidquid fatidicorum, librorum Græci latinique generis nullis, vel parum idoneis auctoribus vulgo ferebatur, supra duo millia contracta undique cremavit.* Magicos, & Judiciarios libros iisdem flammis consignare; Constantinus Magnus, Theodosius, & Valentinianus Imperatores, & Cabades Persarum Rex; nec non Manichæorum libros flammis exterminare Leo Magnus, & Symmachus Pontifices. Quid plura? Ipsosmet sub initium nascentis Ecclesiæ Christianos, hos libros, utpote veræ Religionis corruptores combussisse clare patet ex cap. xix. vers. ix. Actuum Apostolorum. Ἰεανοὶ δ' ἰπὸ τὰ πριεργὰ πράξαντων συνερέγκαντες τὰς Βίβλους κατέκαιον ἐνώπιον παντῶν, καὶ συνεψήφισαν τὰς τιμὰς αὐτῶν. &c. Multi autem curiosa agentium conferentes libros combusserunt coram omnibus, & computaverunt pretia illorum, & invenerunt argenti myriades quinque. Quam summam Deus

deus quinque millia aureorum suorum valere putat. Profecto hos libros ejusdem omnino generis fuisse, quos comburi fecit Gregorius, futura nimirum prædicentes, Astrorumque cursus superstitione investigantes probatum est inter alios a Grotio in hoc caput ubi inter alia hæc scripsit *Γοτηνικὰς Βίβλας libros magicos habent hic Patres Græci. Christiani vero diabolica hæc vocarunt. Sed Lucas recepta Ephesi voce uti contentus est. Ephesus ante alias civitates his pravis studiis dedita &c.* Neque meliora tunc temporis continebant aliorum scriptorum, Rhetorum licet, Codices; unde nil mirum, si eadem sorte, & ipsos condemnavit Gregorius, quandoquidem & ab Ethnicis etiam damnatos fuisse ex citato Suetonio patet, qui refert Cajo Fannio Strabone, & Marco Valerio Messala Coss. contra Philosophos, & Rhetores Senatus Consulto cautum fuisse *Romæ ne essent*, iterumque censoris edicto Cn Domitii, Cn Ænobarbi, & L. Licinii sublatas fuisse id generis scholas, non ea quidem ratione ab Eri- cio Puteano excogitata^a, quod *Martiales illi manu esse strenui, quam lingua malebant*, sed quod Rhetorum disciplinæ, ut bene adnotatum video abs Josepho Saxio, a Græcis inventæ in abusum ac turpem depravationem prorue- rant, Sophistarum vero argutiæ, & captio-

C 4

nes,

^a In Dissertatione de scholis Palatinis.

nes, fictæque ad jus pervertendum controuersæ, iuventuti ac Reipublicæ plurimum officiebant, unde non vera eruditio, ac sincera eloquentia, sed fraudolenta, & captiosa expulsa fuit^a.

His autem rite seduloque expensis, quis non intelligit ex Mathematicorum exilio, ex librorum de superstitione, deque pravis moribus inducendis agentium combustionem, quam suomet jussu exemplo comprobavere ante Gregorium Imperatores & Ethnici, & Christiani, Summique Pontifices a recta discurrendi ratione omnino abhorrere illud, quod coniicit Criticus noster *Bardum*, scilicet fuisse Gregorii ingenium, litterasque, & litteratos odio habuisse? Proh Deum immortalem! quis Gregorio veræ litteraturæ amantior? Quis Litteratorum cultior?

Ejus in investiganda veritate, atque in recta doctrina percipienda studium ostendit diligentia in consulendis vetustis Codicibus; cum enim Ephesinæ Synodi locum quemdam in vulgatis libris viciatum fuisse suspicaretur, ita scripsit ad Narsen Comitem, lib. VI. Epistolar. epist. XIV. *Charitas ergo vestra vetustos omnino Codices ejusdem Synodi requirat, & illic inde videat si quid tale invenitur, mihi eundem Codicem quem invenerit transmittat,*

^a De Studiis Mediolanensium pag. 11. Mediol. 1729.

mittat, quem mox ut legero retransmitto. Novis enim Codicibus passim non credat, ex qua re dubius factus sum, & nihil adhuc volui de hac causa prædicto fratri meo Johanni Episcopo rescribere. Romani autem Codices multo veriores sunt Græcis, quia nos vestra sicut non acumina, ita nec impossuras habemus.

XIII. Neque minus certa, minusque efficacia suæ sollicitudinis in promovendis litteris, colendisque earum amatoribus servata sunt indicia; etenim tamquam majus lumen de sublimi quadam specula errantibus honestis disciplinis gravioribusque studiis viam ostendit, hospitio excepit suo in Palatio, Laicis hinc recedere jussis^a, ubi litterarum studia reflouescere visa sunt: selectiora quippe ingenia sive ex Clericis, sive ex Monachis contubernalia habebat, quibuscum quidquid reliquis curis supererat temporis, gravissimis, sanctissimisque sermonibus traducebat, Magni Leonis vestigia persequens, cui prima fuit cura adsciscere homines pietate, & eruditione præclaros^b. Sed ipsa præstat Johannis Diaconi verba

^a Præclarum Gregorii exemplum imitatus deinceps est, ad Ephebos quod attinet, Paullus IV. Pontifex Maximus gravissimæ antiquitatis vir, Congregationisque Clericorum Regularium, Confundator eam legem hodierna quoque die Romani Pontifices custodiunt.

^b Dissert. I. de vita S. Leonis Magni pag. 135. tom. II Oper. novæ edit. Quesnellii.

verba etsi longiora exscribere, ne oratorio modo a nobis hæc esse enarrata aliquis putet: Tunc rerum sapientia Romæ sibi templum visibiliter quodammodo fabricabat, & septemplicibus artibus veluti columnis nobilissimorum totidem lapidum Apostolica Sedis atrium fulciebat. Nullus Pontifici famulantium a minimo usque ad Maximum, barbarum quodlibet in sermone, vel habitu præferebat, sed togata Quiritum more, seu tra-beata latinitas suum Latium in ipso Latiali palatio singulariter obtinebat. Refloruerant ibi diversarum artium studia, & qui vel sanctimonia, vel prudentia forte carebat, suo ipsius judicio subsistendi coram Pontifice fiduciam non habebat.

XIV. Antequam vero caput hoc absolvam a duobus aliis vindicandus est criminibus Sapientissimus Pontifex, quæ Oudini quidem censoriam notam fugerunt, sed ab aliis, apud quos Gregorius noster non bene audit, solent ipsi intentari, quorum alterum est, pulcherri-ma Romæ ædificia, ut Peregrini Romam con-tendentes in sacrorum locorum visitationibus tempus unice infumerent, humi æquari fecisse, alterum vero Titi Livii opera flammis dedisse.

Paucis autem ab utroque me expedio, cum ostendam, utrumque vehementi apud sanæ Criticæ sectatores debere suspicione laborare:

re. Et ad primum quod attinet, & nullo nititur vetusto scriptore, & a recta cogitandi ratione prorsus est alienum; nam Gregorius verbis Platinæ hanc ipsam diluentis calumniam ^a *post Deum, Patria, quam vita charior fuit.* Idcirco non timuit Belius ipse. (l.c.) scribere: „Il n'est pas certain, qu'il ait fait „détruire le beaux monument des Romains.

XV. Ad alterum vero quod spectat, omnium primus, qui hujusce rei meminit creditur D. Antoninus Florentiæ Archiepiscopus, & célebris xv. seculi scriptor; *At mirificus zelus fuit S. Gregorii,* inquit Vossius de Historicis Latinis ^b, *qui ut S. Antoninus, & ex eo Joannes Hessellius, ex utroque Raderus ad Martialem tradit, Livium propterea combussit, quod in superstitionibus, & sacris Romanorum perpetuo versatur.* Unde autem S. Antoninus id acceperit se ignorare ingenue fatetur Johannes Albertus Fabricius. hisce verbis ^c: *Nescio unde acceperit Antoninus Florentinus part. 4. summe Confess. tit. 11. cap. 4. quod tradit, Gregorium omnia scripta, quæ potuerit consequi T. Livii comburi fecisse, quod in illis multa de superstitione Idolorum traderentur.*

At videat Oudinus, quam sincere cum ipso

^a *In vita S. Gregorii I.*

^b *Lib. 1. pag. 48. Francofurti an. 1677.*

^c *Bibliorheca Medica, & infima Latinitatis tom. 3. pag. 746. Amburg. an. 1735.*

ipso disputemus . Neque primus fuit S. Antoninus , qui hanc commemoravit combustionem , neque incertum est unde ipse hoc acceperit : *De Gregorio Magno* , sunt hæc S. Antonini verba , *par. 4. summae Theolog. tit. xi. cap. iv. dicit prædictus Dominus Johannes Dominici Cardinalis , quod omnes libros , quos potuerit habere Titi Livii , comburi fecit , quia ibi multa narrantur de superstitionibus Idolorum .*

Nihilotamen minus roboris nihil perdit negatio nostra ; Johannes enim Dominici ex Dominicanorum Familia , & S. R. E. Cardinalis , vir quidem fuit & pietate , & doctrina præditus , tamen cum ex altera parte nos hæcenus lateat a quibusnam fontibus id hauserit , ex altera vero , quo minus indubiam faciat fidem , magnum est illud , quo a Gregorii temporibus distabat , intervallum . Ipso enim duce nomen dederat Dominicanis Antoninus ; & vita functus est anno 1418. aut 1420. quemadmodum in vita habemus ejusdem S. Antonini ^a . Neque patiar , ut Oudin mihi Hesselium Raderium , aliosque opponat recentiores , quos omnes ad unum revocandos esse S. Antonini , sive potius Johannis Dominici testimonium , ipse nos docet

^a *Pag. 28. sub initium tom. i. Summae Antonini Veronæ 1742. & apud Eccardum in Bibl. Scriptorum Ordinis S. Dominici .*

cet Belius , qui *Verb. Leonem X.* negans in iis ,
 quæ adversus Leonem X. * litteris configna-
 vit in suo iniquitatis mysterio Philippo Mur-
 næo , de quo aliquid a nobis agendum erit
cap. VII. fidem esse adhibendam , hanc statuit
 regulam : „ On voit dans ce conte le mystere
 „ d'iniquité , e dans une infinité d'autres liv-
 „ res, toûjours sans être muni de citation, ou
 „ n'ayant pour toute preuve que l'autorité
 „ de Baleus : de sorte que trois ou quatre
 „ cens auteurs plus ou moins , qui ont débité
 „ cela, en se copiant les uns les autres, doivent
 „ être réduits a un seul témoin, qui est Baleus, „
 Quo circa nullius justam arbitramur repre-
 hensionem incurrere , si usque dum probatio-
 res educantur tabulæ, universæ illi narrationi
 minime nostram adhibeamus fidem , imo etsi
 male per illam combustionem Reipublicæ bo-
 no consultum fuisset , nil tamen ex illa, quip-
 pe quæ , ut minimum incerta , adversus Gre-
 gorium hætenus extundi posse , pro certo af-
 firmare non veremur . Veruntamen si de Li-
 vii combustionem constaret , nihilominus *mi-
 rificus* , ut ait Vossius supra laudatus , Grego-
 rii zelus minime reprehendendus esset totum
 Livium proscribentis ac Vulcano commit-
 tentis in odium tot ineptiarum , & supersti-
 tionum , quibus identidem scatere præter
 Vos-

Vossium, & Lipsius, & Possevinus, & plerique alii magni nominis viri ostenderunt quidquid in contrarium dicat Johannes Tolandus in suo Tito Livio vindicato^a.

C A P U T I I I.

De libris Job, sive Moraliū.

XVI. **E**Ximiis perfunctus muneribus, gravissimisque exanthlatis laboribus utraque in Roma cum veteri, tum nova, in sui Monasterii claustra anno quingentesimo octuagesimo octavo se tertio receperat atque abdiderat Gregorius. Hoc in recessu a negotiis, quibus curiam incolens undique premebatur, remotus vitam ducebat feriatius quidem, sed non otius *nihil enim*, ut scite observatum est a Vincentio Riccardo Cl. Regi in vita S. Proculi Archiepiscopi Constantinopolitani^b, *sanctissimorum virorum, quiete actuosius, & cum vacant, tum maxime Dei magnalia vident, eaque aliis videnda proponunt*. Totus igitur in rerum contemplatione dum esset, ad limam vocavit, atque rectactavit suam in Jobi libros ethicam interpretationem, quam susceperat Constantino-
poli Apocrisarium agens, præsensibus, quos
ex

ex Urbe secum duxerat Monachis, & Leandro Hispalensi Episcopo, quo cum in nova Roma consuetudinem iniverat; sub sui vero Pontificatus initium triginta & quinque digestam libris, qui ob ethicæ monita potissimum, quibus repleta est, atque resplendet Morales dicuntur, compleverat & primo per Urbis Monasteria subdiviserat, postremo vero eidem Leandro Episcopo destinaverat. Hos referens libros Oudinus in cap. III. *Nimia, inquit, simplicitatis ac moralium immoderata luxuria quisquis commentarium hunc argueret haudquaquam a vero, rectoque aberraret ille iudicio. Quo quidem præconcepto iudicio factum esse reor, ut præstantissimi hujus libri lectio tantam moverit delicatissimo nostro Critico nauseam, ut illum deterruerit a discutiendo ad finem usque.*

XVII. Profecto non ita sensere probatissimi viri cum veteres, tum recentiores, qui perspicui & probi ingenii lumen hisce in commentariis cognovere, ubi non simplicia quidem sunt verba, quæ stomachum jure moveant, sed pura & casta sine fūco, sine lenocinio: non vacuæ, & lectorem a se removens, sed ponderosæ, piosque animos concilians sententiæ e purioribus haustæ Scripturæ sanctæ, Veterumque saniorum auctorum libris non per vim tractæ, sed quasi sponte adductæ; ubi feracissimus ad vera Religionis nostræ

stræ dogmata confirmanda , atque asserenda fons continetur ; ubi allegoricum tunc secutus est sensum , cum verba *superficie tenus accepta nequaquam instructionem legentibus , sed errorem gignerent* . Quod vero nimia allego-
 riarum frequentia objecta sit Gregorio a nostratibus etiam Auctoribus , mihi potius hinc laudandus videtur . Etenim non eo quidem inficias unam aliquando litteram in scripturis docere , verum longe frequentius in aliis sensibus virtutum semina latitare , nemo est qui nesciat ; sic enim ipsum scripturarum potissimum auctorem Christum Dominum , nos docuisse , S. Augustinus auctor est : *Dominus Noster Iesus Christus , inquit^a , ea qua faciebat corporaliter etiam spiritualiter volebat intelligi ; neque enim tantum miracula faciebat , sed ut illa qua faciebat mira essent videntibus , vera essent intelligentibus* .

Hoc autem dicendi genere , etsi aliquando frigidiusculum nonnullis sapiat , usi tamen sunt quam frequentissime veteres Ecclesiæ Patres , quorum lucubrationes censoris nostri laudes extorserunt Basilius , Athanasius , Chrysostomus , Hieronymus , alique , quod intelligerent vulgum , cui debitores in primis erant , non solum delectari , atque ad
 virtu-

^a Sermone 44. de Verbis Domini cap. 111. tom. v. pag. 518. E. M.

virtutis amorem alicui gravi, & plana, sed etiam, imo ut plurimum magis admirabili; atque acuta oratione. Sensum autem litteralem non quidem nunquam (quod falso ab aliquibus est affirmatum) sed tunc est amplexatus, cum timeret ne literalis historiæ sensus oblatum sibi veritatis lumen absconderet^a, mysticum vero frequentius investigat, quoniam totum id., quod legimus in divinis libris nitet quidem, & fulget etiam in cortice, sed dulcius in medulla est: qui edere vult nucleum, frangat nucem: uti ad hanc in sacrarum Scripturarum interpretatione ineundam rationem Paulino Nolano Episcopo auctor erat S. Hieronymus in hisce dandis regulis vel facile princeps^b. Atque, ut paucis omnia comprehendam, suismet Gregorii verbis loco citato, *quædam Historica expositione transcurrit, & per allegoriam, quædam typica investigatione perscrutatur, quædam per sola allegoricæ moralitatis instrumenta discutit nonnulla autem per cuncta simul sollicitius exquirens tripliciter indagat. Quamobrem miranda rationis a Venerab. Beda lib. I. Historiar. mirabile opus a Sigeberto Gemblacensi de scriptoribus Ecclesiasticis, & ab Isidoro Hispalensi hoc Encomio laudatur^c: Gregorius Papa,*

D

Romæ.

^a S. Gregorius lib. I. Moralium num. 4.

^b Epist. LVIII. ad Paulinum num. VIII. edit. Veron. 1734.

^c De Scriptoribus Eccles. cap. XXVII.

Romanae Sedis Apostolica Praesul, compunctione timoris Dei plenus, & humilitate summus, tantumque per gratiam S. Spiritus scientiae lumine praeditus, ut non modo ibi praesentium temporum quiscquam Doctorem, sed nec in praeteritis quidem illi par fuerit umquam. Is, efflagitante Leandro Episcopo, librum B. Job mystico morali sensu differuit, totam prophetiae ejus historiam in triginta quinque voluminibus largo eloquentiae fonte explicavit, in quibus quidem quanta mysteria sacramentorum aperiantur, quanta sint in amorem vitae aeternae morum praeccepta, vel quanta clareant ornamenta verborum, nemo sapiens explicare valebit, etiamsi omnes artus ejus vertantur in linguas.

Ab aliis praecclaris hominibus tanti factum est opus hoc, ut, auctore adhuc superstite, a multis Episcopis cum ad eorum mensas^a, tum publice ad cursus diurni vigilias legi coeptum erat: quod ubi modestissimo Pontifici nuntiatum fuit, ne amplius id fieret, his datis ad Johannem Subdiaconum Ravennae litteris prohibuit^b: Illud autem, quod ad me quorundam relatione perlatum est, quia Re-

Veren-

^a Laudabilis haec eaque apprime utilis consuetudo legendi libros ad mensam magno olim in usu per Concilium Tridentinum sess. II. per S. Carolum Borromaeum Mediolanensibus in Conciliis primo & quarto capite de Episcopi mensa restaurata, a clarioribus Episcopis hodie quoque observatur.

^b Lib. XII. epist. XXIV.

verendissimus Frater, & Coepiscopus meus Marianus legi commenta B. Job publice ad vigilias faciat, non grate suscepi, quia non est illud opus popolare; & rudibus auditoribus impedimentum magis, quam provectum generaret. Eo autem vita functo, ut ejus lectio omnibus esset facilis, atque expedita, multæ factæ sunt Epitomes, atque exteras in linguas translationes, quas videre licet in præfatione Benedictin. in libros Moralium.

Tale profecto judicium de illo tulerunt veteres homines, qui studio partium minime abrepti sedulo eum perlegerunt.

XVIII. Recentiorum autem omnium nulum ferme inveniret finem præsens hoc caput si præconia essent recensenda. Sat mihi erit in medium protulisse e nostratibus Dupinium illum, cujus loco atque auctoritate rem suam confecisse gloriatur Oudinus *loc. cit.* & e Protestantibus Thomassium Jamesium, Johannemque Clericum: *Corpus Commentarii convenit idea, quam in Prologo obrulit: hoc est, vix ac ne vix quidem explanationi litteræ adhaeret, sed allegoriis, & moralitatibus, quas textui Job adaptat, quarum pleraque pari jure aliis omnibus sacra Scriptura locis applicari possent. Sed non tam ille sollicitus erat libro Jobi explicando, quam operi, quod infinitam cogitationum moralium struem contineret, colligendo. Ac*

ingenue fatendum est, hos libros, etsi minus eximios in librum Job Commentarios, maximum tamen moralitatum, quas continent, esse repertorium. Incredibile quanta contineant principia, regulas, & doctrinas omni hominum generi convenientes tam Ecclesiasticorum, quam Laicorum, tam secularium, quam regularium, tam majorum, quam minorum, atque ut uno complectar verbo omni statuum generi, omnium aetatum, ac conditionum. Hoc opus heic sigillatim expendere nolumus, si enim commentariorum ejusmodi moralium, & allegoricorum summam exercerpere vellemus, in immensum excresceret labor noster. Hoc opus multa cum simplicitate, ac perspicuitate, non tamen cum tanto acumine ac elevatione scriptum est. Integrum hunc Dupinii locum uti est abs Oudino relatus describere, etsi prolixum, operæ pretium arbitratus sum, ut accuratus quisque lector vel per se dignoscat non ex judicio, sed ex odii præsumptione, quemadmodum olim contra Hieronymum Ruffinus actitabat, ita & nunc Criticum nostrum scribere contra Gregorium; nam Dupinii locus quin obsit, imo prodest huic Pontifici. Adhibet quidem Gallicus hic scriptor epithetum simplex; at æquivocum illud est, ac anceps; malam enim in partem non minus ac in bonam sumitur a latinissimis auctoribus; sed bonam in partem ut plurimum sumi certissimum est: ita Cicero
de

de Officiis l. i. c. xxx. n. x. *Sunt his alii multum dispares, simplices, & aperti, qui nihil ex occulto, nihil ex insidiis agendum putant, veritatis cultores, fraudis inimici. Ita Paullus Manutius vir, si quispiam alius, latinæ linguæ callentissimus in epist. v. lib. i. Epistolar. Reginaldum Polum, quem in dedicatione operum Poli humaniorum litterarum cultissimum dixerat, sic describit: Et est homo, ut scis, natura simplex, rectus, cujus ab intimo sensu numquam, ne minimum quidem, aut vultus, aut oratio discrepat. Sexcenta in latinæ linguæ Lexicis obvia sunt id generis exempla. Reipsa a Dupinio bonum hunc in sensum simplicis vocem acceptam fuisse solus ille negare potest, qui meridiano sole de industria tenebras quærit. At hæc ferme extra ordinem: ad propositum revertamur, & Thomasi Jammesii Angli, datam fidem ut liberemus, afferatur testimonium: Inter omnia opera, ait ipse in Vindiciis Gregorianis^a, quæ merito S. Gregorii Magni Papæ censentur ab omnibus, primum locum obtinent libri Moralium, idque duplici jure, ordinis, & dignitatis; ordinis, quia primo conscripti sunt ab eodem sanctissimo Patre, cum adhuc Apocrisarius Romanæ Ecclesiæ in Constantinopoli degeret: dignitatis, quia in hujus libri expositione copiosa, & eleganti, ceteros enarratores tanto post se*

D 3

inter-

intervallo reliquit, quanto in omnium rerum cognitione scientia experientia conjuncta superior fuit. Et quamquam e scriptis illius posterius editis, postquam ad culmen dignitatis sacerdotalis provectus esset, quaedam plusculum fermenti haberent Pontificii, tamen in hisce commentariis non facile quisquam inveniet quod possit incurrere in reprehensionem alicujus mature, & cum judicio legentis. Johannis autem Clerici hoc est judicium in Biblioth. Universali ad ann. 1698^a:

„ L' Ourages (sur Job) de S. Gregoire ne laif-
 „ se pas d' être utile, parce qu' on y trouve
 „ un grand nombre de principes, de regles,
 „ & d' instructions utiles a toutes sorte de
 „ personnes „. Porro triplices illos sensus litteralem nimirum, allegoricum, atque mysticum aptius atque utilius ut proponeret, eliceretque noster modo veteri usus est scripturæ Sanctæ latina versione ad septuaginta-viralis interpretationem expressa, modo recenti ex hebraico fonte a S. Hieronymo concinnata, *ut quia* (sic ipse mentem suam exponit in Epistola Dialogorum libris præmissa) *Sedes Apostolica, cui Deo auctore præsidio utraque utitur, mei quoque labor studii ex utraque fulciatur. Ex qua versionum varietate perinde commodius, ac delectabilius laborem suum deduxit, & præ se novum acuti judicii specimen*

men tulit , iccirco ab homine Criticæ longe
 feuerioris Oudino , nempe Riccardo Simone,
 laudatur duplici in loco suæ Gallicæ in vetus
 Testamentum Criticæ Historiæ , nempe l. III.
 cap. VIII. & x. ^a cujus auctoritate caput hoc ab-
 solvetur . „ Saint Gregoire Pape s'est servi
 „ utilement de cette regle dans ses commen-
 „ taires sur Job , ou il abandonne quelque-
 „ fois l'ancienne edition latine , qui avoit
 „ été faite sur le Grec de septante , pour suiv-
 „ re la nouvelle version de Saint Hierome
 „ sur l'Hebreu , qu'il trouvoit plus net-
 „ te , & plus juste Ce Pere avoit
 „ beaucoup lû les ourages de Saint Augustin
 „ dont il a rempli ses Liures , & il paroît
 „ judiceux , en ce qu' il ne s' est pas attaché
 „ entierement a l'ancienne version latine qui
 „ avoit été faite sur le Grec des septante , &
 „ qui estoit encore dans ces tems-là la ver-
 „ sion vulgate , mais il a souvent recours a la
 „ nouvelle traduction de Saint Hierome sur
 „ l' Hebreu , principalement dans les en-
 „ droits ou'il la trouvoit meilleure que l'an-
 „ cienne „ .

C A P U T I V.

De libris Dialogorum .

XIX. **S**ED majus negotium , atque difficilius facessere nobis videtur censoris nostri ex dialogorum libris , quos anno circiter sui Pontificatus quarto Monachis , quibuscum vitam agebat enixe rogantibus elucubrat , petita accusatio , utpote quæ a Romanis etiam aliquot magni nominis authoribus , & olim & hodie intentata . Unde maxime dolemus , homines istos , quos tamen , apprime colimus , fuisse aliquanto in hunc nostrum minus æquos . Compertum quidem nobis est non ea omnia tamquam vera habenda esse , quæ jactantur miracula , acutoque in illis discernendis opus esse Criterio ; sed & istud omnino veritati consonum affirmamus , quod verum esse cognovit ipsemet Romanæ Societatis hostis , homo cæteroquin humanissimus , atque a præconceptis judiciis Protestantium sententia alienissimus Joan. Albertus Fabricius ^a : *Multa habentur vulgo pro falsis , quia sunt insolita , cum verissima sint .* Nimix igitur credulitatis , & rudis , & stolidæ simplicitatis propter hos Dialogos inurit calum-

^a *Biblioth. Græcæ T. 1. p. 698. Hamburgi 1718.*

Iamnam nostro Pontifici Oudinus Guillelmo Caveo subscribens, gravissimo Melchioris Cani testimonio sese inniti, jactanti & glorianti. Quamobrem, priusquam ad Gregorii vindicias venio, invidia ex auctoritate Melchioris Cani, quem inter communionis nostræ Theologos principes veneror, conflata, propter quam male, & ipse Canus apud multos e nostratibus audit, deprecanda esset; ast actum agere videremur; illud enim copiose satis ac fortiter in prolegomenis ad eam, quæ in omnium est manu Patavii primum, & nuperrime Venetiis ejusdem Cani factam editionem executus est celeberrimus Dominicanæ familiæ, Lyceique Patavini Theologus Hyacinthus Serry. Quibus ab hoc Auctore adductis, & hæc addere placet verba ex eodem Cano excerpta locorum Theologorum undecimo l. c. 6. ubi primam statuit ipse auctoritatis Historicæ legem: *Prima lex, inquit, ex hominum probitate, integritateque sumetur. Quæ omnino res locum habent, cum, quæ narrant Historici, ea vel ipsi se vidisse testantur, vel ab his, qui viderunt, accepisse. Qualia sunt pleraque in Epistolis Ambrosii, Cypriani, Hieronymi, Augustini, in libris quoque hujus de Civitate Dei, in Dialogis Gregorii, breviter in omnibus fere Doctorem Ecclesiæ probatissimorum scriptis, in quibus mendacium suspicari, quod ad memoriam sempiternam*

nam transferre illis scribendo voluerint, piaculum est. Magnis quippe præclarisque virtutibus viri Sanctissimi, atque optimi id consequi meruerunt, ut in rebus ejusmodi, quas vel spectasse se, vel ab aliis fide dignis, qui spectarint, se audisse testati sunt, fides omnino illis habeatur. En præclarissimæ Gregorianorum Dialogorum ipsiusmet Episcopi Canariensis verbis conceptæ adversus Oudianas criminationes vindiciæ. Sed quoniam in hoc contentionis summa haud impendet, demus Oudino gratis, Dialogos istos Cano haud prorsus placuisse, sicut & non placuisse alicui alii: at placuerunt sane aliis emunctissimæ naris Auctoribus. Placuerunt Photio severissimæ Criticæ, & nostro, & omnium judicio quam quisque maxime cultori, veterumque Scriptorum enucleatori egregio. Sic enim libros istos in Codice ducentesimo quinquagesimo secundo^a commemorat: Admirandus hic Gregorius multos quidem, & utiles in primis libros Latine conscripsit, ut homilias, quibus Evangelia populo explanavit. Quin etiam vitas eorum, qui in Italia clari essent, salubribus admixtis narrationibus, quatuor dialogis concinnavit. Etenim centum, & sexaginta quinque annis ii, qui latinam linguam ignorarent, soli utilitate hujus operis frustrati sunt. Zacharias vero, qui hujus Sancti Viri

post

post illud tempus successor fuit cognitionem utilitatemque in Italia conclusam in Gracam linguam vertens, communem utilitatem orbi terrarum benigne exhibuit. Nec solum Dialogos, sed & dignos lectione alios labores in Gracam linguam transferre opera pretium duxit. Placuerunt illi Historiæ Ecclesiasticæ Gallico Scriptori, quem summis laudibus Religionis Reformatæ homines commendant. Is est Abbas Fleury, ejus verba, utpote legi cognoscique dignissima, exscribenda sunt : „ Je sçais, inquit in sua „ Hist. Eccl. ad ann. 593. l. 35. ^a que cet oura- „ ge de Saint Gregoire, est celui que les cri- „ tiques modernes ont trouvé plus digne de „ leur censure, & quelquer-uns de leurs „ mepris. Mais ce que j'ai rapporté, & „ ce que je rapporterè encor des actions, & „ des sentiments de ce Saint Pape, ne per- „ met ce me semble, de le soupçonner, ni „ de foiblesse d'esprit, ni d'artifice. On „ voit par tout l'humilité, le candeur, la „ bonne foi, avec une grande fermeté, & „ une prudence consommée. Il est vrai qu' „ il avoit plus tourné son esprit aux refle- „ xions morales, & à la conduite des affai- „ res, qu'à l'étude des sciences speculati- „ ves, & des lettres humaines. C'est pour- „ quoi il ne faut pas s'etonner s' il a svivi le „ goût

„ goût de son siècle , de raconter , & de
„ recueillir des faits merveilleux . D'aille-
„ urs saint Gregoire n'avoit point à combat-
„ tre des Philosophes qui attaquaient la re-
„ ligion par raisonnement . Il ne restoit que-
„ res d'autres payens , que des païsans , &
„ des serfs rustiques , ou des soldats barba-
„ res : que les faits merveilleux persuadoient
„ mieux , que les syllogismes les plus con-
„ cluans . Tout ce que saint Gregoire a crû
„ devoir faire , est de ne rapporter que ceux
„ qu' il croioit les mieux prouvez : après
„ avoir pris pour s' en assurer toutes les pre-
„ cautions possibles . Car en general , sa foi,
„ & sa pieté ne lui permettoient pas de dou-
„ ter de la puissance de Dieu . Son intention,
„ en rapportant ses miracles , est tres-pure :
„ c' est de confirmer la foi des foibles sur l'
„ immortalité de l' ame , & la resurrection
„ des corps : sur l' intercession des Saints ,
„ & la veneration des leurs Reliqués : sur
„ l' utilité de la priere pour les morts ; par-
„ ticulierement du saint Sacrifice , toutes
„ créances , & pratiques établies comme
„ nous avons vû dès les premiers tems de l'
„ Eglise .

„ Aussi ces dialogues furent reçus d'
„ abord avec un merveilleux , applaudisse-
„ ment ; & ont continué d' estre estimez pen-
„ dant

„ dant huit ou neuf cens ans . Sainte Gre-
 „ goire les envoia à la Reine Theodelinde ;
 „ & l' on croit qu' elle s' en servit pour la
 „ conversion de Lombards : qui provuinent
 „ savoir la verité dé la plupart des miracles
 „ qu' ils contiennent , puisqu' ils estoient ar-
 „ rivez sur des gens de leur nation , qui n'
 „ estoient en Italie que depuis environ trente
 „ ans . Le Pape Zacharie traduisit cet ourage
 „ en grec environ cent cinquante ans après ;
 „ & il fut tellement du goût des Grecs , qu'
 „ ils en donnerent a saint Gregoire le surnom
 „ de Dialogue . Sur la fin du huitieme siecle ,
 „ ces liures furent traduits meme én Arabe .
 Quid quæso ad ostendendum iniquam , si u-
 spiam alibi , Oudini in Gregorium accusa-
 tionem efficacius dici potest ?

XX. Enim vero iis in libris præclarissime
 Gregorius egit pro suo instituto ; nimirum
 postquam aureo illo de cura Pastoralis libro
 Ecclesiasticum quemque salutaribus præcep-
 tis ad innocentiam formare conatus erat ,
 sanctissimisque moribus induere , illud idem
 exemplis ex Italorum hominum probata vita
 desumptis Hieronymum imitatus , Theodo-
 ritum , Cassianum , efficere in animum sibi
 proposuerat optimo sane consilio . Tunc e-
 nim dignum operæ pretium venit cum inter
 se congruunt præcepta , & experimenta , ho-
 mines-

minesque potissimum rudes, propter quos imprimis illud opus Romanum Pontificem sibi sumpsisse conscribendum, affirmavit citatus Historiæ Ecclesiasticæ Auctor, exemplis aptius quam verbis moveri solent, ac persuaderi. Multa retulit quæ fuisset oculis inspexerat, obtinuit cætera ab amicis, quorum opem datis litteris petierat. Nunc vero sit mihi per te, Benigne Lector, facultas concessa, ut Oudinum, aliosque omnes horum Dialogorum morosos nimis censores istis, quas in præfatione ad eosdem libros adhibuere doctissimi Maurini interrogatiunculis compellem^a.

Primo autem ab eis quæro, utrum sincere credant, quæ tum in veteri, tum in novo Testamento narrantur miracula, licet omni verisimilitudine careant? Hevæ colloquium cum serpente, *Genes.* 3. Uxorem Loth in Statuam Salis conversam *Genes.* 19. Asinam cui Balaam infidebat, humano more, imo præter plerorumque hominum captum, & consuetudinem, cum ipso sapientissime disputasse, *Num.* 22. E molari dente maxillæ asini aquas erupisse, ut unius Sampsonis sitis extingueretur, *Judic.* 15. Staterem inventum in ore piscis recenter hamo capti, *Matth.* 17. Petrum super aquas ambulasse, *Matth.* 14.

Le-

Legionem dæmonum ex unico homine ejectam a Christo, & missam in porcos, qui præcipiti cursu in mare se projecerunt ac perierunt, *Marci 5.* & similia quamplurima.

Secundò interrogare liceat eos, qui ita exsufflant relata a Gregorio miracula, utrum indubitatam fidem habeant Christo etiam cum sacramento asserenti, *Johan. 14. 12. Amen, amen, dico vobis, qui credit in me, opera, quæ ego facio, & ipse faciet, & majora horum faciet.*

Tertiò concedant nobis illi tam emunctæ naris Critici, tempus edendis illis signis, ac miraculis magis idoneum fuisse, quando vocandi ad fidem fuerunt Barbari a vera religione, Deique cognitione prorsus extorres. Quippe Apostolo teste *1. Cor. 14. 22. Lingua (idem dic de cæteris miraculis) non fidelibus, sed infidelibus; prophetiæ autem non infidelibus, sed fidelibus.* Judæis ergo, quibus concessæ prophetiæ tamquam fidelibus, denegata ut plurimum signa, quæ Gentilibus a fide prorsus alienis reservata, & reposita fuerunt.

XXI. His autem impetratis, minime obstupescendum, labente quinto sæculo, & fere toto sexto decurrente (quæ tempora Gregorius Dialogis suis complectitur) tot tantaque a Deo procurata fuisse miracula. Nimirum totus pene tunc orbis aut in idololatriæ

trix tenebris , aut in densa nefandarum hæ-
 resum caligine miserè jacebat : adeo ut vix
 unus tunc , maxime in occidente regnaret
 Princeps , qui verum Deum legitimo ritu
 coleret . Italia aut ab Ostrogothis Arianam
 perfidiam amplexis occupata , aut Longo-
 bardis postea tradita , qui Arianorum erro-
 res æque sectabantur , vel idololatriæ , quod
 pejus est , serviebant ; Gallia Francis idolorum
 cultoribus , vel ab eorum cultu paulo ante ,
 nec perfecte revocatis parebat , aut Wisigo-
 this , aliisque Barbaris fidei Catholicæ infestis .
 Hispania iisdem Wisigothis , & Svevis æque
 Arianis cesserat ; Britannia Insula novis ho-
 spitibus , Anglis videlicet subdita , redinte-
 gratum suis in templis idolorum cultum in-
 gemiscebat ; Wandali Africa potiti , bellum
 atrocissimum Catholicis indixerant , ut Aria-
 num dogma statuerent .

Numquid igitur a Dei benignitate ac
 providentia tum abhorrebat fieri miracula
 tot , & tanta , quibus ad veritatis lucem in-
 fideles pellicerentur ? Quod sane contigit .
 Nam intra non multos annos Longobardi
 Arianam impietatem ejurarunt ; Gothi Ca-
 tholicam fidem amplexi sunt in Hispania ,
 auctore , ac hortatore Reccaredo Rege ; An-
 gli Christo nomen dederunt ; omnes denique
 ad Christianæ , & Orthodoxæ fidei unitatem
 recepti .

XXII. Quod

XXII. Quod spectat ad Longobardos, qui magna ex parte Italiam his temporibus obtinebant, eorum conversionem non mediocriter promoverunt Gregoriani Dialogi: his enim ad se missis a Gregorio, narrante Paulo Diacono, usa est Theodolinda Regina, ad Catholicam fidem tum Regi, tum ejus Gentilibus, & subditis persuadendam. Enim vero hac in historia plurima narrantur miracula, ipso spectante Longobardorum exercitu facta, quæ nisi certo constitissent, omniumque fuissent calculo comprobata, Longobardi, quos Gregorius uris magis, quam hominibus similes propter ferocitatem depingit, irrisissent; majorique quam antea odio in Catholicam fidem, Ecclesiamque Romanam, exarsissent. Contrarium autem contigisse refert ex eadem gente Paullus Diaconus *lib. iv. de Gestis Longobard. cap. iv.* scilicet Agilulfum Regem, cæteris fere ipsius exemplum sequentibus, Catholicam fidem amplexum esse, Ecclesiis adempta bona restituisse, Episcopisque debitum honorem impendisse.

Præter idololatriæ reliquias in Italia, & alibi passim adhuc superstites, aperteque grassantes hæreses, apud ipsos etiam, qui Catholici audiebant, exitiosi serpebant occulteque disseminabantur errores, contra animarum immortalitatem, & corporum

E

resur-

Resurrectionem. De priori ancipitem olim se fuisse, humiliter fatetur ipse Gregorius *homil. xxvi. in Euangelia*. Multi enim, inquit, de resurrectione dubitantes, sicut, & nos aliquando fuimus. Vide etiam *lib. ii. in Ezechielem homil. viii. & lib. xiv. Moral. num. 70. Greg. Turonicus lib. x hist. cap. xiii. & xiv.* testatur quemdam Ecclesiæ suæ Presbyterum docuisse futuram non esse resurrectionem; quem ipse debellavit: & Theodulphum Diaconum Urbis Parisiæ, qui sibi videbatur in aliquo sciolus, sæpius de hac causa altercationes movisse. Audiamus Petrum Diaconum cum Gregorio colloquentem *lib. ii. cap. xxxviii. Dial.* Quia multos intra Sanctæ Ecclesiæ gremium constitutos, de vita animæ post mortem carnis perpendo dubitare. Quorum saluti prospiciens Gregorius, post asserta invictissimis argumentis hæc fidei dogmata, plurima congerit miracula, & prodigia, quibus ut immortalitas animæ, ita resurrectio carnis apud rudiores efficacius probaretur.

XXIII. Ex his quæ gesta refert Gregorius, nonnulla sunt quibus ipse interfuit; alia vero a locupletibus testibus acceperat; nimirum a Sanctissimis Episcopis, fuci prorsus expertibus, ab integerrimæ vitæ Monachis, aut Monasteriorum Præfectis, a viris nobilibus, & ingenuis. Nihil ex imperiti vulgi rumoscu-

musculis scripsit. Cur ergo reus postulatur, cum exploratum sit, historiæ leges ab eo tanta cautione scribente religiose fuisse observatas?

Neque tamen velim iccirco jurejurando affirmare nihil falsi obrepisse in rerum. quæ narrantur adjunctis. & circumstantiis. Quinimo inficiari non possum in, his quæ leguntur de S. Paullino Episcopo Nolano, aliqua pugnare contra historiæ veritatem; videlicet quod abductus fuerit in Africam a Wandalis Campaniam devastantibus; cum nonnisi diu post S. Paullini obitum Wandali Africam occupaverint, & depopulati sint Italiam. Ex hoc tamen loco insolubiles difficultates non oriuntur. Dici etenim potest Wandalos hic pro Gothis esse sumptos, quod ex eadem gente forent orti; legibus iisdem uterentur, eademque lingua, quam Gothicam vocant; eidem hæresi addicti essent*.

Nolam ab Gothis fuisse captam circa ann. Christi 410. consentiunt scriptores omnes. Quo tempore a Barbaris vinctus Paullinus, ut ubi opes reconditas haberet, indicaret, Deum ita precabatur, teste August. lib. 1. de Civit. Dei cap. x. *Domine non excrucier*

E 2

pro-

* *Hanc difficultatem ita solvit auctor Dissertationis sep. in S. Paullini vitam pag. 796. opp. S. Paullini edit. Veton. an. 1736.*

propter aurum, & argentum, ubi enim sint omnia mea, tu scis. Verisimile autem videtur, captivos, & in his Paullinum, una cum Gothorum exercitu, ex Italia in Gallias, & triennio post in Hispaniam abductos, ac Wandalis, qui ab anno 409. Hispaniam invaserunt, venditos. ^a Hac eno data difficultate, plana sunt omnia in Dialogis, tum quoad historiam, tum quoad Chronologiam.

XXIV. Si qua describuntur miracula, rationi minime sunt contraria. Similia occurrunt apud Ambrosium, Augustinum, præsertim in libris de Civitate Dei, Hieronymum, Sulpicium Severum ex Patribus Latinis; ut interim taceam Gregorium Turon. Fortunatum Pictav. Nicetium Trevirensensem; atque ex Græcis apud Theodorum in historia religiosa, Gregorium Nissenum in vita Gregorii Neocæsareæ Episcopi, cognomento Thaumaturgi, ipsumque Athanasium in vita S. Antonii, quam ei jure ac merito asseruit in novissima operum S. Athanasii editione Montfauconius. Itaque ne propter insolentium narratis a Gregorio miraculis fides denegaretur, minus credibilia similibus exemplis aliunde arcessitis mupire curaverunt Maurini editores

^a Conjectura hæc proponitur in citata Dissertatione, quæ ideirco inferbitur De Captivitate S. Paullini.

tores operum Gregorii, ut videre licet *lib. I. cap. I. II. IV. & lib. III. cap. III. & seq.*

XXV. Quod attinet ad eos, quos pius Doctor in extremis positos futura vaticinatos esse testatur, ut *lib. IV. cap. XXVI.* id illustrari potest ex Aug. *lib. XII. de Genesi ad litt. cap. XVII.* ubi similia proferuntur, quem consule. Lege quoque doctissimum Petitum *lib. I. de Sybil.* quo in loco laudat *Tertull. lib. de Anima c. LIII.* & utitur testimonio Tullii *lib. I. de Divinatione* asserentis hominem quemdam ex insula Rhodo sex aliorum mortem prædixisse.

Ceterum quibus non ita placent miracula, liberum est, his prætermisissis, insignia virtutum exempla hic proposita seligere; quæ proculdubio, ut ipse monet Sanctus Doctor *lib. II. cap. ultim.* miraculis omnibus sunt anteponenda. Ut in unico stemus, quis ad Sanctuli Presbyteri humilitatem, patientiam, charitatem, ut in *lib. I. II. cap. XXXVII.* delineantur, non obstupescat? Hactenus fere ad litteram Maurini. Quid ad hæc Criticus noster? Profecto mihi videor tantas in angustias redactum hominem videre, ut Maurinorum vindicias etsi fuerint Gallice primum, latine deinde editæ, dissimulare satius putaverit.

XXVI. Quamobrem parta jam, & de hoc certamine adversus illum Victoria, co-

converteremus arma , quo impetum , atque impressionem facere nititur . Ast ad redintegrandam eodem loci pugnam evocamur a Belio Oudini commilitone . Belius enim tertiam heic positam rationem , quæ circa miraculorum necessitatem ob Infidelium conversionem versatur , contendit nihil probare , quod , ait , *nimis probet* . Si enim ut ad bonam frugem veteres illi converterentur , tot stupenda requirebantur , atque fiebant miracula , quid est , cur novissimis hisce temporibus , quibus hæreticis non minus ac olim abundamus hæc non videmus ? „ Il yâ eu „ d' ailleurs dans ces deux siecles un tres „ grand nombre d' Heretiques a convertir . „ Il faudroit donc que les miracles eussent „ etè pour le moins aussi frequens dans ces „ siecles là , que dans le siecle de Saint Gregoire . Concluez de là que le raisonnement „ du Pere Denys de Sainte Marthe ne prouve „ rien , car il prouve trop „ : sunt hæc illius verba in famoso illo Dictionario verbo: *Gregoire* .

At fateor ingenue non video quid sibi velit novus hic hostis: cum enim modo unam fuis in libris petat societatem , quam impugnet, modo alteram ulli eum fuisse addictum, multi sunt qui negant docti homines , iccirco nulla assequi possum ratione, quonam ipse hære-

hæresis labe infectos innuere voluerit hominum coetus: aut enim eos spectabat, qui nonnulla Christianæ religionis dogmata profitentur, atque ab aliis dissentiunt, cujuscumodi sunt omnia Religionis, uti vocant, *Reformata* membra, aut Catholico-Romanam intellexit Ecclesiam: si de primis locutus sit, non est cum eo contentiosa disputatione certandum; damus enim, & libenter damus, vera miracula ibi ostendi non posse, quippe disertissimis rationibus, quas adversarii nondum labefecerant, neque unquam labefacturi sunt, nostri evicere Scriptores, ea fieri non posse in asserenda falsa Religione. Porro falsam eam esse societatem, quæ etsi plurima, non omnia tamen, & singula amplectitur dogmata, vel unus ostendit Jacobus Apostolus *cap. II. vers. 10.* "Ὅστις γὰρ ὅλον τὸν νόμον τηρήσει, πταίσει δὲ ἐν ἑνὶ, γέγονε πάντων ἥνοχος. *Quicumque autem totam legem servaverit, offendar. autem in uno, factus est omnium reus.* Si autem in Catholico Romanam intenderit societatem, plane ab ipso sui conditu ad nostra usque tempora, serie nusquam abrupta, prout temporis ratio postulabat, in suæ, utpote germanæ, atque Orthodoxæ confirmationem actitata fuisse vera miracula adfirmant, certissimisque ex historia cum exotica, tum sacra depromptis monumentis iidem

Theologi nostri jam probarunt . Exemplo esse possent , ut multa præteream , quæ in actis S. Francisci Salesii recensita leguntur , patrata in Catholicæ veritatis confirmationem .

Quod si regeret Belius ea , quæ ab illis tamquam vera proponuntur miracula alia naturæ vires , ut plurimum non excedere , alia nonnisi incerto constare vulgi rumore , ad eum refellendum satis erit consulere præstantissimum opus de Canonizatione Sanctorum , & de Servorum Dei Beatificatione ; ibi enim eximius auctor Prosper Lambertinus , quem honoris causa nomino , Cardinalis olim Romanæ Ecclesiæ sapientissimus , Pontifex modo sanctissimus mira ea , quæ a Sancta Sede inter miraculorum album recensentur , atque admittuntur naturam omnino superasse , una dumtaxat Dei Optimi Maximi inusitata potentia fieri potuisse , atque certissimis quoad per humanam fidem Divino adjutam Spiritu assequi licet , patere testimoniis ad evidentiam usque demonstravit . * Hujus equidem labores non est cur ego recoquam , nam opus illud , quod idem Auctor gravissimis licet Pontificatus muneribus distentus , atque impeditus retractavit atque auxit , doctorum manibus teritur .

XXVI.

XXVI. Priusquam vero & præsens caput absolvatur, instituti operis exigit ratio, ut de *simplicis* epitheto iterum, sed paucis, agamus. Rationes præter hætenus recensitas, atque, nostro quidem iudicio, ad evidentiam usque exsufflatas, quibus non temere egregio illo epitheto abs se fuisse Gregorium laudatum, hanc in *cap. II. num. II.* Oudinus adfert nimirum *ita ab ejus amico Imperatore Magno Mauritio appellatus legitur, qua de re conqueritur ad Mauritium ipsum Gregorius Epistolarum lib. IV. epist. xxxi.* Perbella sane ratio, quæ quantum probet, vel me tacente, intellecturus est lector. Quasi oraculi ad instar habendus sit ille Mauritius, qui ut ex proximo capite v. constabit, Gregorio ad Pontificatum evecto continuas, easque acerrimas creavit doloris causas. Verum ea, quæ mox referentur, si non scripsisset noster hic censor non multum ipsi repugnarem, sed turpissima, eaque injustissima malignitatis nota, qua nostrum aspergit, quemnam eruditorum, & maxime fidelium, non moveret? Ubi cum Imperator, *nude simplicem appellasset, maligne Gregorius verbum simplicitatis pro fatuitate sumptum Mauritio injuste objicit.* Ecce germana acutissimi Oudini interpretatio, qua quid ipse spectet, & quo animum intendat jam perspicio; scilicet iniquo fuisse erga Imperatorem animo,

animo moderatum hunc Pontificem, ut lectoribus persuaderet, & sic viam sibi sterneret, ac muniret ad alia, quæ statim vibraturus erat tela. Veritatis tamen tanta est lux, ut occultari quidem ad tempus per malitiam possit, obtenebrari non possit. Legant prius, qui nostrum hunc librum sunt habituri, integrum Gregorii locum, quem mutilum, atque mancum retulisse Oudinum sive per oscitantiam, sive per malitiam lamentamur, & postea judicent, maligne ne, an vere ac merito de sibi impacto ab Imperatore fatuitatis crimine Gregorius conqueratur: *In serenissimis jussionibus suis* (ita epist. xl. lib. v. ad Mauritium Augustum noster exorditur) *In serenissimis jussionibus suis Dominorum pietas, dum me de quibusdam redarguere studuit, parcendo mihi minime pepercit. Nam in eis Urbana simplicitatis vocabulo me fatuum appellat. In scriptura etenim sacra cum in bona intelligentia ponitur simplicitas, vigilanter sæpe prudentia, atque rectitudini sociatur. Unde etiam de beato Job scriptum est: Erat vir simplex, & rectus: & B. Paulus Apostolus admonet dicens: Estote simplices in malo, & prudentes in bono: & per semetipsam admonet veritas, dicens: Estote prudentes sicut serpentes, & simplices sicut columbæ: esse valde inutile judicans, si aut simplicitati prudentia, aut prudentia simplicitas desit.*

fit. Ut ergo servos suos ad cuncta eruditos efficeret, esse eos, & simplices sicut columbas, & prudentes ut serpentes voluit: quatenus in eis, & serpentis astutia columba simplicitatem acueret, & columba simplicitas serpentis astutiam temperaret.

Ego igitur, qui in serenissimis Dominorum jussionibus ab Ariulphi astutia deceptus, non adjuncta prudentia simplex denuntior, constat procul dubio, quia fatuus appellor: quod ita esse ego quoque ipse confiteor; nam, si hoc vestra pietas taceat, causa clamant. Ego enim si fatuus non fuisset, ad ista toleranda, quæ inter Langobardorum gladios hoc in loco patior, minime venissem. In ea autem re, quam de Ariulpho perhibui, quia toto corde venire ad Rempublicam paratus fuit, dum mihi non creditur, etiam mentitus esse reprehendor. Sed etsi Sacerdos non sum, scio gravem esse hanc injuriam Sacerdoti, ut veritati serviens, fallax credatur. Et dudum novi quoniam Nordulpho plus est creditum quam mihi; Leoni amplius quam mihi: & nunc eis, qui esse ad medium videntur, plus quam meis assertionibus credulitas impenditur. Quo ex loco clarissime patet nostrum a Mauritio eatenus simplicem appellatum fuisse, quatenus a vafro homine Ariulpho sibi os sublini passus fuisset. Quæ in re nemo non videt simplicis vocabulo subjectam esse notionem nonlaudabilis illius simplicitatis, quæ cum prudentia bene convenit,

venit, & in una sede moratur, sed alterius, quæ inops consilii est, quæque, ut lenissime dicam, ad fatuitatem quam proxime accedit; ac propterea Gregorium haud esse culpandum, quod de huiusmodi appellatione sit questus & simplicis nomen deprecatus sit. Sed jam ista omittamus, de quibus fortasse nimis, nam cum de re constet, ut loquar cum S. August. *non est opus certare de nomine.*

CAPUT V.

De Gregorii eloquentia, deque latino sermone.

XXVII. **Q**Uæ hætenus disputata sunt, atque deducta, præclaram fuisse in Gregorio nostro ingenii aciem, ardentem erga humanas litteras, & graviora studia amorem, sublimi præditum arte dicendi opportuna atque efficaci, vel invitis ostendere apta fore speramus: Illa tamen si cuiquam satis non esse adhuc videantur, habeat & hoc caput, quod in eo totum versabitur, ut probet, nullumque amplius relinquat dubitationi locum, veram fuisse in nostro eloquentiam, verumque latinum sermonem. Ubi statim Lectoribus plane cognitam esse

esse volumus mentem nostram . Non enim iis
 fumus , qui S. Gregorium contendamus omni
 laude cumulatam fuisse Oratorem , in quo
 genere vix unum singulis ætatibus tolerabi-
 lem extitisse affirmabat Cicero : *Consilio , ac
 sapientia* (sunt illius verba) *qui regere , ac gu-
 bernare Rempublicam possent , multi nostra , plures
 Patrum memoria , atque etiam Majorum extite-
 runt , cum boni per diu nulli , vix autem singu-
 lis ætatibus singuli tolerabiles Oratores inveni-
 rentur .* ^a Vere mihi tamen hoc videor esse di-
 cturus , orationem illius ne dum horridam
 non esse , nihilve in ea offendi barbariem sa-
 piens , verum etiam comptam satis copio-
 samque , in quacumque ipsi proposita res ,
 quod vis Oratoris , professioque ipsa bene di-
 cendi Auctore eodem Cicerone *lib. laudato
 num. 6.* suscipere ac polliceri videtur . *Episto-
 las XLV. libri I. 47. lib. II. & Dialogorum ,*
 omnes ferme libros , ut alia pene infinita lo-
 ca præteream , legere si non gravaberis , beni-
 gne Lector , me non esse iniquum eloquentiæ
 Gregorianæ vindicem , ac laudatorem , scri-
 bendique rationem , quam is tenuit , immerito
 ab aliquibus carpi experiundo cognosces .
 Interim me tibi rem gratam spero facturum ,
 si unum saltem in ejusdem eloquentiæ speci-
 men locum tuos ante oculos ponam . Cum
 desæ-

^a *Lib. I. de Oratore num. 2.*

desæviente in Populum Romanum inguinaria lue , tum exemplis , tum scriptis ad placandam Numinis Divini iram gregem suum vehementissime exhortaretur , atque excitaret, hanc ad Populum cedro , auroque pretiosiorrem habuit orationem de mortalitate inscriptam² .

Oportet , Fratres charissimi , ut flagella Dei , quæ metuere ventura debuimus , saltem præsentia , & experta timeamus . Conversionis nobis aditum dolor aperiat , & cordis nostri duritiem ipsa jam , quam patimur , poena dissolvat , Ut enim Prophe- ta teste prædictum est : Pervenit gladius usque ad Animam . Quæ enim cuncta plebs coelestis ira mucrone percutitur , & repentina singuli cade vastantur . Nec languor mortem prævenit , sed & languoris moras ut cernitis , mors ipsa præcurrit . Percussus quisque ante rapitur , quam ad lamenta Poenitentiae convertatur . Pensate ergo qualis ad conspectum districti Iudicis pervenit , cui non vacat flere quod fecit . Habitatores quippe non ex parte subtrahuntur , sed pariter corruunt . Domus vacuæ relinquuntur , filiorum funera parentes aspiciunt , & sui eos ad interitum heredes præcedunt . Unusquisque ergo nostrum ad Poenitentiae lamenta confugiat , dum flere ante percussionem vacat . Revocemus ante oculos mentis quidquid errando commisimus , & quod nequiter egimus ,
flendo

flendo puniamus. Præveniamus faciem ejus in Confessione: & sicut Propheta admonet: levemus corda nostra cum manibus ad Deum. Ad Deum quippe corda cum manibus levare, est orationis nostræ studium cum merito bonæ operationis erigere. Dat profecto dat timori nostro fiduciam, qui per Prophetam clamat: nolo mortem peccatoris, sed ut convertatur, & vivat. Nullus autem de iniquitatum suarum immanitate desperet. Veterinosas namque Ninivitarum culpas triduana Poenitentia absterfit, & conversus latro vitæ præmia etiam in ipsa sententia suæ mortis emeruit. Immutemus igitur corda, & presumamus nos jam percepisse, quod petimus. Citius ad preces Judex flectitur, si a pravitate sua petitor corrigatur. Imminente ergo tantæ animadversionis gladio, nos importunis precibus insistamus. Ea namque, quæ ingrata esse hominibus importunitas solet, Judici veritatis placet, quia pius ac misericors Deus a se vult veniam precibus exigi, qui quantum meremur non vult irasci. Hinc etenim per Psalmistam dicitur: Invoca me in die tribulationis tuæ, eripiam te, & magnificabis me. Ipse ergo sibi testis est, quia invocantibus misereri desiderat, qui monet, ut invocetur. Proinde, Fratres charissimi, contrito corde, & correctis operibus crastino die ab ipso seriæ quartæ diluculo, ad litaniam septiformem juxta distributionem inferius designatam, devota mente cum lachrymis veniamus.

XXVIII. Hanc dicendi rationem non illi profecto eloquentem dicent, quorum studium omne in verborum, & sermonis elegantia positum est; idcirco eorum oratio jacet, quod in ea tantum verba laudantur, ut ait quidam apud S. Hieronymum in epist. ad Paullinum Episcopum Nolanum; * sed illi, quos apta robusta sententiarum gravitate, verborum ponderibus gravis, animorum domina delectat oratio, in eoque potissimum, qui ecclesiastica fulgens dignitate ad populum conciones salutis æternæ habere debet, quibus in concionibus magis res spectantur, quam verba penduntur; non minus enim in negotiis gerendis, quod Cicero affirmabat *Academ*. *Quæst. lib. iv. num. 11.* quam in tractandis animis, pluris res, quam verba profunt. Hoc idem dicendi genus eloquentissimi tenuere scriptores ecclesiastici, quorum in eo erat præsertim cura, ut, neglecto sermonis cothurno, suos libros divinæ Scripturæ flosculis, atque veritate exornarent, non composita oratione, plausuque populari, qui solet imperitorum aures decipere, atque palpare. Hanc si attulisset eloquentiam Gregorius, eloquens profecto non esset dicendus: *Sicut est enim* (aurea est hæc S. Augustini

* *Tom. i. pag. 333. num. 334. cit. edit. verba autem illa sunt Quintiliani in Proœmio,*

gustini sententia Doctrinæ Christianæ lib. iv. cap. vii. ubi per Paulli epistolas discurrit, & quæ diserte, & eleganter dicta invenit, ante legentis oculos collocat, ut probet quemadmodum in Apostolis reliquis, ita, & imprimis in Paulo eloquentiæ vim, & ornamenta se invenisse) *sicut est enim quaedam eloquentia, quæ magis ætatem juvenilem decet, & est quæ senilem, nec jam dicenda est eloquentia si personæ non congruat eloquentis; ita est quaedam quæ viros summa auctoritate dignissimos, planeque divinos decet; hæc illi loquuti sunt, nec ipsos decet alia, nec alios ipsa.* Tantum in Gregorianis sermonibus flumen gravissimorum, optimorumque verborum, tam integræ sententiæ, tam veræ, tam sine pigmentis, fucoque puerili persæpe inveniuntur, ut cum disertissimis Græcis, Latinisque Scriptoribus illum comparare non sit veritus celeberrimus Muratorius: *Ipsium Gregorium Magnum (ait ipse) Romanum Pontificem, qui unus cum præcipuis totius antiquitatis, ut pietate, ita & litterarum gloria certare potuit.*^a

Quod si foedissima illa tempora, quibus vixit Gregorius noster, scientiis heu quantum inimica! memoria repetantur, miraculi instar habendum erit, tantam potuisse elo-

F

quen-

^a Tom. III. *Antiquitatum Italiæ Medii Ævi* p. 409. Mediol. 1740.

quentiam ad scribendum afferre. Licet enim litterarum studia reflorescere jam Romæ coepissent annitente inprimis magno Cassiodorio qui illa veluti post liminio revocarat, inque suo monasterio celebrem instituerat Academiam, Bibliothecamque bonis codicibus refertam, aperuerat; dicenda tamen sunt intra illius Monasterii claustra veluti inclusa remansisse, nec diu ultra illa stetisse.

XXIX. Enimvero ab adolescentia vix egresso Gregorio, ea rursus incidit Italorum infelicitas, ut undique conticuerint litterarum studia. Nam extinctis Theodorico, & Atalarico, quorum opera litteræ in Italia quodammodo e tumultis revocatæ fuerant, iterum sepultæ sunt ex insperato sub eorum successore Deodato; *Studebant*, ita illa tempora descripta habemus per Sydonium Apollinarem lib. I. epist. VIII. *Studebant pila Senes, alea Juvenes*; hujus internecionis litterarum duo fuere in causa, alterum scilicet bellorum tumultus, quos excitaverant primum Gothi, deinde Langobardi ab Imperatore Justiniano acciti, ut Gothos ex hac Provincia penitus expelleret; alterum vero studium illud, atque desiderium, (ut moris fuit apud omnes gentes) introducendi in subactas nationes proprias consuetudines non minus ac proprium sermonem. Qua propter de obliteranda

randæ penitus latine lingua, veraque eloquentia actum erat ex fallaci opinione, quæ olim Moschos etiam Tartaros, aliasque gentes invaserat, illarum institutione animos frangi, nec aptos esse ad bellum gerendum, qui calamum studiosius tractarent, quod innotescit ex celebri Amalazunte facto apud Procopium, & fuscè prosequitur Conrigius in dissertatione de studiis liberalibus Urbis Romæ.

His ergo constitutis, quæ in dubium revocare non potest Oudinus, aut quivis alius Gregorianæ eloquentiæ inimicus, illud necessario, quod supra commemoravi, consequitur, perinde ardentem erga litteras amorem, ac magnam ingenii aciem fuisse nostro Gregorio, qui unus ex illis perraris hominibus fuit, qui discussis, quæ iis temporibus ingruerant, spissis ignorantiae tenebris, totum se tradidit liberalibus disciplinis, tantamque eloquentiæ laudem sibi comparavit.

XXX. Neque vero de hac gloria aliquid detrahendum est, vel quia sæpe numero, omnis omnino expertem scientiæ atque ignarum ipse se appellet Gregorius, vel quia barbarismi aliquando in ejus operibus offendantur; ad utrumque enim facilis est, & in promptu

F 2

re-

responsio . Sic erat ille humilis , atque demissus , ut virtutis lumina , quibus aliis fulgentissimus apparebat , abscondere quantum poterat , niteretur . Hoc erat in causa , cur dictatum suum in comparatione alterius *furfurem* nominaret , Auctore laudato Joanne Diacono *lib. iv. num. LXXVIII* . cur libros suos legi publice quamdiu viveret , vehementissime prohiberet ; cur in administranda Ecclesia sapientes homines a se etiam longo itineris intervallo dissitos per litteras consuleret ; cur iis in rebus , in quibus Divinam rem nihil periclitari credebat , facile suum consilium elevarer , constituta mutare , & fixa refigere non erubesceret ; tametsi ut modo significavi , tanta foret per id tempus Doctorum . Hominum caritas , ut teste eodem Gregorio *epist. xxx. lib. vii* . Constantinopoli non invenirentur , qui de Græco in Latinum , & de Latino in Græcum dictata bene transferrent : (cui tamen literarum ruinæ ad Pontificatus apicem evectus accurrit , uti vidimus *cap. ii* . eamque , quoad ejus fieri potuit , reparavit .)

Ad barbarissimos quod attinet , non illos peccabat ipse , quia Grammaticæ leges probe non calleret , verum dedita opera sic orationem suam componebat : *Non barbarismi confusionem devito* , ita de se ipse scripsit in epistola ad Leandrum libris Moralium præmissa ,

missa, situs, motusque, & præpositionum casus servare contemno, quia indignum vehementer existimo, ut verba celestis Oraculi restringam sub regulis Donati. Qua in re optimis usus est Ecclesiasticis tum Græcis, tum Latinis Auctoribus. Aliquot eorum testimonia collegere Cangius in Præfatione ad mediæ, & infimæ latinitatis Glossarium num. XLVII. XLVIII. & Huetius de claris Interpretibus num. XLII. Unum vel alterum describere non erit abs re. S. Basilii in celebri ad Amphilochem Iconensem Episcopum epistola canonica ait: *Miror sane, quod Grammaticam in Scriptura diligentiam requiras, ac dictionem coactam esse putes illius interpretationis, quæ suum ipsius significatum commode exprimit, neque id transfert, quod propriè Hebraica voce significatur^a.* Severus Sulpicius, quem propter facundiam jure vocant Sallustium Christianum, de se ita loquitur in Præf. ad vitam S. Martini^b: *Quia nefas putarem tanti viri latere virtutes, apud me ipse decidi, ut de Solæcismis non erubescerem, quia nec magnam istarum unquam rerum scientiam contigissem.* Ipsemet Hieronymus, quem a puero tantus latinæ linguæ nitor assidua humaniorum Auctorum lectione delectarat, ut ad se

^a Tom. III. pag. 275. E. M. Paris. 1730.

^b Pag. II. Veronæ 1741.

reversus ad Prophetarum lectionem cum se contulisset, horum sermo ei horreret incultus, scriptis consignare non erubuit in caput Quadragesimum Ezechielis : *Illud autem semel monuisse sufficiat, nosse me cubitum, & cubita neutrali appellari genere, sed pro simplicitate, & facilitate intelligentiæ, vulgique consuetudine ponere masculino, non enim nobis curæ est vitare sermonum vitia, sed Scripturæ Sanctæ quibuscunque verbis differere.*

Præterquamquod nonnulla sunt, quæ a non peritissimis linguæ latinæ barbara vocantur, cum & ipsa sint latinissima: hujusmodi sunt E. G. qui nomina quædam abstracta ex concretis damnant apud Scholasticos, *Petritatem* scilicet, & similia, cum tamen ipse Cicero *lib. III. ad Famil. epist. VII. ex Appio & Lentulo facere Appietatem. & Lentulitatem* minime dubitaverit. Horum non infrequens usus habetur in Gregorio.

Illud etiam ad illius tuendam eloquentiam animadversione dignum est, opportune, & cum laude usurpatos aliquando ab ipso fuisse aliquot loquendi modos a Ciceronis ævo alienos; notum quippe omnibus est, linguas ab usu pendere, juxta illud Flacci de Arte poetica :

*Multa recensentur, quæ nunc cecidere, cadentque
Quæ nunc sunt in honore vocabula, si voler usus,
Quem*

Quem penes arbitrium est, & vis, & norma loquendi.

Jam vero ab Imperatorum Valentiniani, Valentis, & Gratiani temporibus non amplius obtinebat illa Ciceronis tempore loquendi ratio, sed voces multo in barbariem erant flexæ, atque in consuetudinem adductæ cum significatione, tum pronuntiatione immutata; quapropter scite in quæstionibus Hieronymianis admonet Johannes Clericus, æquum non esse in eorum scriptis, quæ post hæc tempora vixere, sermonis elegantiam postulare, aut puritatem ad normam ævi Augusti exactam. Deinde, ut sua verba sunt Foro, sua semper etiam habuit Religio, non modo apud Paganos, sed etiam apud Christianos, quod mirum non est, cum nulla sit ars, ut post Ciceronem adnotatum est a Cangio, præfationis ad Glossarium græcum num. 20. quæ propria, aut peculiaria non habeat verba; factum hinc esse reor, ut verba, rationesque dicendi, quibus christiana Religio Romanis exponeretur, non mediocriter a purioris latinitatis elegantia discederent. Hoc animo revolvens prudentissimus Gregorius (cui Ciceronis etiam duo hæc præcepta cognita fuisse creditu facile est, *de orat. lib. 1. num. 12.* *Hoc est enim proprium Oratoris oratio gravis, & ornata, & hominum mentibus, & sensi-*

*bus accomodata, & in num. XIV. Oratoris: Tria videnda sunt Oratori, quid dicat, & quo quidue loco, & quomodo, quæ præcepta illi omnes observavere, qui Oratoris laudem consequuti sunt, hanc similitudinem in scribendo, & dicendo sibi servandam esse decreverat, unde orationem suam gravem quidem, & ornatam eo temperabat modo, ac tractabat, & barbarismis, qui in omnium sermone jam inferderant, intermiscebat, ut ab omnibus verborum vis, ejusque scopus facile perciperetur, & sine ullis salebris quasi sedatus amnis flueret, juxta eximium illud Phavorini Philosophi præceptum: *Vive moribus præteritis, loquere verbis præsentibus*. Et reipsa doctus quisque auro contra & cedro pretiosorem habet hanc, quam de lectione veterum Patrum regulam tradidit Ven. noster, isque doctissimus Cardinalis Joseph Maria Thomasius in præfatione, quam posuit in fronte Indiculi Institutinum Theologicarum^a: *Quum sci- rent Patres (ait ipse num. I I.) cum Apostolis, sese debitores esse sapientibus, & insipientibus, scriberentque non ad inanis gloriæ auras aucupandas, eo de Religione stylo differebant, ut a doctis pariter, & ab indoctis intelligerentur. Quare vocabula, modosque loquendi ex communi usu, popularique sermone desumebant, popularibusque pati-**

nis

nis divini verbi cibum . dabant tempore opportuno .
Id quod valde notandum est in lectione Patrum ,
in qua fortassis non nemo hodie offenditur iis , que
antiquitus inoffensis auribus a christiana plebe au-
diebantur : tunc nimirum quando vocabula Pa-
trum ad Aristotelis officinam non deferebantur pon-
deranda , quanti valerent . Porro Gregorius una
cum cæteris Ecclesiæ Patribus eo loquendi
genere utens , simul eloquentiæ numeros om-
nes absolvebat ; unde nihil est Oudino , cur
eloquentiæ laudem tanto Scriptori denegat ;
audiat ipse si potest quid doctissimus in Flo-
rentino Athenæo politiorum litterarum Pro-
fessor Angelus Riccius nuperrime scripsit in
Differt. Homericis² : *Quamvis autem non om-
nimodam dictionis elegantiam plerisque Patrum
Latinorum adesse ultro fateamur , quandoquidem
latinam linguam qualibus temporibus ipsi florue-
runt multa jam barbaries fœdaverat elo-
quentia tamen Latinos quoque Patres non caruisse
dicendum est ; quis enim ex vobis adeo in litteris
tyro est , ut eloquentiam , atque elocutionem di-
versa plane significatione accipi nesciat , ita ut una
tibi adesse possit , etsi altera desit ? Eloquentiam
dignitas rerum , conveniens dicendi genus , bonus
ac lucidus ordo , aptus nexus , sapiens denique
judicium constituit , elocutionis vero elegantiam
verborum nitor , & concinnitas . Quod & ipsum*
Tul-

Tullium judicasse putamus , qui eloquentem maxime a diserto differre tradit . Disertus enim videtur esse ille , qui mentis suæ cogitata elegantibus verbis , nitidaque oratione eloqui valet , atque explicare : eloquens vero qui sive prorsus perita , sive minus compta oratione utatur , copia tamen verborum , ac sententiarum insignis est , omnesque omnium rerum , quæ ad dicendum pertinent , fontes animo ac memoria retinet . Quos fontes cum penes se habuerint Latini Patres , & graviter , atque copiose , quæ litteris tradiderunt , exposuerint , eloquentes fuisse constat , etsi non omnes fuerint disertis , videlicet eleganti omnino , lautaque oratione instructi .

Quod sensit Riccius, illud idem senserunt alii Critices laude celebres auctores non pauci , quos inter enumerare mihi placet , utpote qui Oudino non ingratus , Fleury , cujus hæc est sententia ex altero ad Historiam Ecclesiasticam sermone & latine redite. deprompta num. 16. *Oratoris laus non ideo Ss. Patribus deneganda est , quia nitido illo non sunt usi loquendi genere , quod in præcipuis Latinis , Græcisque veteribus Oratoribus admiramur . S. Paullus græco-barbaro utebatur sermone . & tamen & probabat , & convincebat , & commovebat , dulcis , suavis , vehemens : Non opus est Patres componere cum Demosthene , cum Cicerone , qui tot ante seculis vixerunt , sed cum illis sunt comparandi , qui*
sua-

suam et aetate florebant. S. Gregorius, quoad vixit, nedum nemini fuit in hisce facultatibus inferior, sed omnes sui temporis Romanos superavit, quod auctore Fleury ad summam laudem satis est.

Locus hic esset, quæ ferme innumera in promptu forent, veterum testimonia referre, qui Gregorii Operibus summam hanc eloquentiam inesse testati sunt; verum ab hoc labore, etsi perexiguo, temperandum mihi esse censui, cum res ipsa testimoniis non indigeat, ne illud mihi Ciceronis de Officiis lib. II. cap. v. objiciatur: *Utitur in re non dubia testimoniis non necessariis.* Sed unum præterire non possum, citatum nempe anonymum auctorem vitarum Romanorum Pontificum:

„ Il avoit (Gregorius *) un genie tres prom-
 „ pte pour la Morale, & il s'etoit fait un
 „ fond inepuisable de pensées spirituelles. Il
 „ les exprimit d'une maniere asses noble,
 „ & les renfermoit d'ordinaire plutot dans
 „ des Perodes que dans des sentences. Ces
 „ termes ne sont pas fort choisis, & sa com-
 „ positions n'est pas beaucoup travaille:
 „ mais, elle est facile, bien suivie & se sou-
 „ tient torjours egalemeut. Il n'a rien de
 „ bien elevè, ni de bien vif; mais, ce q' il
 „ dit, est vrai & solide. Il est plein de lieux
 „ communs, & de grandes Maximes. Il est
 „ dif-

* *Loc. cit. pag. 391.*

„ diffus , & quelque fois ennuyeux dans ses
 „ explications de Morale, & trop subtil dans
 „ ses allegories . Enfin on peut dire , que ses
 „ Ouvrages contennient bien de bonnos cho-
 „ ses , mais , qu' ils n' ont rien d' extraordi-
 „ naire , & d' eclatant , .

C A P U T VI.

*De Mauritio male habito , deque Phoca
 nimis a GREGORIO laudato .*

XXXII. **S**uperioribus capitibus leviora vi-
 fa sunt probra , quibus nostro ca-
 lumniatus est Oudinus ; illud modo viden-
 dum , quod , nostra sententia , omnium est
 atrocius , iniquius , execrabilius : *At longe va-
 lidiori , atque insolubili argumento , triviale ac
 modicum hujus Pontificis ingenium , versipellem-
 que indolem agnoscimus ex adulatoriis , quas ad
 usurpatorem Phocam scripsit , litteris , post clarum
 sibi antea Mauricium cum Filiis interfectum . Sic
 Oudinus cap. II. ubi recensitis Mauricii virtu-
 tibus , quibus erat ornatus , & muneribus
 quibus Gregorium ornaverant , & vitiis , qui-
 bus coinquinatus erat Phocas , conficit ingra-
 tum fuisse Gregorium iniquæ adulationis , atque
 capiti Ecclesiæ prorsus indignæ . Nescio profe-
 cto , an vel ex infima plebe homuncio moris
 perdi-*

perditissimi Theta nigriori describi potuisset , calumniisque putidioribus aspergi .

Age itaque , & videamus quæso quid fecerit atque scripserit Gregorius , quo tam acres in se reprehensiones & ignominias excitavit . Res vulgata est in Annalibus Ecclesiasticis , omnibusque nota , ideoque nonnisi strictim ea dumtaxat , quæ huc spectare possunt , sunt a nobis commemoranda .

Mauricius Imperator an. 20. sui Imperii militum iram , atque odium in se commovebat, nolens modico pretio milites ab Avaribus captos redimere , sive avaritiæ causa , sive ut hostili gladio eos perderet , utpote conflata paulo ante seditionis reos . Sub idem tempus ejus Romanus exercitus jussus cum fuisset Istrum trajicere , ac ibidem hyemare, cœpit de novo Imperatore sibi eligendo cogitare, quod loca illa, utpote inimicis proxima, ad hyemandum in primis incommoda atque nimis molesta putaret . Misit igitur exercitus ad Petrum Imperatoris Fratrem leucis viginti distantem a Castris, legatos octo, e quibus erat Phocas dignitate Centurio, ut ab Imperatore obtineret redeundi ad hyberna potestatem . Renuit Imperator exercitus votis morem gerere ; cognita igitur Imperatoria voluntate Phocam sibi postridie constituit Exarcham , eumque supra scutum alte sublatum faustis gratulationibus pro-

prosequitur , Bizantium advolat novus Imperator, insignia sumit Imperatoria, universam Regiam Familiam miris atque tyrannicis modis trucidat . Kal. Maji Romam cum de more venissent Icones Phocæ , ejusque conjugis Leontię Augustorum una cum eorundem, favorabilibus litteris teste Johanne Diacono lib. iv. *Vita num. xx.* acclamatum est eis in Lateranis in Basilica Jullii, easque misit Pontifex in Oratorio S. Cæsarii Martyris intra Palatium reponi , & Phocæ usurpatoris intrusioni applausit congratulatoria epistola , quæ incipit: *Gloria in Excelsis Deo , qui juxta quod scriptum est inmutat , & transfert regna , & quia hoc cunctis tempore innotuit quod per Prophetam suum loqui dignatus est dicens , quia Dominator excelsus in regno hominum, & cui voluerit ipse dat illud , lib. xii. epist. xxxv.*

Oudianæ accusationis adversus Gregorium summa revocatur ad duo capita : primum , quod advectas Romam recentium Imperatorum Icones jusserit reponi in laudato S. Cæsarii Martyris Oratorio juxta Palatium : alterum , quod laudatorias atque adulatrices ipsis litteras dederit .

Verum super arenam ædificavit ipse; nostri enim insimulandi æquam sane causam discernimus nullam . Primum enim egit ne in Regium peccaret honorem ; alterum Christianæ

stianæ rei ut iret consultum. Reipsa Gregorii non erat impedimentum ponere, quominus Iconibus illis tantus deferretur honos. Inoleverat enim consuetudo Augustorum recens electorum illas mittendi, cum in diversas Romano Imperio subjectas provincias, tum ad Principis Amicos. *His adnotante Baronio probatissimis fulto testimoniis ad ann. 603. num. 2. veluti Imperatori presenti debitus honoris cultus deferri consuevit ab omnibus, & in eas peccans majestatis reus efficiebatur.* Nullo autem aptiori loco ratus est Gregorius eas exponi potuisse laudato S. Cæsarii Oratorio intra Palatium, quia ædes amplæ erant, Imperatoribus cum Romæ esse contingeret, inservientes ^a: quæ sacrum Palatium dicebantur.

Ad litteras autem quod spectat, integrum haud fuit Pontifici, nuntio ejus de electione accepto, illas non dare recenti Imperatori, quibus ipsi de adepto Imperio gratularetur. Animadvertunt enim Baronius loco citato, & Bernardinus Ferrarius de antiquo Ecclesiasticarum Epistolarum genere l. 1. c. 7. ^b Laicos Principes Catholicos Romanis Pontificibus Epistolas communicatorias, sive fidei formulas mittere consuevisse, ut se ad Principatus, Imperiiique clavum electos ostenderent

^a Ex Baronio ad annum 603. num. 2.

^b p. 50. Mediolani 1613.

rent, obedientiamque, & veram fidei consolationem pollicerentur. Respondit igitur Pontifex; duo invenit post alios Criticus noster in iis Epistolis digna, quæ notarentur, easque indignissimis injuriis aspersit: primum quod Phocas adulatorie laudetur; alterum, quod durius de Mauricio Augusto loquatur.

Verum & hoc loci aranæ telas eximius hic Architectus contexuit. Primo enim nullæ ibi sunt adulationes, nullæ assentationes; vota sunt fausta quidem, lætitiæque verbis expressa, sed quisnam, qui novercali non ardeat odio adversus Gregorium, ibit inficias æquitati consonum, Christianæque sagacitati fuisse, ut summus Pontifex Imperatori, a quo Rempublicam optime gubernari, Ecclesiæ jura custodiri peroptabat, congratularetur? Hæc autem præstare ut posset novus Imperator, auxilium a Deo precatur fufis precibus atque promittit.

XXXII. Secundo utut Mauricii mores se habuerint, quos non semper recto duxisse tramite vel ipse confessus est Mauricius, dum suis per somnium visis criminibus, deque proxima admonitus morte, tum ab ipso Gregorio, cum ab eadem visione a Tyrannide Pontifici inferenda semet abstinuisse auctorem habemus in *lib. 4. Vitæ num. 17.* Johannem Diaconum, & ab omnibus Patriarchis Monachisque

chisque Hierosolymitanis potissimum petiit, suis ut precibus a Deo postularent, ut hac in vita debitas sibi poenas infligeret, quibus æternas effugere posset. Quod a D. O. M. qua est misericordia, fuit ipsi concessum tetro illo excidio, quod per Phocam injectum, æquissime, animoque constanti numquam satis commendando, pertulit. Nihilo tamen minus dubio procul est, Gregorio ad Pontificatus apicem evecto quacunque proposita occasione infestum se præbuisse, qua de re Gregorius ipse natura licet mitissimus (nihil enim poterat fieri eo mitius) pacis cultor eximius, Principum ita venerator, ut Oudinus non timuerit asserere, eorum Famulum se esse professum, non raro tamen coactus est conqueri, maxime *Epistola xi. lib. v. ad eundem data Imperatorem Mauricium*, in qua aliquot ex iis recenset capitibus, unde vehementissimæ illatæ ipsi sunt ab Imperatore molestiæ.

Reipsa & Johannis Constantinopolitani foverat superbiam, qua œcumenici titulum sibi usurparat, & violentam in Salonitanam Ecclesiam maximi scelestissimi hominis intrusionem adversus canonicas Gregorii prohibentes Sanctiones propugnavit, atque sustinuit, & Schismaticos Istriæ, & Venetiarum occasione trium Capitulorum, quos a Schif-

mate ut revocaret nulli non pepercerat labori Gregorius, opem tulit, & datis Gregorio vere imperiosis & more tyrannico litteris, & lata lege, qua cautum est, ne Schismatici ad unitatem Ecclesiæ redire cogerentur, quam impiam legem obtinuerat Schismaticorum, Coripheus & relapsus Serenus Aquilejensis, aut Gradenfis Episcopus: & impedimentum posuit per legem, quam postea Gregorii precibus emollivit, ne milites nomen suum monasticæ vitæ darent, & pacem Italiæ tot laboribus, ac expensis a Gregorio procuratam cum Langobardo proscidit, & cum misit Exarchas Ravennam, a quibus longe majora, quam ab inimicis universa Italia coacta fuit damna sustinere, quin Imperator hisce de malis admonitus voluerit fidem ipsi præstare, remediumque adhibere. Ad isthæc mala digitum intendisse mihi visus est Gregorius, dum Phocam tali pacto alloquitur^a: *Aliquando vero cum misericors Deus moerentia multorum corda sua decrevit consolatione refovere unum ad regiminis culmen provehit, & per ejus misericordia viscera in cunctorum mentibus exultationis sue gratiam infundit latentur Cali, & exultet Terra, & de vestris benignis actibus universus Reipublica populus nuncusque vehementer afflictus hilarescat. Comprimantur jugo domina-*

^a In citata Ipla. p. 1239. T. 2. opp.

minationis vestrae superba mentes hostium, reventur vestra misericordia contriti ac depressi animi subjeutorum . . . cessent Testamentorum insidia, donationum gratia violenter exacta: redeat cunctis in rebus propriis securus possessio, ut sine timore habere se gaudeant, quæ non sunt eis fraudibus acquisita. Reformetur jam singulis sub iugo Imperii pii libertas sua . . . Sed melius hac orando, quam suggerendo dicimus: Omnipotens Deus in cuncta cogitatione, & opere cor vestra pietatis, suæ gratia manu teneat, & quæque iuste, quæque clementer agenda sunt inhabitator vestri pectoris Spiritus Sanctus benigne disponat. Quibus sane verbis, & illud egit quod Pontificis est munus cum novo Imperatore, ut meliora sperans tempora illa adjuto gratia Divina a Phoca obtineret.

XXXIII. Neque movere quemquam debet præclarum illud faustumque initium *Gloria in Excelsis Deo*; quippe nostra hac tempestate nonne hymnus *Te Deum* cantatur in Principum Christianorum, quibus demum cunque moribus aut fuerint, aut futuri sint exaltatione? Porro Gregorii temporibus ad lætitiæ specimen exhibendum illud usurpabatur *Gloria in Excelsis Deo* præconium, cui hymnus *Te Deum* nono sæculo suffectus fuit. Neque obiiciat Oudinus verba, quibus extollitur ibidem a nostro, Phocas benignitatis,

miseriçordiæ, feliciũ temporũ, compo-
ni nullatenus posse; cũ spurcissimis imma-
nibusque Phocæ Tyranni vitiis. Nam respon-
demus; citra adulationis, atque mendacii
notam, sic potuisse à Gregorio Phocam lau-
dari. Quippe sub Imperii initium scriptam
epistolam, & Gregorio redditam fuisse con-
stat, quo tempore neque illius vitia innotue-
rant, neque divinare poterat Gregorius mo-
res ejus ita fore perditos, ut merito pestis
humani generis a Zonara vocetur in *Annal.*
lib. XIV. num. XIV.; neque secreta Dei, a
quibus ob hominum scelera tetrum illud
monstrum Imperio destinatum erat perscruta-
ri tenebatur, quæ Angelos ipsos, ut pluri-
mum, latent. Enim vero quotusquisque est
in Historia vel summis labiis versatus, cui
compertum non sit fausta fuisse multorum,
Principum initia, quæ postea in pessimos e-
ruperunt mores? Instar omnium unus sit Ca-
jus Caligula, de quo si unquam (referente
Philone Judæo paulo post initium legationis
ad Cajum) ante sub Imperatore aliquo, tunc ma-
xime sibi videbantur non jam sperare, sed certo
tenere usumfructum publicorum commodorum,
privatorumque, & felicitatem plenariam, fortu-
nante cuncta numine. Erat igitur videre nihil
aliud per singulas urbes, quam altaria, victi-

inas, sacrificia, candidatos, coronatos, hilares blandosque vultus omnium, festa, celebritates &c. & post: Gaudebant inquit ignari veritatis; cœcutit enim humana mens, nec intelligit quid sit vere utile, sequendo magis conjecturas, quam scientiam. Itaque non multo post ille speratus servator beneficentissimus, qui videbatur novis felicitatum fontibus inundaturus Europam, & Asiam, profuturus, privatim, & publice erupit in sevitiam, vel potius aperuit, quam dissimularat hætenus. Quainobrem laudabili dexteritate, qua Principum animi, regiminis maxime initio, demulcendi sunt, atque tractandi, illas oculis Phocæ subiicit dotes, quibus Christianus Imperator fulgere debet, & quas in ipso, ut præteritis mederetur malis, Ecclesiæque Romanæ jura ab Antecessore sus, deque versa pristino restituerentur loco flagrantissime Pontifex desiderabat, atque exquirebat,, : tant d'agreables choses, qu'il luy dit, & qui paroïssioient si flatueuses, sont plustost des souhaits pour l'avenir que des loanges du passé. Ut me exprimam verbis illius Gallici Scriptoris, scilicet Maimburgi, in sua hujus Pontificis Gallica Historia * quo Auctore tam lubenter Gregorii hostes utuntur: illud idem clarius expresserat alter ejusdem gentis Au-

ctor Criticus sane & ipse severissimus Bailletus
 nempe, cujus auctoritatem eo libentius poni-
 mus., quo & illam contineat responsionem,
 qua satis superque ab eodem conniventia
 crimine propter Brunichildem Gallia Regi-
 nam a nostro suis in litteris laudatam vindica-
 tur. „C' est sans doute, inquit ipse „dans cet-
 „te persuasion que quelques-unes de cel-
 „les qu' il a 'écrites a la Reine Brunehaud
 „princesse décriée pour ses vices, & a l' Im-
 „pereur Phocas tyran, qui étoit en horreur
 „a tout le monde, ont déplu a ceux qui ont
 „pris les éloges dont il les comble pour des
 „flateries indignes d' un homme droit, &
 „d' un grand Pape tel qu' il étoit. Nous
 „pourrions sans commettre sa saintete, ou
 „sa reputation rejeter cella sur la condition
 „humaine, aux foiblesses de laquelle les
 „plus grands Saints sont sujets jusqu' a la
 „mort. Mais pour sa justification on doit
 „considerer que Brunehaud avoit quelques
 „bonnes qualités dont on l' avoit informé,
 „& ce qu' elle fit de plus scandaleux n' étoit
 „pas encore arrivé jusqu' a lui lorsqu' il eut
 „occasion de lui écrire. Les louvanges qu' il
 „donne au detestable Phocas font plus de
 „difficulté. Mais elles font voir au moins
 „qu' il respectoit même dans un tyran le ca-
 „racte de Roi. „ra-

a T. I. pag. 157. Paris. 1724, dans les vies des Saints.

„ ractere, e la qualité de Sovrain, & qu' il
 „ ne vouloit rien oblir pour le rendre favo-
 „ rable, & affectionné au service de l' Egli-
 „ se catholique, ayant eu sur ce sujet peu
 „ de satisfaction de l' Impereur Maurice avec
 „ le quel il avoit été souvent brovillé, quoi-
 „ que ce fût un bon prince d' ailleurs „ :
 Quod omne desumptum est ex Joanne Dia-
 cono *lib. iv. cap. xxiii.* His Gregorius lau-
 dibus aut ideo novos Principes demulcebat,
 ut audientes quales esse debebant, fierent mi-
 tiores quam Mauritius fuerat, cujus tot cri-
 minibus involuta tempora cognoscebant: aut
 quia eos sibi, suæque Ecclesiæ devotissimos
 cernens non eos ad tyrannidem ruituros esse
 putabat. Unum restare videtur, quod obi-
 ciat Oudinus. Cur saltem iisdem in epistolis
 non increparit Phocam ob inhumanos illos
 modos, quibus ad Imperii clavum jam eve-
 ctus in Mauricii Familiam ita inique desævie-
 rat? Credibile sane non est quin tantus ru-
 mor ad Gregorii aures pervenerit ex litteris
 ut minimum Rom. Sedis Apocrisarii, qui in
 Regio ipso Palatio ex antiqua consuetudine
 degere solebat.

Disimulare profecto non possumus a-
 quam nobis heic hæsisse, nisi cum Impera-
 tor, tum Pontifex ipse responsonem suppe-
 ditassent. Dicimus itaque ex nullo hactenus

detecto monumento evinci Romam sub novi Imperatoris initio tetra illius scenæ venisse notitiâ , quam nullus mittere poterat R.E. Apocrifarius . Etenim conquestus est cum Romano Pontifice novus Imperator eorum nullum in Regia Urbe invenisse . Sed Gregorium ipsum universam rem narrantem præstat audire , eaque omnia quæ de Mauritio mox innuimus confirmantem : *Quod permanere* (inquit ipse in altera ad Phocam Epistola lib. XIII. epist. XXXVIII. * ubi Diaconi sui , sive Apocrifarii absentiam excusat , & Bonifacium ad illud munus delegisse certiore facit Imperatorem) *in palatio juxta antiquam consuetudinem Apostolicæ Sedis Diaconum vestra Sere- nitas non invenit , non hoc meæ negligentia , sed gravissimæ necessitatis fuit : quia dum ministri omnes hujus nostræ Ecclesiæ tam contrita asperaque tempora cum formidine declinarent , atque refugerent , nulli eorum poterat imponi , ut ad urbem regiam in palatio permansurus accederet . Sed postquam vestram clementiam , omnipotentis Dei gratia disponente , ad culmen Imperii pervenisse cognoverunt , ipsi quoque suadente latitia ad vestra vestigia venire festinant , qui prius illuc accedere valde timuerant . Præterquam quod etiam si de iniquissimo illo modo , quo in Regia festabilierat sede novus Imperator rumor ali-*
quis .

quis Urbem pervasisset, ergo ne incertæ famæ aures ita præbere debuisset Gregorius, ut Phocam, qui se Christianæ fidei, Romanæque Sedis vindicem futurum sponponderat, jurgiis atque comminationibus, forsitan innixis falso rumore, ad iram provocaret? Non ita profecto Sanctorum virorum exempla sequutus ipse fuisset, quorum mos semper fuit, ut optime observat Natalis Alexander Hist. Eccles. seculo VI. cap. IX. *Principes ob nonnulla bona opera laudare, ut eos ad majora pro Dei gloria, & Ecclesiæ commodis incitarent, & quæ de ipsis vulgabantur flagitia, non facile credere, cum scirent eos invidia, & inimicitiis patere plurimorum, qui eorum famæ detraherent; & in vitam Regum, & Reginarum, eorumque consilia, & arcana non inquirere; unde cades ab ipsis imperata crudelitati, injustitiæ, ultionis, aut dominationis libidini non tribuebant, nisi manifesta res esset, adeoque ita essent fama sua prodigi, ut scelera sua nulla justitiæ specie velarent*^a. Videtis quæ de laudibus, deque precibus a Romanis Pontificibus fusis pro pessimis Regibus, atque Ravennatibus Exarchis scripsere Bollandiani pag. 208. conatus Chronici Historici ad catalogum Pontificum in Propilæo, seu Tom. VII. Maji Bollandiani.

CA-

^a Epistola XXXVIII. lib. XIII. Tom. II. pag. 1244.

CAPUT VII.

*Quid Gregorius Magnus senserit de
Eucharistico Sacramento.*

XXXIV. **S**I vero diffona magis a Gregorii mente scripserit unquam noster hic censor, atque in veterum Christianorum usibus, disciplinis, ac doctrina peregrinum se ostendit profecto hoc facit in quarto suæ Gregorianæ Dissertationis capite cui hunc posuit titulum: *Quid Gregorius Magnus de Eucharistia senserit in libris Dialogor. & alibi.* In præsentī igitur capite, & in proxime futuris accuratum, quantum poterimus, aggrediemur S. Gregorii doctrinæ examen, quem homo ille modo sectæ suæ præjudicatis opinionibus occupatus, ne tantum Catholicæ Ecclesiæ præsidium relinqueret, pravis corrumpere interpretamentis, & ad Reformatorum opinionem inflectere conatus est, modo ad conflandam tanto nomini invidiam in deterius accepit. Nostrum plane est Ecclesiæ Catholicæ asservare, & ab ejus hoste eripere possessionem, in quam temere intrusus est. Plurimum etiam interest germanam Nostri doctrinam investigare, quod ipsa cum fuerit, nedum successivis temporibus, sed statim ac disse-

disseminabatur qua ab Occidente , qua ab Oriente mirifice amplexata eximiisque præconiis laudata , atque a nullo umquam , quod hactenus liqueat , nisi a nostris Novatoribus oppugnata , illud inde necessaria consecutione elicitur , universi Catholici Orbis doctrinæ consonam fuisse, iccirco certam omnino , puram, orthodoxam , uno verbo, Christi esse doctrinam .

XXXV. Atque ut ab ejus mente circa Venerabile Eucharistiæ Sacramentum exordiamur illud statim monitos esse volumus Lectores nostros hoc in Oudianæ Dissertationis quarto capite cum multa sint a veritate aliena , tum nihilominus esse ferendum quam quod neutros , Pontificios scilicet , atque Reformatos expressa Gregorii verba in suæ gratiam sententiæ attulisse , omnes autem rationibus ad eum suæ parti conciliandum usos esse adfirmet . Quod de suis Theologis libenter concedimus , de nostris autem confidenter pernegamus , neque satis malam Gregoriani critici fidem mirari possumus , atque detestari : ad eum enim falsitatis convincendum vel una sufficere posset in Gregorianæ doctrinæ sensu perscrutando solertissimorum S. Mauri Congregationis Monachorum auctoritas , quæ latere sane non poterat Oudinum , qui nodum in scirpo quærebat , dum horum Mo-

nachorum Gregorianam editionem invadere sibi proposuerat. Ergo afferantur eorum verba, quæ clarissima sunt, atque habentur ad num. XIII. Præfationis generalis sub initium tom. I. Omnes fidei articulos, de quibus nobis est cum Lutheranis, & Calvinistis aliisque novis hæreticis controversia ex S. Gregorio sigillatim probatos, & assertos legere licet in Confessione Gregoriana auctore Theodoro Petrejo Campensi Colonienfis Carthusiæ Alumno. Quid luculentius hoc Dialogorum testimonio lib. IV. cap. LVIII. ad probandum tum incruentum novæ legis Sacrificium, tum realem corporis, & sanguinis Jesu Christi præsentiam in Eucharistia? Deinde cum in brevioribus ad paginarum oras notis, tum in indicibus quotiescumque incidit sermo hoc de sacramento apud Gregorium advertere non omittunt v.g. lib. I. homil. in Euang. hom. XIV. tom. I. pag. 1484. Christi corpus, & sanguis in Sacramento: ibidem pag. 1534. Christi corpus accipimus in Sacramento: in indice tom. II. ex Dialog. lib. IV. c. XXXVIII. Eucharistiæ veritas, in I. Regum cap. I II. cap. V. tom. I II. pag. 160. (qui liber sit genuinus Gregorii foetus necne, nostra in præsentiarum nihil interest) Qua poena digni, qui corpus & sanguinem Christi tractant indigne? & alibi sæpe. XXXVI. Loca hæc a Theologis nostris adversus Protestantes adducta fuere in primis a Card. Bellar. & Perronio. At contendit adversarius

farius duos istos Theologos expressa Gregorii in gratiam nostræ sententiæ non adduxisse verba; unde ratiociniis ad eum suæ parti conciliandum usos. Sumamus igitur in manibus verba eorum Theologorum huc spectantia, ut omnibus innotescat quibus oculis adversarius ea legerit, quam sinceritate id scripserit. Bellarminus de Eucharistia lib. I. cap. XXXII.^a Gregorii locis relatis homil. XXI. in Euang. & lib. IV. Dialog. cap. LVIII. catholicum dogma comprobatum iri affirmat; his verbis: *Satis aperte descripsit præsentiam veram, & realem corporis Christi celestis, summi, & invisibilis, in specie panis terreni, imi, & visibilis.*

Cardinalis Perronius de Sacramento Eucharistiæ lib. II. unum, & septuaginta veteres auctores in Romanæ Ecclesiæ doctrinam conspirantes adducit contra Calvinistam Philippum Murnæum, qui in suæ sectæ patrocinium illos trahere conatus erat, edita in idem argumentum capitibus novem dispartita disputatione. Porro auctore XXXI. qui est *Gregorius Magnus* capitibus quatuor, totidem oppositis Murnæi argumentis Gregorium corpus, & sanguinem vere, ac realiter in Eucharistiæ Sacramento contineri ac sumi docuisse Cardinalis ille apertissimis verbis, & affirmat, & probat. Universum eum locum,

ni Lectoribus tædio esse pertimescerem quam
 lubentissime huc exscriberem ; utpote qui
 Gregorii causam in primis peroret ; nihi-
 lo tamen minus facere non possum , quin
 versus aliquot delibem ex secunda , quam
 præ manibus habeo Parisiis facta editione an-
 no 1620. Capite igitur tertio Mornæum ar-
 guit , quod mancum attulisset ex Dialogo-
 rum *lib. IV. cap. LVIII.* Gregorii locum , quem
 & nos infra utpote omnium præclarissimum
 adducemus : „ Car la (ita ejusdem loci par-
 „ tem Gallice reddit Perronius) son corps
 „ est pris, sa chair est distribuée pour le salut
 „ du Peuple , son sang est espendu non plus
 „ en mains des infideles mais en la bouche
 „ des fideles „ . Quibus ex verbis nemo non
 videt perinde Bellarminum , ac Perronium
 non quidem ratiociniis ad Gregorium nostræ
 parti conciliandum usos fuisse , verum claris-
 simis verbis non innuisse , sed aperte , & pla-
 ne affirmasse .

Nunc autem quis poterit se continere ,
 quin iterum exclamet , si hoc calumniari non
 est , quod nam erit ? Et cum vetusto auctore :
*Tanta est potentia veritatis , ut se ipsa , quamvis
 in rebus exiguis , sua claritate defendat .*

Jam vero proferantur loca , quibus Theo-
 logi nostri Gregorium sensisse ostendunt in
 Sacramento Eucharistico ipsum reale corpus,
 ipsum

ipsum realem Christi sanguinem manducari, ac bibi. Quinque ex istis locis sibi objecit Oudinus, quæ ex Calvinista Aubertino hausta, se evertisse gloriatur: nos vero operæ pretium facturos arbitramur, si eadem iterum afferentes ab Oudini censuris, ut sua ipsis stet auctoritas, eripere conabimur.

XXXVIII. Locus primus desumptus est ex *homil. XIV. lib. I. in Evang.* ubi versans Gregorius illud Euangelii: *Bonus Pastor animam suam ponit pro ovibus*, inquit, *bonus Pastor pro ovibus suis animam suam posuit, ut in Sacramento nostro corpus suum, & sanguinem verteret, & oves, quas redemerat, carnis sue alimento satiaret.* Contra vero Criticus noster postquam dixit Pontificios non vagis ejusmodi verbis debere agere contra Protestantes, sed expressis certisque, realitatem in se includentibus, vel figuram expresse excludentibus, verba hæc obijcit neque talia esse, quæ figuram expresse excludant, vel corpus, & sanguinem Christi proprie, vere, ac substantialiter includant: *Contra vero commode in sensu figurativo accipi posse, ut in Sacramento nostro corpus, & sanguinem suum, symbolicum videlicet, verteret in alimoniam animarum nostrarum.* At vero ad hanc convellendam Oudini responsionem ipsa satis est Gregorii verba sine præjudicata mente intelligere.

Peto enim ab homine, si in apimum sibi pro-

proposuisset exprimere Christum satiare nos suamet carne *reali quidem*, non autem *metaphorica*, quibusnam potuisset uti clarioribus verbis, *carnis suæ alimento nos satiat*? Ubi mysticus sensus? ubi figura? nonne fluunt omnia clara, & aperta? Porro quis ignorat mysticum in sensum inflectenda non esse auctorum verba, cum ex altera parte nullum ipsi dederint signum intentum ab ipsismet fuisse huiusmodi sensum; ex altera vero simplicia verba sint, nuda, & clara? Gregorium autem nihil mystici præ mente voluisse clamant ipsa apertissime verba. Enim vero si licitum cuique esset mystice interpretari scriptorum verba, quando nullum huiusce interpretationis præseferant vestigium; quis est quin videat in præcepta ruituram universam fidei, historiæ, uniuscujusque tandem scientiæ certitudinem? Norunt & ipsi Protestantes (experientia rerum magistra quæ oratio nulla illustrior) edocti quot incomoda hac ex licentia in suis dogmatibus acciderint, quorum unum, & præcipuum est tot illæ, quæ exortæ sunt apud illos non solum de rebus, uti usuvenit apud nos, sed ipsismet de præcipuis fidei Christianæ capitibus inter sese oppositæ sectæ, ita ut quinam sint habendi fundamentales, uti vocant, Christianæ Religionis articuli neque inter ipsos conveniat.

Quod

Quod si voces isthæc *vere*, *realiter* non inveniuntur Gregorianis in scriptis, nihil profecto moramur. Cum enim quæstio hæc nondum esset tunc exorta, non erat cur illæ adhiberentur, quæ passim in iis occurrunt Scriptoribus, qui, in vecta Berengarii hæresi, monumenta posteritati tradidere. Illud sane, & in hoc dogmate nobis adtulere commodi pravæ adversus illud ab hæreticis excogitatæ opiniones, quod universæ fidei veteres attulisse hæreticos observabat Augustinus: multa, ait ipse *lib. xvi. de Civit. Dei cap. 11. ad Fidem Catholicam pertinentia, dum hæreticorum calida inquietudine agitantur, ut adversus eos defendi possint, & considerantur diligentius, & intelliguntur clarius, & instantius predicantur, & ab Adversario mota quæstio discendi existit occasio.*

Nullæ igitur cum adhuc extitissent Gregorii tempore de Eucharistia turbæ, securius ipse (quemadmodum, & in aliis fidei nostræ dogmatibus actitatum fuisse a veteribus trita est nostrorum post S. Augustinum observatio) loquutus est: sat ipsi erat illud memoria repetere, quod eodem in Sacramento contineri omnes absque concertatione, & dubio credebant.

Accedit etiam hujus generis voces *vere*, *realiter*, & hujusmodi nullibi ferme apud veteres inveniri Scriptores, a quibus reliqua

fidei nostræ dogmata exposita sunt, atque ab hæreticorum calumniis vindicata; imo neque eas legere licet in ipsis, quæ fidei articulos proponunt, Divinis Scripturis. Ubi, amabo te, invenies appictas voces istas *vere, realiter* voci ὁμοῦσιον, qua una *veram, realem* Divini Filii cum Patre Æterno consubstantialitatem se expressisse arbitrati sunt, & pro certo habuere adversus Arium tercenti, & octo Nicæni Patres? Ubi verbo θεωρόχον, quo uno B. Virginem, æterni Verbi appellandam esse, veram Christi Matrem, definitum est contra Nestorium ducentis Ephesinis Patribus? Ubi adversus Eutychen veram, impermixtam, inconfusam utriusque naturæ divinæ, & humanæ in Christo unionem? Ubi adversus Monothelitas unam dumtaxat tribuentes Christo voluntatem, & operationem? Ubi particulæ *Filioque*? Ubi, ante novatores, cæteris Fidei nostræ tesseriis?

Nunc autem quæro ab Adversario, quomodo ipsa Socinianis Divinitatem Verbi minuentibus ab Ante-trinitariis Nestorii dogma recudentibus, poterit Christianam fidem liberare? Nonne ipsi cum Scripturæ Patrumque verba de Divinitate Verbi, de qualitate Personarum agentia, sive mystico, sive allegorico sensu interpretanda esse dogmatizent, Ouidio asserenti probantique litteraliter esse sumenda

menda, utpote clara, atque Epitheta illa superflua esse contendenti, respondere possent atque objicere: quid ergo, Oudine, est causæ, cur & tu in Gregorio clare, & nitide usurpante verba ad Eucharisticum Sacramentum juxta Romanam fidem exprimendum illa desideres epitheta, ex quorum fide nonnisi mystice locutum fuisse illum Pontificem tam confidenter affirmas? Equidem, qua pateat censori nostro effugium, nullus video.

XXXIX. Locum alterum exhibent verba ex vigesima secunda hom. in Euangel. quæ sic se habent^a: *Quis namque sit sanguis Agni non jam audiendo, sed bibendo didicistis. Qui sanguis super utrumque postem ponitur, quando non solum ore corporis, sed etiam ore (sive amore) cordis hauritur. In utroque enim poste sanguis Agni est positus, quando Sacramentum passionis illius cum ore ad redemptionem sumitur, ad imitationem quoque intenta mente cogitatur in nocte quippe Agnum comedimus; quia in Sacramento modo Dominicum corpus accipimus, quando adhuc ad invicem nostras conscientias non videmus. Hujus Gregoriani loci pondus sibi elevaræ visus est Oudinüs duplici paucis exposita responsione. Primo: Nihil in allatis verbis videri, quod realitatem expresse & insuperabiliter contra Protestantes asserat, vel quod figuram diserte excludat.*

H 2

Secun-

Secundo : *Illa verba pro illis militare : In nocte quippe Agnum comedimus , quia in Sacramento modo Dominicum corpus accipimus : idest in signo & figura modo non vere , & substantialiter ut Ecclesia Romana recens docet . Tantum abest ut figura his excludatur quin potius includatur verbis .*

Verum animadvertenti comparationis a Gregorio institutæ scopum innotescet statim, conatum quidem fuisse Oudinum clarissimis verbis tenebras obducere , sed vim argumenti a nostris inde desumptam nihil labefactasse ; nam suos ut auditores exhortaretur Gregorius , ea ut maxima qua decet , ac poterant , reverentia ad accipiendum in Paschate Eucharisticum Sacramentum se componerent , opportune ante eorum oculos ponit conditiones , quas ad esum agni Paschalis in Populo Israelitico exquirebat Deus Israel *Exod. 12. vers. 7.* Atqui non mystici agni , sed realis erat Israeliticus esus , ita non mystici sanguinis , & corporis , sed realis est Christianus in Paschate esus . Reipsa eisdem omnino sensibus utrumque esum exprimit Gregorius : *Sument de sanguine agni & edent carnes nocte &c.* dicit de Israelitis : *Quis sit sanguis agni , non jam audiendo , sed bibendo didicistis qui sic Redemptoris sui sanguinem accipit in nocte quippe agnum comedimus , quia in Sacramento modo Dominicum corpus accipimus Quid enim*

enim prodest corpus, & sanguinem illius ore percipere, & ei perverfis moribus contraire. dicit de esu Christiano. Hanc utriusque agni comparationem perbelle tractans S. Gaudentius, qui circa ann. 420. obiit sanctissimus Brixie Episcopus, *serm. 2.* * *In hac veritate*, inquit, *qua sumus, unus pro omnibus mortuus est, & idem per singulas Ecclesiarum domos in mysterio panis, & vini reficit immolatus, vivificat creditus, consecrantes vivificat consecratus.*

Verba autem illa Gregorii: *Et ei perverfis moribus contraire* in mentem nobis revocat illius mystici, quod sub realibus Eucharisticis speciebus continetur, quodque antea innuerat Gregorius his verbis, quæ videlicet cunctæ Israelitarum præparationes magnam ædificationem pariunt, si fuerint *mystica* interpretatione discussa.

XL. Gratia sive *sanctificans* sit, quæ tamen nonnisi indirecte, & per accidens, ut schola docet, hoc Sacramento confertur, unde vivorum dicitur, non mortuorum, sive sit corroborans, quæ illud sumentibus lethali culpa non fauciatis donatur, mystica sub interpretatione exprimitur. Corpus, & sanguis Christi nihil profunt, imo obsunt si fuerint sumentes moribus pravis inquinati. Gregorius itaque duo hæc clare distinguit, realem ni-

mirum , & mysticam sumptionem , prima sumimus reale sacramentum , altera ornatur coelesti numinis gratia ; secundam hanc in Gregorii verbis Oudinus cognovit , non vidit primam , quam noluit videre suis impeditus opinionibus , Patris ad instar , sive Amantis ; qui quæ sibi arrident in filio , aut in amato , statim detegit , & amat : quæ vero sibi displicent , non vidisse fingit .

XLI. Tertium momentum depromit Adversarius ex Dialogorum *lib. 111.* narrat enim Gregorius , virum Beatissimum Agapitum , S.R.E. Pontificem sacris persolutum restituisse loquelam muto , cum ei Dominicum corpus in os mitteret . Quid ad hæc , *mysticus* noster censor ? reponit duo : Primum hinc non patere hanc fuisse Agapiti sententiam , ut corpus Dominicum reale esset Christi corpus : Secundo , consuetam canit cantilenam , mysticum intelligi debere Christi corpus . Primum utpote ad Gregorii cognoscendam mentem nihil faciens , non curamus ; non enim quid Agapitus , sed quid senserit Gregorius investigare suscepimus , ad alterum vero convellendum , quæ mox fuerunt a nobis disputata , satis esse arbitramur . Enimvero quibusnam clarioribus ipsum reale Christi corpus exprimi debuisset verbis istis : *Cumque ei Dominicum corpus in os mitteret , illa diu muta ad loquendum*

dum lingua soluta est? quod enim est mysticum, plane est insensibile, qui igitur in os mitti potuisset?

XLII. Quarto, quintoque loco non est cur innitatur, tria enim, quæ attulimus rem nostram satis superque conficiunt, quibus omnium præstantissimum addemus testimonium, postquam ea Oudino eripuerimus loca, quibus Calvinistam fuisse nostrum, se ostendisse jactat, quæ quatuor omnino sunt.

XLIII. Primum expiscatus est ex Dial. lib. XIV. cap. XXXI. num. LVI. ubi S. Pater adversus Eutychium Constantinopolitanum Patriarcham, a quo uti primo innuimus capite, vera carnis *resurrectio* in novissima die negabatur, disputans ea potissimum ratione, quia corpora eo die *resurgent* in veritate suæ naturæ, sive non amittent essentiam suæ naturæ. Unde Redemptor noster dubitantibus de sua Resurrectione discipulis ostendit manus, & latus, palpanda ossa, carnemque præbuit dicens: *Palpate, & videte, quia spiritus carnem & ossa non habet, sicut me videtis habere*. Porro si aerea resurgerent, uti dogmatizabat Eutychius, corpora, essentiam profecto amitterent suæ naturæ, cujus est, ut corpus palpabile sit, visibile &c.

Ex hac Gregoriana, quæ magnum continet pondus, argumentatione in hunc modum

ratiocinatur acutus noster Logicus: *Quomodo autem id dicere potuisset Gregorius, si Domini corpus in Eucharistia verum esse credidisset, quod certo impalpabile, ac invisibile est? Si enim ipsummet Domini Corpus gloriosum palpabile, ac visibile esse necesse est, quoniam alioquin naturæ suæ essentiam amitteret, impossibile prorsus est illud in Eucharistia vere, & essentialiter esse, cum in ea, fatentibus ipsis adversariis, palpari ac videri non possit. Cum itaque ex Gregorio Magno verum corpus impalpabile, & invisibile esse nequeat, in Eucharistia proinde non esse ex ipsius mente dicendum est.*

Huic sane difficultati a sexcentis responsum est, cum e nostratibus Theologi, tum ex Lutheranis, qui etsi in eo errent, ut ipsam panis viniq. remanere substantiam contendunt, nobiscum tamen, & Orthodoxe sentiunt de reali Corporis Sanguinisque substantia. Cum vero adversus nostrorum responsiones, quas Calvinistarum nemo evertit adhuc, nec unquam eversurus est, nihil habeat Criticus noster, religioni duxerim, tædiumque Lectoribus afferrem, si eundem revolvendo lapidem illas iterum recoquerem, quæ in libris cuique obviis legi possunt. Præterquam quod instituti operis ratio non exigit, ut res quam gravissima expendatur minus accurata diligentia, quam ejus amplitudo requirit.

Ne

Ne vero difficultatem a nobis declinatam omnino fuisse conqueratur aliquis, nostram quoque, sed quam brevissime, responsionem addere non gravamur. Quam parum igitur in Oudiniana ratiocinatione sit momenti nemo non videt, si modo, quæ sit palpabili, atque visibili notio subjecta tenuerit. Non enim actum ipsum, quo corpus in organum tactus & visus incurrit hæ voces significant, sed potentiam tantummodo, qua palpari, & aspicci potest. Ex quo uno intelligitur, non eam fuisse Gregorii mentem nullum constare posse corpus humanum, quod sub sensus semper non cadat. Et sane quis credat Gregorium, tam crassæ mentis, ut quod Gentiles suis numinibus tribuebant, quemadmodum ex fabula Giges colligitur, id summæ Dei potentiæ negaret, & opinaretur nec omnipotentia Dei fieri posse, ut corpus humanum sensus aliquando non moveat? Quid enim difficilius captu est, corpus ex utero clauso exire, & januis clausis in coenaculum ingredi, an in sensus minime incurrere? In explicando modum, quo primum factum est, adhuc insudant Theologi, & in duas præsertim sententias abeunt, quarum neutram humana ratio complecti potest; alterius vero rationem facile quivis Philosophus percipit, & explicat, cum ad eum finem, ut corpus, vel maximum, sensus

sensus non afficiat, aliud nihil esse opus intelligat, nisi ut Deus motum nervorum, & spirituum ita cohibeat, ut ad appulsum extremi corporis nulla cerebri pars iis nervis, atque spiritibus vellicetur & concutiatur. Nihilo tamen minus primum Gregorius conceptis verbis assentitur, & in eo summam Dei potentiam suspicit, hom. 26. in Evangelia cui hoc fecit initium: *Prima lectionis hujus Evangelica quaestio animum pulsat, quomodo post Resurrectionem corpus Dominicum verum fuit, quod clausis januis ad discipulos ingredi potuit. Sed sciendum nobis est, quod divina operatio, si ratione comprehenditur, non est admirabilis, nec fides habet meritum, cui humana ratio praebet experimentum; sed hac ipsa nostri Redemptoris opera, quae ex semetipsis comprehendere nequaquam possunt, ex alia ejus operatione pensanda sunt, ut rebus mirabilibus fidem praebeant facta mirabiliora. Illud enim Corpus Domini intravit ad discipulos januis clausis, quod videlicet ad humanos oculos per nativitatem suam clauso exiit utero Virginis. Quid ergo mirum, si clausis januis post resurrectionem suam in aeternum jam victurus intravit, qui moriturus veniens non aperto utero Virginis exiit? Sed quia ad illud corpus, quod videri poterat, fides intuentium dubitabat, ostendit eis protinus manus & latus, palpandam carnem praebuit, quam clausis januis introduxit. Quae in re*
duo

duo mira, & juxta humanam rationem sibi valde contraria ostendit, dum post resurrectionem suam Corpus suum & incorruptibile, & tamen palpabile demonstravit. Nam & corrumpi necesse est quod palpatur, & palpari non potest quod non corrumpitur. Sed miro modo atque inestimabili Redemptor noster & incorruptibile post resurrectionem, & palpabile corpus exhibuit, ut monstrando incorruptibile invitaret ad primum, & prabendo palpabile firmaret ad fidem, & incorruptibilem se ergo, & palpabilem demonstravit, ut profecto esse post resurrectionem ostenderet corpus suum & ejusdem naturæ, & alterius gloriæ,

Ex quibus verbis dubitari nequit, existimatum fuisse a Gregorio palpabile simul, & inpalpabile Corpus Christi, eadem remanente naturæ, diverso tamen statu esse posse. Jam vero in Eucharistia Christi Corpus talis est naturæ, ut ipsum per se sensus pellere queat, sed idcirco non pellit, quia Christus sui corporis actionem in nostros sensus impedit, unde quamvis substantia panis non sit, perinde tamen movet ac si foret, ita ut nobis panem, & vinum tangere, olfacere, gustare, & videre videamur. Redditur etiam Corpus Christi proxime inpalpabile, atque invisibile, tametsi utramque potentiam utpote necessariam, in statu saltem remoto, quemadmodum schola nostra loquitur, retineat. Ex quibus

bus omnibus concludi potest quam infirma conclusione sit usus Adversarius noster, cum ex eo quod Gregorius corpus omne palpabile esse, & visibile putaret, S. Doctori realem Corporis Christi in Eucharistico Sacramento præsentiam non fuisse perspectam intulit; neque mirandum ab humana natura hujusmodi existentiae nullum aliud suppeditari exemplum, nec humano captu illam clare percipi posse. Imo vero mirandum esset, si mens humana, utpote finita, corporeis alligata, atque obvoluta sensibus cælestia hæc intelligeret mysteria, quorum potissima est proprietas, ut abscondita sint atque impervia. Illud nobis sufficere debet ostendisse, naturæ legibus haud esse contrariam & pro certo habere a Deo posse hæc fieri. *Qui enim dixit in principio fiat Lux, & facta est lux de nihilo, non potuit dicendo de pane, Hoc est Corpus meum, & fieri efficere? Et qui tacita virtute, aquam vertit in vinum non efficacius poterat (si quid tamen efficacius de Deo dici debet) sonante vocaliter eadem virtute, vinum ipsum in sanguinem suum transferre? Ita egregie argumentabitur adversus Calvinistici erroris protoparentem Berengarium illius in Academia Carnotensi Collectaneus Adelmannus Brixienſis Episcopus in præclarissima Epistola^a quam* sub

sub illius hæreseos, initia ut ab eadem Amicum revocaret, conscripsit, quamque doctissimis notis a Cl. Canonico Galeardo illustratam recudi fecit in Veterum Brixianæ Ecclesiæ Patrum collectione doctrina ac pietate vere Eminentissimus Episcopus noster Angelus Maria Quirinus S. R. E. Cardinalis.

Neque novum accidere debet Oudino ut quoquo modo *mysteriorum paradisum*, quemadmodum a S. Proclo Constantinopolitano Patriarcha coena Eucharistica appellatur^a, exponeremus, ad miraculum nos confugisse. Nonne & ipsi Calvinistæ maximum agnoscunt miraculum? Latere profecto non poterat Oudinum authores Calvinisticæ confessionis in articulo trigesimo sexto confessos fuisse: *Mysterium Eucharistiæ altitudine sua omnem sensum supergredi, omnem naturæ ordinem superare, uno verbo esse caeleste, neque nisi per fidem apprehendi posse.*

XLIV. Secundum momentum desumit Oudinus ex responsione ad decimam Augustini Anglorum Apostoli interrogationem, ubi noster cum ingressu in Ecclesiam Eucharisticam sumptionem æquiparare videtur: *Vir, ait Gregorius, qui post commixtionem conjugis lotus fuerit aqua etiam sacrum communio-*
nis

^a Oratione x. pag. 351. cit. edit. Rom.

nis mysterium valet accipere, cum ei juxta præfinitam sententiam Ecclesiam etiam licuerit intrare. epist. VI. lib. XI. ^a Ergo non credebatur Gregorius Magnus Christi Corpus, & sanguinem vere, & substantialiter contineri in Sacramento Eucharistiæ, sed tantum virtute, figura, & signo, alioquin longe majus aliquid fuisset percipere Corpus, & Sanguinem Domini; quam Ecclesiam intrandi licentiam habuisse. Sane Pontificii hodierni, qui a mente veterum Romanorum, & Gregorii circa Eucharistiæ Sacramentum recesserunt longe aliquid esse sanctius ac sacratius censent, ad Christi Corporis, & Sanguinis perceptionem accedere, quam ipsis licere Ecclesiam ingredi; quia nempe Christi Corpus, & Sanguinem vere, & in essentia contineri, & sibi dari opinantur.

Quantum contineat ponderis Oudiniana consecutio, vel me tacente, intellecturus est lector, quasi non eadem a Gregorio, ac a nostris Theologis requireretur mentis puritas mystice licet, & solum virtute, non autem realiter docerent Corpus accipi, Sanguinemque Christi. Quamobrem nihil tale, quod conjecit Oudinus, rite fuit ex illo Gregorii loco, quem mihi consideranti illa venit in mentem vetus consuetudo, qua aliquibus in locis nonnisi Eucharistico cibo accedere paratis.

ratis licitum erat sacris interesse : *juxta antiquos Patres*, affirmat Microlus ^a *soli communicantes divinis mysteriis interesse consueverunt*, cui & Durandus consonat duodecimi sæculi auctor, Rationalis Divinorum Offic. lib. IV. cap. LIII. his verbis : *In primitiva Ecclesia omnes, qui celebrationi Missarum intererant, singulis diebus communicare solebant* : quam consuetudinem sæculo etiam decimo quinto apud Ethiopicos obtinuisse legere est in probato de rebus Abyssinis libello lib. I. cap. xxxv. ab erudito Jesuita Nicolao Godigno publici juris facto. Hanc ipsam præ oculis habuisse, quam in nova Anglicana Ecclesia plantare fortasse desiderabat, mihi videtur Gregorius videre in illis verbis *juxta præfinitam sententiam*, qua nimirum erat definitum, ut his dumtaxat, quibus & sacram sumere synaxim permittebatur, Ecclesiam ingredi liceret, & ideo jungit Gregorius eodem loci hæc duo de ingressu Ecclesiæ, & de sumendo Corporis Dominici, Sanguinisque mysterio ; quod utrumque permittit illi, qui sua conjuge utitur non cupidine voluptatis captus, sed solummodo liberorum creandorum gratia loc. cit. pag. 1161.

Quoniam vero ex Augustini interrogatione,

^a Cap. v. de sacris institutionibus. Quis vero fuerit genuinus illius Operis auctor, quem sæculo XI. floruisse constat, non est hujus loci disquisitio.

tione, & Gregorii responsione de superstitionis vitio ansam arripit nostrum criminandi, nobis quoque a superstitionis crimine temere impacto vindicare incumbit. Hoc autem dilemmate objectionem conclusit ipse: *Vel commercium viri cum uxore peccatum est, vel non. Si primum: an lotio ipsa corporea per aquam peccatum ablueret Sacramenti instar poterit? Si non, ut constat, cur inde vir, qui mulieri sua cohabitavit, ab Ecclesia ingressu, vel Corporis Christi, & Sanguinis communionem arcetur, nisi antea lotus aqua fuerit?* Haftenus Oudinus.

Primo respondetur, juxta ipsius Oudini mentem, nullum esse peccatum, neque illam ablutionem fuisse instar Sacramenti peccati maculam abstergentis. Sed liceat & mihi hominem sic compellare: Mulierem tangere vel malum est vel bonum: si malum, cur permittuntur conjugia? Cur dicit Apostolus conjugatis: *Nolite fraudare invicem, nisi forte ad tempus ex consensu?* (prima Corinth. v. 7.) Sin bonum, cur ab eodem affirmatum est Apostolo: *Bonum est homini mulierem non tangere?* Sed utrumque bonum esse credo, si adhuc viveret responsurum adversarium; cur ita? quia sunt multa, quæ etsi non mala, aliquando tamen ad tempus non permittenda. Nonne & ab Achimelech Sacerdote Davidi fugienti di-

dictum fuit primo Regum cap. XXI. *Si mundi sunt pueri ab uxoribus*, cui ille respondit ab heri, & nudius tertius. Nonne & populus omnis ad montem Sina accessurus, & Dei auditurus eloquium jussus est tribus diebus ab uxoribus abstinere? *Exod. 3.* Nonne panes propositionis, quasi corpus Christi, ut ait S. Hieronymus *lib. adv. Jovinian. primo num. 20.* de uxorum cubilibus conjungentes edere non poterant? Nonne summus ipse sacerdos ante diem expiationum diebus septem a domo sua seclusus tenebatur, idque juxta Moſis traditionem teste Maimonide *cap. 1. de die expiationum*^b, ut per universos hos dies segregaretur ab uxore sua? Quid plura? quis est in historia ita peregrinus, ut ignoret ethnicis ipsis solemne fuisse, ut aliquot diebus ante sacrificia ab uxoris concubitu omni abstinerent? In nova autem lege quid frequentius, potissimum in veteribus Patribus, qui per tria illa vixere felicissima secula, quibus immaculatam fuisse custoditam Christi, Apostolorumque doctrinam, & disciplinam? Reformati ipsi profitentur, invenire est exhortatione illa, qua Christi fideles recur-

I

rente

^a Tom. II. pag. 269. cit. edit.

^b Tom. II. pag. 31. *sacrarum antiquitatum, quæ ab eximio viro Blasio Ugollino Venetiæ in lucem emittuntur.*

rente nostræ fidei memoria præcipuorum mysteriorum, & ab uxorum commercio temperaret suadebantur rogabanturque. Quamobrem non ea Gregorii erat opinio, qua existimaret conjugum immixtionem peccato esse foedatam, sed quia animos per illam in terris nimium defigi ex Patrum assertionem comperit habebat, iccirco ab illa nonnullis annis diebus revocare studebat suos Anglos, ut mens voluptatibus hisce, quæ conjugatis etsi licitæ, a rerum tamen divinarum contemplatione nimium avocare solent, minime obvoluptior divina celebraret mysteria. Quod verò additur de corporis ablutione solvitur responsione tam facili omnibusque trita, ut in illius confutatione vel unum insumere verbum nos pudeat. Satis erit cum Hieronymo advertere ad munditiam Corporis Christi omnem coitum immundum esse. Epiphonemati autem huic, quo objectioni finem imponit Oudinus *absardis interrogatis, & superstitiosis, absurda, ac superstitiosa Gregorii responsio adjuncta est*, responderemus nisi a quavis mordacitate abstinere propositum nobis esset. *Absurdus Oudini objectionibus, & superstitiosis interrogatis absurda, ac superstitiosa ejusdem consequentia adjuncta sunt.*

LI. III. Nova quædam commovet Oudinus ex facto illo, petita quod recenset noster, atque

atque approbat *Dialog. lib. II. cap. XXIV.* ubi sic narrat Gregorius : *Quadam quoque die dum quidam ejus puerulus monachus parentes suos ultra quam deberet diligens , atque ad eorum habitaculum tendens sine benedictione de Monasterio exiisset , eodem die mox , ut ad eos pervenit , defunctus est : Cumque esset sepultus , die altero projectum foras corpus ejus inventum est , quod rursus tradere sepultura curaverunt : Sed sequenti die iterum projectum exterius , atque inhumatum sicut prius invenerunt . Tunc concite ad Benedicti Patris vestigia currentes cum magno fletu petierunt , ut ei suam gratiam largiri dignaretur . Quibus vir Dei manu sua protinus communionem Domini corporis dedit dicens : Ite , atque hoc Dominicum corpus super pectus ejus cum magna reverentia ponite , & sic sepultura eum tradite .* Tria Oudinus hac ex narratione extrahit tela , quibus dogma Catholicum adoriatur . Primum est ne ab ipsis quidem Romanis Theologis doceri , reale Christi Corpus tunc temporis supra mortuorum corpora positum fuisse unaque cum illis sepulturae traditum , utpote quod fuisset sceleratissimum facinus : *An velent , sunt hæc Oudini verba , tunc temporis supra triduanum mortui jam hominis cadaver Eucharistiam suam ponere , atque cum ea iterum cadaver sepulchro committere ? Nemo non , opinor , hoc factum sceleratissimum clamaret .*

crareturque. Secundo vel Benedictum Abbatem, qui hoc fecit, vel Gregorium, qui factum referendo, & miraculis confirmando approbavit, impium fuisse, vel impios ambos. Tertio, quod nunc solis sacerdotibus conceditur, olim Benedictum simplicem Monachum nec sacerdotem, nec diaconum fecisse, & laicis præbuisse, ut cada veri Monachi sui apponerent, & appositum Sacramentum cum cadavere terræ mandarent, quia putatum fuit atque creditum priscis Ecclesiæ temporibus virtute sola, & efficacia Christum in Sacramento, velut in signo contineri.

LII. At facilis est ab omnibus hisce telis evasio. Dicimus itaque primo nullum eo in ritu a maioribus nostris patratum fuisse scelus, esto putassent, uti reipsa putabant, firmiterque credebant Corporis Christi realitatem. Hinc dicimus secundo, nec Benedictum, nec Gregorium alterum imperando, alterum approbando hocce factum, impios fuisse, quandoquidem consuetudinem secuti sunt ab optimis quibuscumque sanctissimis viris, & potissimum Episcopis cum Orientis, tum Occidentis usurpatam: ex veterum enim monumentorum lectione compertum habemus eos, qui in Ecclesiæ pace quievissent jus habuisse communionis, quam ante eorum obitum aliqua

qua de causa sumere non poterant recuperanda, quam consuetudinem si negaret Oudin-
 nus, eum mitteremus ad socialem suum Calvi-
 nistam Gasparem Svizzerum, qui in suo The-
 sauro Ecclesiastico * (tom. 11. pag. 1142.) Ver-
 bo Σύναξις Mortuis, inquit, datam, & una
 cum iis in primitiva Ecclesia sepultam fuisse Eu-
 charistiam exemplis, & testimoniis probari potest.
 Porro ex hoc eodem ritu, quo in ipsomet
 aliquando cadaveris os, imponebatur sacra
 coena, qui postea iustis de causis a Conciliis
 Chartag. 3. cap. 111. a Trullano can. 83. atque ab
 aliis prohibitus fuit, non spirituales tan-
 tum, sed & realem existimatam fuisse a vete-
 ribus illis Christi praesentiam mihi videor non
 obscure elici posse; quod enim spirituale est
 in os plane immitti nequit. Sed quid attinet
 de re tam aperta conjecturis inniti, cum lu-
 culentissimum habeamus, etsi Romanae Eccle-
 siae infestissimum, duodecimi seculi testem? Zo-
 naras is est, qui in notis ad eundem Trulla-
 num Canonem per Antonium Salmasium Col-
 legii Ambrosiani Doctorem de Graeco in La-
 tinum translatis: *Antiqua*, inquit, *consuetu-*
dinis fuit corpus, & sanguinem Domini mortuo-
rum corporibus impertiri. Dicimus tertio, nul-
 lam contra nos praesferre vim adversarii ar-
 gumentationem: esto enim daremus conso-

num haud fuisse majestati divinæ, reale ut Christi corpus laicali manu tractaretur, quæ sane iusta quidem de causa vetitus postea fuit ab Ecclesia hujusmodi ritus; ergo ne hac ex indulgentia rite consequeretur figurative, dumtaxat ac mystice sacratissimam Christi carnem in Eucharistia contineri, mentem fuisse Benedicto, Gregorio, aliisque Patribus, a quibus id consuetudinis frequentatum fuisse nullus reliquus est dubitandi locus? Imo vero ne conjectura quidem dici hoc potest, nisi fortasse ab iis, quibus *res obsoleta*, quemadmodum scite observabat supra laudatus eximius noster Vener. Card. Thomasius in aurea sua præfat. ad Responsorialia, & Antiphonaria^a, *nostros dumtaxat mores conspèctantibus difficilior aliquando suadetur.*

LIII. IV. Adversarii probatio & ultima desumpta est *Dial. lib. IV. cap. XV.* ubi Gregorius refert mulierem quandam nomine Romulam, sub mortis tempus ab alia quadam foemina nomine Redempta, quæ ipsi morum magistra erat, viaticum idest Eucharistiam accepisse, & illico obiisse. Ex quo repugnantiam eandem, ac tertio loco objecerat, intulit Adversarius: *Quis vero concesserit, ita ipse argumentatur, fas fuisse foemina alteri mulieri Eucharistiam tradere, si tunc creditum fuisset eam ipsummet Domini gloriosum*

riofum corpus esse? Verum tempore, quo nihil secundum Deum pretiosius, ab utentium notam incurrere timeremus, si pauxillum licet in tam facili diluenda immoraremur difficultate, cui in idem cum recidat ac supra objectum fuit, eadem accomodari possunt, quæ retro sunt a nobis commemorata.

LIV. Notam vero illam profecto non timemus, locum heic exscribendo, licet prolixum, quemque supra polliciti sumus, ex quo divino sane consilio factum est, ut clarissima, plane perspicua, nec indubitanda indicia, Gregorii doctrinam perfectissime cum Romano dogmate convenire elucescant.

Locus est in eodem Dialog. opere, ex quo Oudinus in primis gloriatur ostendere Gregorium, ad Eucharistiam quod attinet, Romano dogmati contrarium prorsus esse, & Calvinistis favere, atque sic se habet: *Debemus itaque præsens seculum, vel quia jam conspiciamus defluxisse, tota mente contemnere quotidiana Deo lachrymarum sacrificia, quotidianas carnis ejus, & sanguinis hostias immolare. Hec namque singulariter victima ab æterno interitu animam salvat, quæ illam nobis mortem Unigeniti per mysterium reparat, qui licet resurgens a mortuis jam non moritur, & mors ei ultro non dominabitur, tamen in semetipso immortaliter, atque incorruptibiliter vivens, pro nobis iterum in hoc mysterio*

sacra oblationis immolatur. Ejus quippe ibi corpus sumitur, in ora fidelium funditur. Hinc ergo pensemus, quale sit pro nobis hoc sacrificium, quod pro absolutione nostra Passionem Unigeniti Filii semper imitatur. Quis enim fidelium habere dubium possit, in ipsa immolationis hora ad sacerdotis vocem calos aperiri, in illo Jesu Christi mysterio Angelorum choros adesse, summis ima sociari, terrena coelestibus jungi, unumque ex visibilibus, atque invisibilibus fieri? Hactenus Greg. lib. IV. Dial. cap. LVIII.

Ex hujus loci claritate cognoscere quisque potest, quid fuerit in causa, cur omissus fuerit ab Adversario, etsi relatus a Maurinis in ipsa Gregorianæ editionis præfatione Generali, quæ duo de viginti annis antequam in lucem prodiiisset primus Oudiniani Commentarii Tomus, edita fuerat. Intelligant etiam tandem aliquando Protestantes, quæ fide, quo studio, quæ diligentia agere soleant, Romanæque Communionis argumenta proponere illi ipsi, quos ipsi *Ministros*, *Magistros* nempe appellant. Illud enim quod ab Oudino circa Gregorii doctrinam factum esse meridiana luce clarius patet, ab aliis quoque eorum doctoribus ferme omnibus factitatum esse pro certo habeant, & nos, testamur Deum, quia non mentimur, ferme innumera in eandem rem, si laboris, quem suscipimus

ratio

ratio pateretur, nulli dubitationi subiecta, in medium proferremus exempla. Videant insuper vel ex hoc uno capite, si vera loquutus sit Oudinus, dum eodem hoc loco scripserat: *Pontificios, seu Papistas, a seculo potissimum XI. suam sententiam de vero, ac essentiali corpore, ac sanguine Christi in Eucharistia amplectatos esse.* Dogma sane Pontificium illud omnino est, quod ab omnibus vere Orthodoxis, quod semper, quod ubique creditum fuit, postquam a Christo in illius Sacramenti institutione verba hæc fuere prolata: *Hoc est Corpus meum. Hic est Sanguis meus.* Adversus hoc Sacramentum pietatis, signum unitatis, vinculum charitatis latrarunt quidem Berengariani, Lutherani, Calvinistæ, Zuingliani, aliique Reformatores; sed tantam, ac splendidam lucem laudata Christi emittunt verba, tam apertum præsentiae realis sensum una cum panis & vini transubstantiatione menti obiiciunt, varias ut inter sese maleque cohærentes, atque oppositas distracti opiniones labefactare nulla ratione potuerint Adversarii: quod nisi a Theologis nostris ostensum fuisset quamplurimis, iisque insuperabilibus momentis, vel facili negotio egomet ostenderem. Sed de Gregorii mente, ad Eucharisticum quod attinet Sacramentum, fortasse nimis. Si quis autem Oudinus alter ea, quæ dicta

dicta sunt labefactare tentaverit, facile etiam tacentibus nobis, veritas sese defendet.

C A P U T V I I I.

*An Catholicus Purgatorius novum sit
Inventum Gregorii Magni.*

LV. **Q**uintum Oudinianæ Dissertationis caput hunc præsefert Titulum: *De Purgatorio, quod Inventum a Gregorio Magno in Dialogis novum dicitur.* Ne vero ipsi obicerentur ii Patres, qui ante Gregorium Magnum Purgatorii doctrinam tradidere duplicem statim velut ejusdem epocam distinguit: primam repetit ex SS. Cæsario, Augustino, Ambrosio, Hilario, quibus nihil aliud visum fuisse Purgatorium docet, quam ignem quemdam prævenientem ultimi judicii diem: quoque igne non tantum reprobi, sed & ipsi electi, & Sancti, imo Martyres, & B. ipsa Virgo Maria probabuntur, atque examinabuntur; cujus vi, ac potentia boni a malis scilicet discernentur, optimique a mediis, & si quid sanctis ipsis, ac Martyribus vitii ex antea in terris vita inolitum, ac concretum adhaeserit, id statim purgatrice flamma consumtum iri; quamque purgationem a peccatis minutis eosdem intellexisse affirmat. Hoc Purgatorii genus nullum dicit habere secta-

sectatorem, sive apud suos, sive apud nostros; quandoquidem Purgatorium Romanum recens est animarum (purgationem) corpore solutarum, antequam ultima judicii dies adventet, imo post ultimam singularis cujusque judicii diem; istud vetus, est illarum ad ipsum judicii ultimi diem, postquam corpora sua resumpserint. Romanum recens cum ultimo judicio destruendum; istud cum illo incipiendum. Romanum pro solis animabus, qua (quæ) corpora non habent constitutum; istud animarum, & corporum simul. Romanum recens solis Fidelibus poenæ temporali adhuc obnoxii; istud vetus omnium etiam Sanctorum commune est, per quod, & Maria Virgo, & Petrus Apostolorum Princeps, & Joannes Baptista purgabuntur ex sensu veterum. Quibus positis quærendum esse, ait, quis hujus novi Purgatorii inventor sit? Atque cum Dalleo Gregorium I. seu magnum hujus Romani recentis Purgatorii inventorem fuisse dicimus, quod nondum extabat temporibus S. Cesarii Arelatensis Archiepiscopi, ut ante probavimus. In medium deinde profert auctoritates, rationesque aliquot, quibus suam de Purgatorio doctrinam confirmaverat Gregorius. Tandem in ipsismet Gregorianis argumentis duas insignes contradictiones sibi videtur videre. Harum prima est, dum statuit, definitque Purgatorium suum levium dumtaxat peccatorum expurgativum

gativum esse, nec ad majora extendi *lib. iv. Dialog. cap. xxxix.* At *cap. xxxx.* animam Paschafilii Diaconi S. R. E. gravissimo schismatis crimine maculatam in Purgatorio tamen colatam vult immemor eorum, quæ *cap. xxxix.* dixerat. Secunda circa ignem Purgatorii, vel Inferni animas cruciantis, an corporeus, vel incorporeus ille sit, atque libro quidem Dialogorum *iv. cap. xxix.* censet ignem esse corporeum; iis autem contrarium statuit *lib. xv. Moraliū cap. xiv.*

Antequam tenebras istas veritatis sole fugemus, dissimulandum non est, Purgatorii locum unum ex illis esse, qui extortis Protestantibus in controversiam longe difficilem venere, teste Georgio Cortesio Benedectino, & S. Romanæ Ecclesiæ Cardinali ^a. Propterea quod, mea quidem sententia, ante id temporis res non fuerat adeo expedita, utpote non satis diligenter pertractata, unde una omnium maxime illo perturbatissimo tempore ab Ecclesiæ hostibus oppugnata, ut loquitur Sadoletus in *epist. ad citatum Cortesium.*

^a Sunt hæc Cortesii verba in epistola ad Cardinalem Sadoletum *Tom. xi. p. 98. Opp. Sadol. Veronæ 1738. Intellexi maxime obscurum locum (Purgatorium) & a nullo antea satis diligenter tractatum, & nescio an omnium, qui nunc præcipue in controversiam venere, longe difficillimum.*

tesium^a. At Orthodoxæ fidei (quod iterum observasse non pigebit) utilitatem hanc imprudens attulit nova Protestantium opinandi ratio , ut quæ implicitis vocibus credenda Fidelibus proponebantur , clarioribus postea terminis proposita sint ; non quod una , eademque semper non fuerit fides , sed quia non eadem sub Fidei initia fuerit clarificandorum Dogmatum , sive necessitas , sive oportunitas , cum , & de Fidei rebus verum sit illud S. Epiphanii hæc. 75. n. v.^a *Nulla res est , quæ ab initio suis omnibus numeris absoluta fuerit ; sed procedente demum tempore sua opportunitatibus omnibus ad perfectionem accessio contingit .* Factum hinc est , ut Purgatorii causa olim potius tacta , quam disputata , a Theologis postea nostris ita clare , ita fortiter sit perorata , ut ab illo dumtaxat in dubium revocetur , qui in summa luce de industria cœcutire velit .

LVII. Quid enim magis à veritate abhorret , quam hominis nostri de Romano Purgatorio a Gregorio Magno excogitato propositio ? Non ne unus Veterum hæreseon Elenchus a S. Epiphanio conflatus erroris eum arguit ? Sanctus quippe Epiphanius , qui ducentis , & amplius annis Gregorium præiverat eo quoque nomine Aerium inter hæreticorum

^a Loc. cit. p. 96. ^b Tem. I. pag. 95. Parisiis 1622.

corum numerum recensuit ; quod negaret appellanda esse mortuorum nomina, quia inquietabat Aerius : Si superstitum preces iis, qui ex hac vita discesserint opitulari possent, nemo pie deinceps agat aliquod, nec boni quicquam faciat, sed amicos sibi aliquos quacumque ratione velit adjungat, sive pecuniarum largitione, sive precibus hoc ab illis sub vita finem impetret, ut pro se Deum exorent, ut ne illic aliquid incommodi patiatur, nec immanium a se facinorum poena repetantur. Qua ratione egregie ita sequitur S. Pater : *Necessario facere illud Ecclesiam dico, qua traditum sibi ritum illum a majoribus acceperit. Potest vero quisquam maternam, aut legem Patris evertere? Quemadmodum a Salomone scriptum est: Audi, Fili, sermones Patris tui, & ne repellas matris tuae; Quibus Patrem, hoc est unigenitum Deum, cum Spiritu Sancto declarat partim scripto, partim sine scripto docuisse: matrem vero nostram Ecclesiam decreta quadam habere penes se, quae dissolvi evertique nequeunt. Quae quidem cum in Ecclesia constituta sint, praeclara quidem, ac penitus admiranda ex hoc ipso capite veterator ille convincitur. Patris, inquam, nostri fuisse hanc de Purgatorio sanctionem praeter Epiphanium testatur Tertullianus secundi seculi Auctor, qui de exhortatione cap. xi. de Monogamia cap. x, de corona militis cap. i ii. illius ritus non tunc invec-*
ti, sed

sed semper adhibiti apertissimam habet mentionem, & de quo ita quarto de corona capite loquitur : *Si legem expostules Scripturarum , nullam invenies, traditio tibi prætendetur Auctrix, consuetudo conservatrix , Fides observatrix* : Consuetudinem autem illam , quæ semper in Ecclesia viguit , cujus nullum figi potest initium , utpote nullo , sive Concilii , sive Pontificis decreto sancitam ab Apostolis derivatam , clamant Patres , validissima persuadetur ratione : *Quod universa tenet Ecclesia , Augustini sunt, atque omnibus probata verba lib. de Baptismate IV. cont. Donat. cap. XXIV. & ep. I. §. II. nec a conciliis institutum , sed semper retentum est, nonnisi auctoritate Apostolica traditum rectissime creditur* . Illud autem quod Apostolica traditione nobis est consignatum ab ipsiusmet Christi verbis , aut factis initium habuisse constanter tenuere Patres trium etiam priorum seculorum , quibus caste fuisse custoditam Christi doctrinam ipsi e Protestantibus peritiores concedunt hac persuasi Tertulliani regula : *Ecclesia accepit ab Apostolis , Apostoli a Christo , Christus a Deo* .

LVIII. Porro ante Gregorium Magnum consuetudinem fuisse in Ecclesia tum Græca , tum Latina orationes pro mortuis fundendi , oblationesque offerendi, non est cur ego præter superius dicta evincam ; propterea quod
sexcen-

sexcenti, & amplius Romanæ Communionis Theologi id copiosissime præstiterè, unde eadem scribere loca hominis esset otio abutentis. Duo tamen ab iisdem vero animadverti in medium adducere placet, quorum alterum est S. Ephrem Syri, quem & ipsi Protestantes magnis laudibus extollunt: *Ne cum aromatibus, quaeso, me sepeliatis*, (ita se ipsum in ultima sua voluntate suis fratribus commendabat) *at date saporitatem fumi boni odoris in domo Domini, & me orationibus potius vestris comitamini, & aromata Deo offerite . . . comitamini me in psalmis atque orationibus vestris, & assidue pro mea parvitate sacrificia, & oblationes facere dignemini, & quando diem 30. complevero, mei memoriam faciatis. Mortui enim in precationibus, atque oblationibus commemorationis Sanctorum viventium beneficio afficiuntur*^a. Locum alterum suppeditat vetus tum officium quadragesimale Græcæ Ecclesiæ a supra laudato Cardinali Angelo Maria Quirino vere Eminentissimo publici juris factum, ubi inter alia ad pag. 9.^b *Hæc sequuntur peragentes, Domine hodie commemorationem quorumvis a seculo pie defunctorum, ad te enim clamamus, fac ut cum sanctis tuis omnes quiescant. Sed præstat Calvinum, cujus castra sequi videtur Oudin,*

^a Tom. I. G. L. pag. 237. Romæ 1743.

^b Tom. I. E. Rom. pag. 1721.

dinus, audire; hic in 3. instit. Christiana Religionis lib. cap. v. num. 10. Ipsi etiam veteres, inquit, qui preces fundebant pro mortuis, & mandato Dei, & legitimo exemplo hic se destitutos videbant: cur ergo audebant, in eo dico aliquid humani passos esse, & paulo post votum Augustini pro matre defuncta vocat anile votum, quod filius non exegit ad normam scripturæ. Johannes Forbesius cap. x. lib. xiii. instructionum historico Theologicarum^b, hunc fecit titulum: utrum probanda vel imitanda sit, necne illa veterum consuetudo orandi, & offerendi, & eleemosynas faciendi pro mortuis: numero autem secundo ita scribit, eam Tertullianus lib. de Corona militis c. vii. & Epiphanius heresi 35. & Augustinus ser. 32. de verbis Apostoli, & Dionysius lib. de Ecclesiast. Hierarch. cap. ult. de Traditionibus Patrum retulerut. Deinde num. scilicet 7. ita sequitur: Hæc utcumque in veteribus excuset humana erga defunctos benevolentia, & pia fidem spemque suam testificandi, & superstites ad honestam optimorum imitationem estimulandi intentio: attamen, quantum ad precationem pro eorum requie, & remissione, non est nobis tantum veteres imitari. Sed clarius in rem nostram fuerat loquutus sub finem tertii capitis ejusdem libri in hæc verba pag. 675. Hujusmodi autem Purgatorii, quale

K tuen-

^a Pag. 226. Genevæ 1637.

^b Pag. 696. Genevæ ann. 1700.

tuentur Romanenses, suspicio quadam incessit quorundam animis paulo post annum Domini 400.; citatus quoque Svicerus, nostra de Purgatorio exposita doctrina, hæc habet^a: Tale Purgatorium vel non multum absimile in Ecclesiam primitus irrepere coepit tempore Augustini, an ipsius, an alius culpa non satis certum est.

Verum quidem est Calvinum, Forberium, aliosque Protestantes contendere, veteres in hoc imitandos non esse cum sint destituti sacræ Scripturæ auctoritate, sed nobis (quoniam nihil impræsentiarum de Purgatorii existentia disputare volumus, nam hæc quæstio ab ea, quam nunc præ manibus habemus, & commodè separari potest, & fuit copiosissime a nostris disputata) satis est ostendisse eam Romanæ Ecclesiæ de Purgatorio doctrinam non fuisse a Gregorio Magno omnium primo excogitatam, quod perperam, contraque historiæ veritatem, Protestantiumque Theologorum confessionem, objiciebat Oudinus.

LVII. At enim, si quis Purgatorius ignis ante Gregorium cognitus non in eum finem conditus putabatur, quod Gregorius tribuebat, sed in illum prope diversum, quemque sub capitis initium recensuimus: cui objectioni occurrimus eadem confidentia rejiciendo,

do, quam Adversarius opposuit duplicis hujus Purgatorii distinctionem; licet enim Cæsarii, Augustini, Ambrosii, atque Hilarii loca, in quæ velut in portum una cum suis confugit Oudinus, id evincerent, quod Adversarius contendit (quæ de re nihil propositionem nostram infirmante disputare modo nolumus) nihilo tamen minus Catholicam de Purgatorio doctrinam ne leviter quidem imminueret; quippe non quod unus, aut alter, licet vir fuerit doctus, & pius, licet Episcopus, & Martyr litteris consignavit, sed quod universa Ecclesia aut per orbem dispersa, aut in Concilium collecta credendum proposuit, illud credere debemus ac profiteri. Porro Ecclesiam pro Defunctorum animabus orasse, annisque dormitionis diebus obtulisse, liquet apertissime ex testimoniis Tertulliani, Cypriani, Augustini, Epiphani, Cyrilli Hierosolymitani, aliorumque Patrum non solum a nostris, verum etiam ab Adversariis uberrime descriptis. Hoc unum dumtaxat bonum esse atque utile Tridentina Synodus definit: *Cum Catholica Ecclesia Spiritu Sancto edocta ex sacris litteris, & antiqua Patrum traditione in sacris Conciliis, & novissime in hac OEcumenica synodo docuerit, Purgatorium esse, animasque ibi detentas fidelium suffragiis, potissimum vero acceptabili Altaris sacrificio juvari;*

præcipit S. Synodus Episcopis , ut sanam de Purgatorio doctrinam a sanctis Patribus , & sacris Conciliis traditam , a Christi fidelibus credi , teneri , doceri , & ubique prædicari diligenter studeant . Tale est de Purgatorio decretum sess. 25. sancitum , cum prius sess. scilicet 6. can. 30. doctrinæ hujus velut fundamentum posuisset hoc anathema : Si quis post acceptam justificationis gratiam cuilibet peccatori poenitentis culpam ita remitti , & reatum æternæ poenæ deleri dixerit , ut nullus remaneat reatus poenæ temporalis exsolvendæ vel in hoc seculo , vel in futuro in Purgatorio , antequam ad regna Cælorum aditus patere possit , anathema sit . In idem recidit catechismi Romani doctrina , quam iidem Tridentini Patres conscribi fecerunt : Ut certam aliquam formulam , & rationem Christiani populi in ipsis fidei rudimentis instituendi traderent , quam in omnibus Ecclesiis illi sequerentur , quibus legitimi Pastoris , & Doctores munus obeundum esset . De Purgatorio igitur hæc solum extant verba cap. 111. num. 3. Præterea est Purgatorius ignis , quo piorum animæ ad definitum tempus cruciatur expiantur , ut eis in æternam patriam ingressus patere possit , in quam nihil coinquinatum ingreditur . Præter hæc nihil aliud fuisse a Concilio definitum , observavit etiam Benignus Bossuet Meldensis Episcopus in probatissima Doctrinæ Christi-

Christianæ explicatione ad *sess.* 25. „ C'est ,
 „ ce , *sunt hac illius verba* * , que le concile
 „ de Trente nous propose a croire touchant
 „ les ames detenues dans le Purgatoire sans
 „ determiner en quoy consistent leurs pei-
 „ nes , ni beaucoup d'autres choses sembla-
 „ bles , sur les quelles ce saint Concile de-
 „ mande une grande retenue , blamant ceux ,
 „ qui debitent ce qui est incertain & su-
 „ spect ,. Quapropter , si quæ sint a Græ-
 cis , Latinisque Scriptoribus de loci , poena-
 rum , personarumque circumstantiis opinio-
 nes excogitatæ , litterisque mandatæ , possunt
 salva fide , qua Christiani sumus , in utram-
 que partem versari , utpote credenda de fide
 non sint proposita ab Ecclesia , cujus maxime
 commendanda prudentia , quæ a rebus in-
 certis , neque a Deo revelatis assensum co-
 hibuit .

Ut igitur eo redeat , unde discessit ora-
 tio , rem totam paucis sub oculos ita poni-
 mus. Gregorius putavit, animas corpore exu-
 tas gravi crimine immunes , aliqua tamen
 peccati fuligine maculatas Purgatoriiis pœ-
 nis torqueri , easque precibus Deo oblatis
 posse sublevari ; summa doctrinæ hujus opti-
 me cum illa veteris , recentisque Ecclesiæ
 congruit ; Gregorius ergo non omnium pri-

K. 3

mus

mus doctrinam hanc excogitavit, quod mihi sumptis præfenti capite probandum.

LVIII. In contradictoria vero lapsum fuisse fidenter negamus, atque illud argumentum, quod est primo loco ab Adversario positum non est difficile refutare. Concedimus, Paschasium partibus favisse Laurentii Archidiaconi an. 498. in summum Pontificem electi ope Festi Senatoris Romani, & paucorum aliquot, cum e contrario magna Cleri Populique frequentia eadem insignitus fuisset dignitate Symmacus Fortunati filius, unde secundum ipsum æquam, licet Arrianus, tulerat sententiam Ravennæ degens Theodoricus Italiæ Rex, ad quem causa tota delata fuit, quod ex Odoacris lege non deberet Pontifex creari sine consensu Regis Italiæ^a. Verum quoque est, Paschasium in sua sententia usque ad diem obitus perstitisse, ideoque in poenali loco fuisse deputatum: at foedo schismatis crimine laborasse, quod Regis sententiæ noluerit accedere, res non adeo explorata est, nam *cuinam teste ipsomet Basnagio ad annum 498^b de Episcopatu contendendum infusa addicenda foret, vix erat in medio: Laurentius Symmacusque eadem die creati fuerant; ac fautorum numero, & dignitate aequis viribus certabant.*

Quam-

^a Tom. IV. Conc. Labbe pag. 1300. Ven.

^b loc. cit. tom. III. pag. 601.

Quamobrem cujus essent potiora jura excusabilis videri poterat ignorantia, atque repugnantia confirmationi regiæ: difficile enim creditu non est, Paschasium sibi in animum induxisse, neminem posse cogi in re tanta judicio Principis secularis, atque Arriani conquirere, unde aut nulla, aut levis culpa fuit in Laurentii partibus permanere.

Quod si reponeret Oudinus, confirmata synodali decreto prioris Pontificis electione, nulla ratione defendi posse Paschasii obstinationem, quo in casu non leviter accusatur a Cardinali Baronio ad hunc annum *num. 8.* criminis tamen in ipsa exitus die eum poenituisse, veniamque fuisse consequutum, licet eo superstite celebrata sit synodus, dicendum est. Hunc enim sensum præseferre videntur hæc Gregorii verba: *In sua sententia usque ad diem sui exitus perstitit: sed quia (non malitiæ, sed ignorantia errore peccaverat) ex sua eleemosynarum largitate, aliisque egregiis virtutibus, quibus erat præditus hoc obtinuit, ut sub mortis articulo sui erroris poeniteret, veniaque dignus sit factus.* Veteris quoque sanctitatis merita in eodem refloruisse, Deus visus est comprobasse eo miraculo, quod refert S. Gregorius: nimirum tactu suæ Dalmaticæ feretro superpositæ Dæmoniacus statim sanatus fuit, unde jure, ac merito inter Sanctorum numerum.

fuit a veteri Ecclesia adoptatus ; atque in Martyrologiis Baronii, De Aste, aliisque, relatus sub die 31. Maji ^a.

Visus autem per aquas purgationis modus , neque insolens est , neque inauditus in sacris veterum monumentis ; quandoquidem hujusmodi apparitionum exempla non desunt. Instar omnium loculentissimum est illud in actis Sanctarum Perpetuæ & Felicitatis , de quorum Fide post tanta veterum testimonia, maxime vero S. Augustini, nulla superest Protestantibus exceptio , & jure fuerunt in selectis trium priorum actis Martyrum a Teodorico Ruinartio Congregationis S. Mauri recensita ^b. Martyri igitur Perpetuæ Frater suus nomine Dinocrates , qui e vita excesserat , per visionem visus est primo valde æstuans , & sitiens , sordido vultu , & colore pallido, postquam vero orationem pro se fecisset , vidit piscinam , ubi Dinocrates erat , aqua plenam, altioremque marginem habentem, quam erat statura Pueri , qui quasi bibiturus ad illam accedebat : dolebat soror , quod & piscina aquam habebat , & tamen propter marginis altitudinem frater bibiturus non esset : experrecta cognovit fratrem laborare, sed

^a Præclara ejus gesta enarrata sunt a Bollandianis pridie Kalendas Junii tom. vi. Maji pag. 787.

^b 77. &c. Verona 1731.

sed fidebat se profecturam labori ejus , unde orabat pro eo die , ac nocte . Postea eidem , ostensus est locus ille , quem retro viderat , & Dinocrates mundo corpore , bene vestitus , refrigeratus , & ubi erat vulnus , vidit cicatricem , & piscinam submisso margine usque ad umbilicum pueri , & puer aquam de ea trahabat sine cessatione , & super margine phiala erat aurea plena aqua ; & accessit Dinocrates , & de ea bibere coepit , & satiatu abcessit de aqua , & plaudebat gaudens more infantium ; tunc experrecta intellexit translatum eum esse de poena .

Visio quidem hæc fuit , quemadmodum & illa a S. Gregorio commemorata , sed divina , illique facta , quæ purgatorium credebatur : *Numquid enim , ut scite advertit Natalis Alexander in dissert. xiv. seculi .il. hist. Eccles. prop. i. eos , qui Purgatorium non credunt , similes visiones compellerent ad preces fundendas pro defunctis ?*

LIX. Alterum contradictorium in eo positum , quod Gregorius ignem Purgatorii corporeum putaverit *lib. iv. Dialog. cap. xix. incorporeum e contrario lib. xv. Mor. cap. xiv. facile expeditur , si genuina , quam Maurini sequuti sunt , loci hujus lectio consulatur , quæque ita se habet tom. i. pag. 482. : At contra gehennæ ignis cum sit corporeus , & in se mis-*

ſos reproboſ corporaliter exurat &c. : multorum vero codicum auctoritate, lectionem hanc prætuliffe, affirmant in notis ad eundem locum doctiſſimi Patres, quorum hæc ſunt verba: *Ita quinque codices Vatic. MSS. antiquiſſimus codex Biblioth. Barberina, duo Biblioth. Chiſia, Anglicani, & Gallicani plerique olim tamen in exempl. Utic. legebatur, cum ſit incorporeus. Ita etiam in Germ., & in duob. Mſſ. Vaticanis num. 576. & 558., ſed additionis factæ ſyllabæ manifeſta ſunt argumenta. Legerunt quoque corporeus, qui Moralia S. Gregorii contraxerunt; aliunde conſtat ex lib. IV. Dialog. cap. XXIX. Gregorium docere ignem inferni eſſe corporeum.*

Ad hæc ſi animum attendiſſet Oudinus, calamum cohibuiſſet ab injuſta cenſura.

C A P U T IX.

*Quid ſenſerit Gregorius Magnus in
Epistolis de Cultu & Adoratione
Imaginum in Templis.*

LX. **M**Utata velificatione, Gregorium ſuas in partes iterum inflectere Adverſarius pertentat iſdem uſus Gregorianis locis, quæ Dallæus lib. de Imag. III. Forbeſius Inſtruct. Teolog. lib. III. cap. IX. num. XXIII. & alii in idem propoſitum Catholicis objecerant :

cerant: *Quod spectat ad Imaginum doctrinam, hanc Gregorius Magnus sub seculi sexti finem habuit firmusque tenuit in Reg. lib. 111. epistola 1010. & lib. 1x. epist. 1x. nec illas videlicet esse ab Episcopis frangendas, nec a plebe in Ecclesiis positas adorandas. Sic opinabatur ille sub seculi sexti finem, sed octavo ineunte seculo immoderata Imaginum tum colendarum, tum adorandarum superstitio circa tempora Gregorii 11. & 111. ulterius processit. In hunc modum caput Dissertationis septimum ingreditur Oudinus: expositis deinde conciliis de Imaginum Cultu habitis, longam exscribit Gregorii epistolam Sereno Masihenfi Episcopo datam, ex qua ita concludit: *Hec Gregorius quibus Imagines in Ecclesiis ad solam Idiotarum instructionem permittit, nequaquam ad cultum, cum soli debitam Sanctæ Trinitati adorationem, ac humilem prostrationem velit. Calumniis postea atque opprobriis Fidei nostræ, consuetudinumque capita sugillat, invidiamque illis conflat: Quam longe ab hac Gregorii doctrina, sunt hæc illius verba, sive potius jacula venenata, Romana recens Ecclesia recessit? quæ tot Sanctis Altaria, preces, adorationes, vota, prostrationes collaudat & amplectitur, tot peregrinationes instituit, tanta per eorum intercessionem miraculorum molem confingit? ut hic Sanctus podagram sanet, ille febres omnimodas pellat, hic dissenteriam sistat, ille**

ille pestem compescat, hic stultitiam curet, ille surditatem, vel oculorum lippitudinem, aut infirmitatem deiiciat. Ita tamen, ut donario semper aliquo pietas Sanctorum, quod in gratia Sacerdotum, vel Monachorum cedat, demulceatur, quod quo majus erit, eo sanitas promptior dabitur agrotanti.

LXI. Verum ad istam omnem orationem non est cur pluribus respondeam, nam satisfactum jam fuit locupletissime a nostris Theologis, ex quibus unum in Lectoris commodum dare operæ pretium erit, Natalem scilicet Alexandrum tali pacto objecta hæc solventem in differt. VI. sæculi VIII. §. IV. Respondeo: Sanctum Gregorium Iconomachis antiquis, & recentioribus, ut Lutheranis, & Calvinistis adversari, qui Christi, & Sanctorum Imagines impie everterunt, siquidem eas in Ecclesiis esse servandas decernit, alienumque a traditione, & Ecclesiæ doctrina esse scribit, ut confringantur. Sola autem adoratione Latriæ, quæ SS. Trinitati exhibetur, negat Imaginibus deferendam, non vero honorariam adorationem, in salutatione, & aliis hujusmodi ritibus externis positam, quibus reverentiam nostram, & amorem erga Christum, & Sanctos coram imaginibus, & ab ipsis excitati, testamur. Unde cum S. Gregorio septima synodus non pugnat, quæ solam hujusmodi honorariam adorationem, non vero Latriæ cultum, & servitutem
 imagi-

imaginibus sacris decernit, imo posteriorem hanc ipsis abjudicat, solique vindicat Deo. Serenus porro Imagines imprudenti zelo confringi jusserat, & ab Ecclesiis eliminari, quia etsi quidam e plebe sua eas ethnico, & superstitioso ritu adorassent, ii fuerant verbo divino sanandi, & docendi, picturas non esse adorandas, sed uni Deo serviendum; non vero propterea confringenda erant Imagines, quas non sine ratione vetustas in Ecclesia admisit, & quæ maxime utiles sunt, gentibus maxime, & idiotis, quibus pro lectione pictura est, qua ad Christi, & Sanctorum venerationem, amorem, imitationem excitantur. Huic malo, & offensioni Christianæ plebis ut medeatur, Serenum adhortatur Sanctus Pontifex, convocatisque Ecclesiæ Filiis, qui se ab ejus communione ob insoliti facinoris horrorem suspenderant, docet Scripturarum sacrarum testimoniis, nihil manufactum adorandum esse, ea nimirum adoratione, quæ Latria vocatur, & quæ soli Deo debita servitus, quoniam scriptum est: Dominum Deum tuum adorabis, & illi soli servies: tum factum suum excusat, ac palam contestatur, se Imagines alioquin utiles ideo sustulisse, quod eas transisse in adorationem viderat, solamque incompetentem adorationem picturarum sibi displicuisse. Hæc ex serie Epistolæ S. Gregorii manifesta fient. Perlatum siquidem ad nos fuerat, inquit, quod inconsiderato zelo succensus Sanctorum Imagines sub hac quasi excusatione, ne adora-

adorari debuissent confregeris . Et quidem , quia eas adorari vetuisses , omnino laudavimus , fregisse vero reprehendimus aliud est enim picturam adorare , aliud per picturæ historiam , quid sit adorandum addiscere . Nam quod legentibus scriptura , hoc idiotis præstat pictura cernentibus : quia in ipsa etiam ignorantes vident , quid sequi debeant , in ipsa legunt , qui litteras nesciunt , unde , & præcipue gentibus pro lectione pictura est . Quod magnopere a te , qui inter gentes habitas , attendi debuerat , ne dum recto zelo incaute succenderis , ferocibus animis scandalum generares . Frangi vero non debuit , quod non ad adorandum in Ecclesiis , sed ad instruendas solummodo mentes fuit nescientium collocatum . Et quia in locis venerabilibus Sanctorum depingi historias non sine ratione vetustas admisit , si zelum discretionem condidisses , sine dubio , & ea , quæ intendeas salubriter obtinere , & collectum gregem non dispergere , sed potius dispersum poteras congregare Hæc autem dum in hoc animi tui incaute nimis motus exequeris , ita tuos scandalizasse Filios perhiberis , ut maxima eorum pars a tua se communione suspenderet & infra : convocandi enim sunt dispersi Ecclesiæ Filii , eisque Scripturæ sacræ est testimoniis ostendendum , quia omne manufactum adorari non licet , quoniam scriptum est Dominum Deum tuum adorabis , & illi servies . Ac deinde subjungendum est , quia picturas Imaginum , quæ ad adificationem imperiti populi

populi fuerant factæ, ut nescientes litteras, ipsam historiam intendentes, quid actum sit discerent, quia transisse in adorationem videras, idcirco commotus es, ut eas Imagines frangi præciperes. Atque eis dicendum: si ad hanc instructionem, ad quam Imagines antiquitus factæ sunt, habere vultis in Ecclesia, eas modis omnibus, & fieri, & haberi permitto. Atque indica, quod non tibi ipsa visio historia, quæ picturis fuerat incompetenter exhibita, atque in his verbis eorum mentes demulcens, eos ad concordiam tuam revocat. Et si quis Imagines facere voluerit, minime prohibe: adorare vero Imagines modis omnibus evita. Sed hoc sollicitè fraternitas tua admoneat, ut ex visione rei gestæ ardorem compunctionis percipiant, & in adoratione solius omnipotentis Sanctæ Trinitatis humiliter prosternatur: Hæc Sanctus Gregorius.

Nihil autem opus erat, ut in hac ad Serenum epistola modum venerationis, quæ sacris imaginibus licite, & religiose exhibetur omnem explicaret, qui solam disciplinam spectat, ut scilicet salutationibus, osculis, accensione cereorum, thurificationibus honorentur. Satis erat, ut ibi hunc honorem asseveret Imaginibus, qui sacris aliis rebus debetur, ut scilicet cum reverentia in Ecclesiis servantur & tractentur, nec temere confringantur, aut violentur; cuius honoris exhibitionem Imaginibus Christi, & Sanctorum debitam esse, ex quo eorum usus in Ecclesia receptus est, Fides docet.

Fides, inquam, in Tridentina Synodo exposita sess. xxv. docet: *Imagines Christi, Dei-
paræ Virginis, & aliorum Sanctorum, in Templis
præsertim habendas, & retinendas, eisque debi-
tum honorem, & venerationem impertiendam;*
non quod credatur inesse aliqua in iis Divinitas,
vel virtus, propter quam sint colendæ; vel quod
ab eis sit aliquid petendum; vel quod fiducia in
Imaginibus sit figenda, veluti olim fiebat a genti-
bus, quæ in Idolis spem suam collocabant; sed quo-
niam honos, qui eis exhibetur, refertur ad proto-
typa, quæ illæ representant, ita ut per Imagines,
quas osculamur, & coram quibus caput aperimus,
& procumbimus, Christum adoremus, & San-
ctos, quorum illæ similitudinem gerunt, veneremur.
Ex quibus facile intelliget Lector quam
perverse opponat nobis Oudinus singulares
hominum opiniones de spe in hoc, aut alio
Sancto collocanda, de Donariis, quæ in Ec-
clesiarum ornamentum destinantur, cum hæc,
& alia ejusdem generis, ἀξιοπῶσα a nobis habe-
antur, cum ea dumtaxat certa Fide creda-
mus, Fideique dogmata habeamus, quæ mo-
do ex Tridentino adduximus. Quocirca fru-
stra deinde laborat Adversarius, ut ex Mora-
lium libris, (quibus tamen inniti hoc loci
non debuisset, ut contextus cum inscriptione
hujus capituli conveniret) evincat, S. Grego-
rium exclusisse omnem in Sanctis collocan-
dam

dam esse spem . Nam uni Deo esse fidendum ,
ultro cum Tridentino loc. cit. , & sess. xxii.
profitemur , ac credimus .

Quod autem sanxit Ecclesia in illa synodo congregata , id etiam perpetuo servat ; & nos canonis loco deputare , Ecclesiæque Decretis religione adhærere testem appello Catechismum Romanum , atque laudatum Episcopum Bossuetum , qui ^a Tridentini verba referens , ita subjungit . „ C' est ainsi que „ nous honorons les saints , pour obtenir „ par leur entremise les graces de Dieu ; & „ la principale des ces graces, que nous espé- „ rons obtenir , est celle de les imiter ; quoi- „ que nous sommes excitez par la considéra- „ tion de leurs exemples admirables , & par „ l'honneur que nous rendons devant Dieu a „ leur memoire bien-heureuse .

LVI. Profecto ita Bossueto , Catechismo, Synodoque Tridentinæ similis est Gregorius , ut ovum ovo similius non sit . Celebris est locus in epist. ad Secundinum Inclusum , quæ est 52. indictionis 11. lib. 1x. ^b *Imagines quas tibi dirigendas per Dulcidum Diaconum rogasti , misimus : unde valde nobis tua postulatio placuit : quia illud toto corde , tota intentione quæris , cujus imaginem præ oculis habere desideras , ut te visio corporalis quotidiana reddat exercitatum : ut dum*

L

pi-

^a Loc. cit. pag. 16. ^b Tom. II. pag. 971.

picturas illius vides. ad illum animo inardescas, cuius imaginem videre desideras. Ab re non facimus si per visibilia, invisibilia demonstramus; sic homo, qui alium ardentem videre desiderat, aut sponsam amans videre conatur, si contigerit eam ad Balneum, aut ad Ecclesiam ire, statim per viam incedenti se preparat, ut de visione ejus hilaris recedat. Scio quidem, quod imaginem Salvatoris nostri non ideo petis, ut quasi Deum colas, sed ob recordationem Filii Dei in ejus amore recalcas, cuius te Imaginem videre desideras. Et nos quidem, non quasi ante divinitatem, ante illam prosternimur, sed illum adoramus, quem per imaginem, aut natum, aut passum, sed & in throno sedentem recordamur. Et dum nobis ipsa pictura, quasi scriptura, ad memoriam Filium Dei reducit, animum nostrum, aut de resurrectione letificat, aut de passione demulcet. Quis autem (ut hoc obiter adnotem) studio partium haud abreptus non videt hic mox expositam de usu cultuque imaginum catholicæ Ecclesiæ Doctrinam? Quis non intelligit Bossuetum, & Gregorium in eundem omnino sensum convenire? Quapropter mirari satis non possumus citati Anonymi Scriptoris Vitarum Romanorum Pontificum ratiocinationem. Bossueti enim de imaginum cultu doctrinam maxime probat; irridet vero Dionysii a S. Martha conatus, quibus Gregorianam Doctrinam, eandem

eandem esse, atque illam, quam nostra hæc Ecclesia profitetur; sibi sumpserat probandum. Profecto, sibi ipse constare si velit Anonymus, in hunc sermonem convenire debet. Concedit ipse Gregorii, atque Bossueti doctrinam rectam esse, & omni ex parte coherentem; atqui doctrina Bossueti omnino convenit cum illa nostræ Ecclesiæ, itaque doctrina nostræ Ecclesiæ eadem prorsus est atque illa Gregorii. Quocirca nescio qua fronte ita potuerit vellicare Maurinum Auctorem Vitæ Gregorianæ^a. „ Il fait beau voir Dom De-
„ nys de Ste. Marthe soutenir contre les Pro-
„ testans, que la Doctrine de Saint Gregoire
„ sur le Culte des Images est la meme que
„ celle de Notre Eglise sur le pied, qu' elle est
„ aujourd' hui, c' est vouloir se rendre ri-
„ dicule aux yeux de toutes les personnes sin-
„ ceres, & impartiales „ Imo apud viros
nullius partis præjudiciis imbutos seduli pro-
bique Doctrinæ Gregorianæ investigatoris
gloriam sibi comparasse dicendus est. Quo-
circa vane Oudinus, alique Protestantes
Ecclesiæ Romanæ Gregorium abripere fata-
gunt. Octavum igitur caput in hunc modum
absolutum sit, quod fortasse nimis longum
fecimus.

CAPUT IX.

De subjectione , & obedientia , quam Gregorius Magnus Imperatori exhibuit :

EXposita duobus proximis capitibus de Eucharistia , deque Purgatorio Gregorii Doctrina , explicare modo , ac tueri debemus illam , quam Adversarius Moralem vocat . Plurimis enim argumentis e Gregorii Epistolis desumptis persuadere conatur Oudinus in octavo suæ Dissertationis capite perinde in dogmatibus , ac in moralibus Doctrinis ab antiqua Ecclesia , recentem discrepare , atque e diametro corruptissimam opponi . Cum vero factorum series , qua imprimis responsionum vis nititur , accurate sit examinanda , iccirco singula Adversarii objecta singulis responsionibus velut Paragraphis , claritatis gratia solvemus . Missis igitur acerrimis illis criminationibus , quibus scholasticorum , atque casuistarum turbam in iudicium vocat , tum quia multi sunt in eorum defensionem editi libri , tum quia alio nostro opusculo omnibus patet ^a nobis ipsis non illa pro-

^a *Lettera Istoria-Critica sopra due punti concernenti la Istoria del Probabilismo e del Probabiliorismo Brescia 1750.*

probari, quæ nimio aut rigoris, aut laxitatis studio recentes doctrinæ moralis expositores tradidere, venio statim ad Gregorii facta.

I. *Fundebat Gregorius ad Dominum Christum perpetuas preces pro salute Imperatoris, & fausta vota precatus est, non tantum pro Mauritio legitimo Imperatore, sed & pro apertissimo tyranno Phoca post usurpatum Imperium: Ex libro LI. Epistolar. XXXVIII. XLV. &c.* Verba sunt Oudini.

Quid hinc adversarius inferre velit adversus scholasticos casuistas, Romanamque Ecclesiam nullus video. Invenitne litteris consignatum apud aliquos ex istis probatos auctores, orandum non esse pro Principum salute, licet eorum mores perditæ sint, atque corrupti? Detexitne aliquod Ecclesiæ monumentum, quo hujusmodi preces vetentur? Nonne Rom. Ecclesia ipsas præscribit formulas, quibus sacri Ministri pro Principum, pro peccatorum, pro Hæreticorum, pro Paganorum, Hebræorumque incolumitate Deum exorare jubentur? Nonne preces istæ publica Ecclesiæ auctoritate in libris cultui divino inservientibus typis cuduntur? Nonne populo spectante, atque audiente quam sæpissime formulas istas iidem sacri Ministri recitant, æternoque Deo offerunt? Vereor plane ne nimium multa de re minime dubia loquar. Trita sunt hæc, omnibusque vulgata, vixque ad-

duci possum, ut credam, latere potuisse hominem in Romanæ Ecclesiæ sinu educatum, diuque claustralem militiam professum. Sed ex ejus memoria forsan exciderunt, cum sibi Romanæ communionis extorri ad Protestantes aufugienti sacra res haud amplius cordi fuit.

Illud etiam vehementer mirandum in Oudiana oratione videtur, nullaque ratione ferendum, quod ex iisdem Gregorii votis, quæ pro Phoca Deo obtulit, Gregorium ipsum, nunc maledictis laceffit, nunc laudibus extollit. Sed hæc est calumniæ indoles ut diu sibi non constet. Quanam vero mente pro Phoca fuerint a Gregorio preces Deo oblatae, satis superque capite vi. ostendimus.

LXIII. II. *Longe aberat ut se Magistrum, ac dominum Canonum, & Conciliorum vel appelleret, vel, quemadmodum hodierni Rom. Pontifices, se Conciliis generalibus superiorem concionaretur, qui se prima quatuor Concilia œcumenica, ut quatuor Evangelia venerari, atque amplecti fantebatur, quamvis Constantinopolitano reluctati nonnulli fuissent Episcopi quidam ejus antecessores. Ita ille lib. i. epist. xxiv. Ita se adstrictum censuit Canonibus, ut instante apud ipsum Brunichilde Francorum Regina, bigamum quemdam ordinari posse, firmus recusaverit juxta Canonum regulas lib. xii. indict. vi. epist. viii. Hoc autem ipsum jam faciunt & Episcopi in suis diocesis,*

fibus, & Rom. Pontifex per totum Orbem dispensans. Hactenus Oudinus.

Verum in hodierna Ecclesiæ Romanæ disciplina nihil invenitur ab hisce Gregorii actibus dissonum. Simul enim ac in Pontificem fuit consecratus ad absentes universi Orbis Episcopos, potissimum vero ad præcipuarum Ecclesiarum Patriarchas *secundum priscum decessorum suorum morem* scilicet, ex Garnerii opinione^a, a temporibus Aureliani Imperat. circiter annum Christi 270. misit Epistolam synodicam, in qua se Fidei catholicæ assertorem, & quinque œcumenica Concilia suscipere, ac venerari profitetur. Erat hæc quippe Synodorum susceptio tunc temporis certa fidei catholicæ tessera, atque expositio, quam summus Pontifex recens electus in argumentum unionis Orientalibus potissimum mittebat. Obtinuit mos ille, teste Garnerio^b, quandiu Ecclesia Orientalis ab Occidentali non recessit. Postquam vero dirum schisma alteram ab altera distraxit, jam non amplius fuit opportunum neque scribere Fidei formam ad homines, qui sedem Apostolicam erroris arguerent. Præter istam Fidei formulam, alias etiam pro re nata edere consueverunt Pontifices Romani a Garnerio loco

L 4

supra-

^a In *Appendice ad notas capituli secundi Diurni Romanæ* num. XXI. Parisiis 1680. ^b *Loc. cit.* num. XXV.

supracommemorato collectas . Mos vero iste licet in desuetudinem abierit , nullus tamen reliquus est dubitandi locus , Pontifices Romanos ea omnia suscipere , ac profiteri , quæ in Conciliis œcumenicis ad Fidem spectare hactenus fuerunt declarata . Est enim probata nostrorum Theologorum opinio: *Non esse negandum* , ut verbis utar Melchioris Cani lib. de locis Theologicis VI. cap. VIII. *quin summus Pontifex hæreticus esse possit , unde ab Ecclesia posse judicari , & puniri . Est ergo quinta opinio vera* , inquit V. Bellarminus de Rom. Pontifice lib. II. cap. XXXI. *Papam hæreticum manifestum per se desinere esse Papam , & caput , sicut per se definit esse Christianus , & membrum corporis Ecclesie , quare ab Ecclesia posse eum judicari , & puniri . Cum vero ille sit dicendus in hæresim lapsus , qui vel unum volens , & sciens negat Fidei articulum , consequitur summum Pontificem , ne sit hæreticus , omnia in œcumenicis Conciliis dogmata declarata profiteri debere , quod satis est , ut probetur , æque Gregorium , ac præsentis Romanos Pontifices œcumenicorum Conciliorum fidem venerari : nam eo dumtaxat spectasse Veteres Pontifices , ut per Synodicas Epistolas ceteris Ecclesiis sua de dogmatibus Fides pateret , & eorum temporum ratio persuadet , & clarissime ipsa Gregorii Synodica , utpote quæ*
circa

circa unas Dogmaticas res versatur, demonstrat: Quatuor concilia suscipere ac venerari me fateor, ita loquitur Gregorius eo loci, Nicanum scilicet, in quo perversum Arii dogma destruitur; Constantinopolitanum quoque, in quo Eunomii, & Macedonii error convincitur; Ephesium etiam primum, in quo Nestorii impietas judicatur; Chalcedonense vero, in quo Eutychis Dioscorique pravitas reprobatur, tota devotione complector, integerrima approbatione custodio, quia in his, velut in quadrato lapide sanctæ Fidei structura consurgit, & cujuslibet vitæ, atque actionis existat, quisquis eorum soliditatem non tenet, etiamsi lapis esse cernitur, tamen extra edificium jacet. Quintum quoque concilium pariter veneror, in quo & epistola, quæ Iba dicitur, erroris plena, reprobatur; Theodorus, personam mediatoris Dei, & hominum in duabus subsistentiis separans, ad impietatis perfidiam cecidisse convincitur; Scripta quoque Theodoreti, per quæ Beati Cyrilli fides reprehenditur ausu dementiæ prolata refutantur. Cunctas vero, quas præfata veneranda Concilia personas respuunt, respuo; quas venerantur, amplector: quia dum universali sunt consensu constituta, se & non illa destruit quisquis præsumit, aut solvere, quos relegant, aut ligare, quos solvunt. Quisquis vero aliud sapit, anathema sit; quisquis vero prædictarum Synodorum Fidem tenet, pax ei sit a Deo Patre. Hactenus Gregorius, cujus

ver-

verbis argumentum hoc abunde, ni fallor, solutum est.

Illud vero, quod affertur ex responsione ad Brunechildis Francorum Reginae petitionem, nullum nobis facessit negotium, quoniam trigamum a sacris ordinibus arcet nostra quoque Ecclesia: *Quod si ministeriis quatuor minorum Ordinum exercendis Clerici Calibes praeſto non erunt; suffici possint etiam conjugati vita probata, dummodo non Bigami.* Tale est Tridentini decretum sess. XXIII. cap. XVI. ad cujus mentem sua responsa exigere Romanam Ecclesiam vel ipsimet Protestantes ignorare nequeunt; unde ii Scriptores, qui morum Doctrinae regulas tradunt, illud hominum genus a sacris ministeriis esse removendum constantissime docent.

LXIV. Quod si aliquando ab hac regula discessum est, facta alicui trigamo ad sacros ordines accedendi potestate, usi sunt Pontifices ea facultate, atque oeconomia, quam eorum Antecessores, & qui praecessere, & qui sequuti sunt Gregorium; in rebus disciplinam respicientibus adhibuerunt; quandoquidem rerum Ecclesiasticarum peritis constat, duobus modis in ejusmodi quaestionibus veteres quoque Pontifices solitos fuisse versari, vel summo jure, vel remisso, quod interpretes vocant *providam juris relaxationem*. Alterius exempla
le-

legi possunt collecta in *lib. II. cap. XII.* celeberrimæ concordiæ Sacerdotii, & Imperii, ab Archiepiscopo Parisiensi Petro de Marca elucubratae, quibus exemplis Legum Canonicarum non incauti infractores, sed æqui, & moderati interpretes appellandi sunt Romani Pontifices. Insignis est in hanc rem Symmachi Papæ ad Avitum Viennensem locus ab eodem Marca prolatus^a. Rescripserat Symmachus ad Conium Episcopum Arelatensem de contraversia, quæ erat inter Episcopos Provinciarum Viennensis, & Arelatensis circa Ordinationes Episcoporum vicinarum civitatum, servandam esse antiquitatem, nec habendam rationem novæ Constitutionis ab Anastasio Papa editæ, quæ provinciam confundeat: agre tulit Avitus hanc injuriam sedi suæ, ut putabat, illatam. Ergo ad Symmachum scribens exostulans cum eo, quod violatam ab Anastasio Ecclesiæ consuetudinem dixerit, & spreta prædecessorum ejus statuta in confusione provincie. Rescripsit Symmachus, gavisurum se, si ab Avito probatum fuerit, nihil ab Anastasio contra canones actum, sed tantum præter regulam, temperato videlicet jure: Quia quod sit præter regulam, inquit, modo sit ex juxta causa, non infringit regulam, quam sola pervicacia, & antiquitatis contemptus ledit; nam quamvis a Patribus statuta diligenti observatione, & observanti diligentia sint

custo-

custodienda, nihilominus propter aliquod bonum de rigore legis, aliquid relaxatur, quod & ipsa lex cavisset, si prævídisset; & saepe crudele esset insistere legi, cum observantia ejus esse præjudicabilis Ecclesiæ, videtur. Sane præclara sunt hæc monita, atque æquitatis Christianæ plena, quibus æquum est, utile, ac necessarium, ut pro re nata Ecclesiæ moderatores utantur.

Longe aberat, pergit objicere Adversarius noster cap. VIII. cit. Dissert., ut Imperatores, & Reges Christianos aliquid Canonibus adversum agentes, deponi a se Imperio, vel Regno Gregorius I., vel subditos eorum à juramento fidei absolvi posse opinaretur, ut contra se eis in omnibus obedientem præberet, legesque illorum, etiam Ecclesiastica libertati adversas, publicaret. Hujusque Gregoriana subjectionis, & obedientiæ monumentum insigne est epist. 626. lib. II. indic. VI. & 65. L. B. indic. VI. Inhibuerat Mauritius Imperator, ut quisquis publicis administrationibus implicatus fuisset, ei ad Ecclesiasticum officium venire non liceret: Hoc valde laudabat Gregorius. Prohibuerat autem Mauritius, ne & in Monasterio susciperentur: quod multis Gregorius in hac Epistola improbavit. Nihilominus Imperatoris edictum, in varias terrarum partes, ut subditus obediens transmitti fecit, quibus suam concludit epistolam: Ego quidem jussioni subiectus eandem legem per diversas terrarum partes transmitti feci, & quia

& quia lex ipsa omnipotenti Deo minime concordat, ecce per suggestionis meae paginam serenissimis Dominis nuntiavi. Utrobique ergo quae debui exsolvi, qui & Imperatori obedientiam praeberi, & pro Deo quod sensi, minime tacui. Neque hoc loci quidquam Oudinus obtinet, namque varias inter responsiones, quas ad hujus loci solutionem Theologi nostri adduxerunt, illam nos amplectimur, atque exscribere non gravamur, quam habet in lib. II. cap. x. saepe laudatae Gregorianae vitae Dionysius a S. Martha: Sanxerat Mauritius non solum, ut quisquis publicis administrationibus fuisset implicatus, ad Ecclesiasticum officium pervenire non posset, sed etiam ut ei in monasterio converti non liceret: quod de iis quoque, qui militia adscripti erant constituerat, quibus deinceps liberum non erat monasteria poenitentiae causa petere. Curiales quidem & secularibus negotiis adstrictos, ab Ecclesiasticis dignitatibus excludi valde laudavit S. Gregorius, evidentissime sciens, inquit, quia qui secularem habitum deferens, ad Ecclesiastica officia venire festinat, mutare vult seculum non relinquere. At iisdem non licere, in monasteriis non converti, minime probavit. Etsi enim aris alieni debitores forent, ac publicis rationibus implexi, poterat eorum debitis per monasterium satisfieri, inquit summus Pontifex. Quod uno, eodemque argumento simul demonstrat, & dotata fuisse tunc monasteria etiam amplis

plis redditibus, & summam in ipsis viguisse charitatem. Maxime vero damnavit sanctissimus Pater legem, qua milites ab ingressu monasteriorum prohibebantur, nisi, aut expleta militia, aut pro corporis debilitate missionem essent consequuti. Ipsum audiamus de hac lege cum Mauritio exposculantem: Ad hac ecce per me servum ultimum suum, & vestrum, respondebit Christus dicens, ego te de notario comitem excubitorum, de comite excubitorum Casarem, de Casare Imperatorem; nec solum hoc, sed etiam Patrem Imperatorum feci, Sacerdotes meos tuae manui commisi, & tu a meo servitio milites tuos subtrahis? Responde ergo, piissime Domine, servo tuo, quid venienti, & hac dicenti responsurus es in iudicio Domino tuo? Cetera legantur eadem, quae summum decebat Pontificem, libertate dicta, quam tamen his postea verbis temperavit humilitatem spirantibus: Ego quidem iussioni subiectus eandem legem per diversas terrarum partes transmitti feci, & quia lex ipsa omnipotenti Deo minime concordat, ecce per suggestionis meae paginam serenissimis Dominis nuntiavi. Utrobique ergo, quae debui exsolvi, qui & Imperatori obedientiam prabui, & pro Deo, quod sensi minime tacui.

Hanc epistolam Gregorius misit ad Theodorum Imperatoris Archiatrum seu medicorum principem, rogans, ut eam captato tempore offerret Mauritio, apud quem gratia plurimum valebat, adhi-

adhibitisque tum conciliis, tum precibus ad hanc legem refringendam, aut emolliendam Augustum impelleret. Vtrum id Theodorus præstiterit, ignoramus. Docere tamen videtur S. Pontifex Mauritium a lege sancita postea resiliisse; scribens enim ad plures Metropolitas de militibus post triennii probationem ad monasticum habitum suscipiendis, subdit: Qua de re etiam Serenissimus, & Christianissimus Imperator, mihi credite, omni modo placatur & libenter eorum conversionem suscipit, quos in rationibus publicis implicatos non esse cognoscit.

Censet igitur Em. Car. Baronius legem hanc Imperatoriam a Gregorio emendatam, & temperatam prius fuisse, quam eam promulgari curaret, transmitteretque ad Metropolitas. Eadem est serme Illustrissimi Viri D. de Marca sententia, additque, S. Gregorium hanc legem emolliendo eadem auctoritate usum, qua Præfæcti Prætorio, penes quos erat civiles leges ad se ab Imperatoribus directas, ut publicarentur, aut tantisper immutare, aut ab earum publicatione abstinere, donec de iis emendandis ad Augustum scripssissent, vel ipsum adiis-sent. Alii vero existimant, hanc legem, nulla mutatione facta, fuisse missam a S. Gregorio, qualem acceperat ab Imperatore, idque his Gregorii verbis significari contendunt: Eandem legem per diversas terrarum partes transmitti feci, & quia lex ipsa omnipotenti Deo minime concordat, ecce . . . nuntiavi; ergo, inquiunt, lex, qualis a Papa transmissa

missa est nondum fuerat castigata, & emendata, quandoquidem voluntati, legique Dei post emendationem consentanea erat. Utramlibet sententiam eligat Lector.

Ceterum legis hujus ferenda occasionem Imperatori praeberat frequens poenitentia tunc ambientium concursus ad Monasteria, ita ut plerique seculo, & curiae variis officiis, ministeriisque alligati, intentatis tot ira Divinae Flagellis perterriti, rei tum publicae tum privatae nuntium remitterent, publicani telonia deferrent, militares viri, sive ii gregarii, & manipulares, sive Centuriones, aut Tribuni, aliique Duces, militia insignia proficerent, ad conversionem festinantes.

Porro non deerant rationes, quae persuaderent, milites nonnisi emeritos, & dimissos in Monasteriis esse suscipiendos: quippe can. II. Concilii Chalcedonensis cautum est, ne quis in Monasteriis servus obtentu monasticae professionis recipiatur praeter Domini sui conscientiam; transgredientes autem hanc definitionem excommunicantur, & in Concilio Gangrensi can. 3. legimus: Si quis servum prae-textu Divini cultus doceat Dominum contemnere proprium, ut discedat ab ejus obsequio anathema sit. At milites toto militiae tempore, non secus, ac servi ad Reipublicae obsequium adstringebantur, unde etiam in manu signati tunc erant, tamquam mancipia, quibus notae quaedam inurebantur. De his legendus Vegetius lib. II. cap. XXV.

Ipse

Ipse Gregorius in prasata ad Mauritium ep. milites appellat, manu signatos juxta morem, etsi nulla militibus inurantur stigmata, statim tamen, ac Sacramento dato, militiam professi sunt, eam deserere etiam sanctioris militiae amplectenda causa, impune non possunt. Hac dicta sunt, ut eam legem ostendamus, nec impie ab Augusto latam, nec a Gregorio temere promulgatam. Licet enim contra pietatem pugnare videretur, quod in sacra Monachorum acie meteri prohiberentur milites (quapropter Gregorius Mauritium liberius increpavit) re tamen propius perspecta, bonique publici habitatione ita statuendum & prudentia consultissimorum fortasse suadebat. Quibus Benedictini verbis tertium hoc Oudinianæ objectionis caput fatis superque solutum arbitramur.

LXV. Quartum objectionis caput ita est ab Adversario propositum: Conquestus Gregorius de Johanne Fejunatore Patriarcha Constantinopolitano, qui sibi universalis nomen arripuerat apud Imperatorem Mauritium (lib. IV. epist. XXXI I.) precepit Imperator, ut antequam quidpiam contra Johannem ageret, mansuete per litteras eum sui officii admoneret, cui humilis Gregorius obtemperavit, ut ipse declarat cit. epist. & in alia ad eundem Johannem data.

Imo vero, inquam ego, ex modo, quo in controversia hac agitanda, versatus est Gregorius, eximia sua animi moderatio æque

M

resplen-

resplendet ac strenuum robur, quo Ecclesiæ Rom. jura tueri quavis occasione solitus erat. Etenim Johannes in synodo, quam hac de causa, licet alia simularetur, collegerat anno 587, se universalem appellari conatus erat: quod mox Papa Pelagius ut agnovit, directis epistolis ex auctoritate S. Petri Apostoli ejusdem synodi acta cassavit (Johannes Diaconus *lib. III. vitæ S. Gregorii n. 51.*) Diaconum vero, qui juxta morem pro responsis Ecclesiasticis facientibus Imperatoribus adhærebat cum eo Missarum solemnia celebrare prohibuit: cujus sententiam Gregorius sequens, Johannem sæpe commonitum acquiescere differentem sententia pari mulctaverat, Quapropter Johannes multis fallaciis obtinuit, ut Imperator Mauritius Gregorio scriberet, quod sibi pacificus extitisset. Pontifex igitur denuo rationibus, precibus, cohortationibusque Johannem a superbo titulo revocare studuit: neque enim, qua erat prudentia, quave animi dimissione aliter facere debuerat; nihilo tamen minus ab inceptis non destitit; Patriarchæ superbiam litteris Mauritio, & Constantinæ Imperat. datis vehementer increpavit illos rogans, ne injustam Johannis causam patrocinaurentur: *Quantum ad me attinet, scribit ad Imperatorem l. IV. ep. XX. Serenissimis jussionibus obedientiam præbeo* (scilicet

cet precibus, & suasionibus, minisque iterum egit cum Johanne *epist. mox cit. lib. iv.*) *Non causa mea, sed Dei est, sequitur Gregorius, & quia non solus ego, sed tota turbatur Ecclesia, quia pie leges, quia veneranda synodi, quia ipsa etiam Domini nostri Jesu Christi mandata superbi, atque pompatici cujusdam sermonis inventione turbantur; piissimus Dominus locum secet vulneris, atque resistentem agrum augustae auctoritatis vinculis constringat nunquid ego hac in re, piissime Domine, propriam causam defendo? Nunquid specialem injuriam vindico? Causam omnipotentis Dei, causam universalis Ecclesiae ille ergo magis est piissimorum Dominorum praeceptione flectendus, qui praeceptis canonicis obedientiam praeberet contemnit. Ille coercendus est, qui sanctae universali Ecclesiae injuriam facit, qui corde tumet, qui gaudere de nomine singularitatis appetit, qui honori quoque Imperii vestri se per privatum vocabulum superponit. Consonat epistola ad Constantinam Augustam data, in qua eam reddit certiore de epistolis ultro citroque habitis: Præterea indico quia piissimi Domini scripta suscepi, ut fratri, & consacerdoti meo Johanni debeam esse pacificus, & quidem sic religiosum Dominum decuit, ut ista præciperet Sacerdotibus; sed cum se nova presumptione atque superbia idem Frater meus universalem Episcopum appelleret . . . & Serenissimo Domino multa suadere conatur, sed*

bene novi , quia tantæ illæ orationes ejus , & lachrymæ nil ei a quoquam , contra rationem , aut animam suam , surripi permittunt . Triste tamen valde est , ut patienter feratur , quatenus , despectis omnibus , prædictus frater , & Coepiscopus meus solus conetur appellari Episcopus unde omnipotentem Dominum rogo , ut sicut parentes priores vestri Principes , S. Petri Apostoli gratiam quaesierunt , ita vos quoque , & hanc vobis querere , & conservare cunctis , & propter peccata nostra , qui ei indigne servimus , ejus apud vos honor nullatenus minuat , qui & modo vobis adjutor esse in omnibus , & postmodum vestra valeat peccata dimittere .

Porro ex omnibus hisce Gregorianis epistolis nihil aliud inferi potest , nisi a SS. Pontifice adhibitum fuisse temperamentum illud , quod sub initium epistolæ ad Sabinianum Diaconum datæ præ oculis se habuisse fatetur , nimirum rectitudinem , & blandimentum , quibus suum cuique , scilicet Imperio , & & Ecclesiæ jus tribuit , ex quo perdifficilis exurgit Sacerdotii , & Imperii concordia , quam miro quodam studio simul coluit , simul efficax desiderium pacis conservandæ , errantisque ovis non perdendæ , sed ad ovile Christi reducendæ significavit , quibus tandem & prudentissimum Præsulem , & fortissimum Christi militem omnibus se præbuit . Quamobrem

obrem intelligere non præsumus, cur Adversarius hodierno Ecclesiæ Rom. regimini eam objiciat rationem, quam Gregorius in hac disputatione cum Imperatore tenuit, propterea quod, si præsentium quoque Summorum Pontif. litteræ ad Christianos Principes conscriptæ percurrantur, similia humilitatis, moderationis, atque prudentiæ exempla occurrunt.

LXVI. V. *Longe aberat, instat insuper Oudinus, ut Imperatoribus insurgeret, qui sententiam a se canonice latam nulli dare, & vulgare noluit ne contra jussionem Imperatoris, vel, quod absit, in despectum ipsius aliquid facere videtur lib. XII. indit. XII. ep. I II. ad Bonifacium S.R.E. Diaconum sententiam quoque, quam ea de re tulerat juris Corcyriane Ecclesiæ confirmativam secretam tenuit Gregorius: Sententiam nostram nulli dare prævidimus, ne contra jussionem clementissimi Imperatoris, vel, quod absit, in despectum ipsius, aliquid facere videremur.*

Sed in hujus facti narratione illud est ab Oudino prætermissum quod suum objectum jugulat, atque non dissimilem esse præsentium Rom. Pontificum in tractandis cum Principibus negotiis rationem, demonstrat; etenim latam canonicam sanctionem tantum abest, ut Imperatorem celare voluerit Pontifex, quin Bonifacio Diacono apud regiam

urbem Rom, Sedis oratori in iussis dederat *, ut caute quidem , & modeste , sed simul animo forti apud eundem ageret , subreptam de Cassiopi Castro jussionem rescinderet , Pontificiamque sententiam servandam esse , præciperet : *Dilectio tua pietati ejus (Imperatoris) cuncta diligenter insinuet , atque constanter adstruat hoc omnino illicitum , omnino prævum , omnino injustum , & sacris esse valde canonibus inimicum . Et ideo hujusmodi peccatum temporibus suis introduci in Ecclesia præjudicium non permittat , sed quid de hoc negotio judicatum antefati quondam Metropolita contineat , vel qualiter a nobis ea , qua ab illo decreta sunt , confirmata fuerint , suggerat , atque id agere studeat , ut cum ejus jussione nostra illic sententia transmittatur , quatenus & severitate ipsius , sicut dignum est , reservasse , & rationabiliter correxisse , qua male præsumpta sunt , videamur . Qua in re omnino danda opera est , ut , si fieri potest , etiam jussionem suam ipse tribuat , in qua ea , qua a nobis definita sunt , servari præcipiat .*

Antequam igitur Pontificia lex promulgaretur , merito fuerat Imperatori significanda , ut ipse re melius cognita sanctiones suas retractare posset , ac deinde una cum Pontificiis observandas præciperet : alias conquestus jure fuisset , quod a Gregorio certior

tior non redderetur de his negotiis, quorum administratio cum ad Ecclesiasticum, tum ad civile regimen per ea tempora spectabat, atque hæc erat una ex potissimis rationibus, quibus in ipsomet Imperatoris Palatio Rom. Sedis Ablegatus degebat, ut scilicet Ecclesiastica simul, & civilis potestas unanimi consensu bono publico consuleret. Profecto si aliquis hodie ex catholicis Principibus ferret legem sacris canonibus contrariam, non ne Romanus Pontifex imprimis per suum Ablegatum Principi exponi faceret universæ rei statum, postea suasionibus, precibusque auctor eidem esset, ut legem cum sacris canonibus componeret? Ne hoc in dubium vocetur facit pacis, charitatis, prudentiæque studium, quod in hisce pertractandis negotiis Romanos Pontifices præ oculis habuisse Ecclesiastica monumenta referunt.

LXVII. Ex quibus hæctenus expensis, Gregorius certe non videtur id abhorruisse, quod in objectis absurdum refellitur ab Oudino, Romanam Ecclesiam legibus a laicali potestate latis subditam non esse. Sane illæsa cuique jura servanda esse jubebat Pontifex (quod iterum animadvertisse adversus Adversarium, non piget) sed simul infracta constantia, eximiaque animi magnitudine auctoritatem sustinebat Apostolicæ Sedis, quam, Deo auctore

cunctis prælatam esse Ecclesiis affirmabat *lib. I. I. epist. xx.* Illud erat ei alta mente repositum ex canone VI. Primi Concilii OEcumenici Niceæ habiti haustum principium. *Sicut ab aliis nostra exigimus, ita singulis sua jura servamus, lib. I. I. epist. xxix.* Illud cum a se, tum ab aliis caste observandum esse voluit, quod neque ab Ephesina synodo Cœlestinus, observante Christiano Lupo in notis ad eundem canonem ^a, neque a Chalcedonensi Leo Pontifex, neque ab ullis usquam Hæreticorum, aut Schismaticorum violentiis eorum successores permiserunt lædi, vel attingi.

Re ipsa passus non est, ut Johannes Constantinopolitanus Patriarcha, licet Imperatorum gratia fretus, in OEcumenici tituli usurpatione quietus permaneret, quia universalis nomen solis Apostolicæ Sedis Antistitibus Chalcedonense Concilium tribuerat, quantumvis ipse illo titulo non solum unquam, usus non sit, & Eulogium Alexandrinum leniter increpaverit, qui ipsum universalem Papam in epistolis vocaverat, sed etiam in principio suarum epistolarum se omnium primus teste Johanne Diacono *lib. IV. cap. XVII. I.* *servum servorum Dei* inscripserit, quod eximium humilitatis monumentum hæreditarium successoribus suis reliquit.

Brune-

Brunechidi Francorum Reginae in cujus laudibus adeo multus fuit Gregorius, ut insanæ adulationis vitio apud Oudinum laboraret, non concessit, ut vivente Episcopo, qui propter capitis morbum munere suo fungi non poterat, alius loco ejus ordinaretur: neve bigamus ad sacros ordines admitteretur.

Romano Imperatori vices in Italia agentis, quique Ravennæ Exarchus dicebatur, suam minatur indignationem, nisi desisteret eum, tueri, qui Ecclesiasticas consuetudines frangebatur: *Quod si excellentiæ vestræ* (ita Gregorius lib. v. epist. xxiv.) *sine dubio pulsatur invidiam necesse est, ut ab ejus vos habita discretionē debeat tutione suspendere ne si nominis vestri occasione Pastori suo inobediens, vel contumax fuerit ad tempus, & vestros contra vos Judices defendere, atque excellentiam vestram hac ex re cogatur offendere, & nos pariter de vestra discordia contristare.* Sed clarius est quod sequitur in causa quarundam mulierum ad seculum reverterarum: *Comperimus præterea, quod dici nefas est, quasdam mulieres, quæ nuncusque in religioso, atque monachico habitu permanserunt suam vestem, & suam velaturam deponere, & conjugibus quod sine gravi non possumus referre dolore, sociari.* Sed hoc quidem ut dicere, vel attentare præsumant, favoris vestri patrocínio fulciri dicuntur: quod nos credere perversitatis ipsius acerbitas non per-

permittit. Petimus ergo, ut in tanto vos peccato miscere nullatenus debeatis. Nam hujusmodi iniquitatem impunitam propter Deum nullo modo patimur remanere.

Cum Marinianus Ravennæ Episcopus potentissimorum hominum supplicationibus Pallium postulasset, Castorio Cartulario Pontifex scripsit, Mauriniani merita ut expenderet nullorum attentis precibus: *Tua experientia nullius personam, nullius verba consideret, solum Dei timorem, & rectitudinem ante oculos habeat.* lib. vi. epist. lxi.

Tunc etiam non minus prudentem, quam sedulum Pontificiæ auctoritatis custodem se præbuit, cum Honoratus Archidiaconus, vir bonæ frugis, in loco mortui Natalis improbi Salonitanæ Ecclesiæ Episcopi, electus fuit. Nam Provinciæ hujus Episcopi, pravis defuncti Metropolitanæ moribus vitiati, pertimescentes probatam Honorati vitam, favere cœperunt cuidam Maximo auctoritate, & vi Romani Patritii in ejusdem Ecclesiæ præfulem electo; quod cum fuisset Gregorio nuntiatum, vehementer Episcopos arguit: *Quod non oportuerat cujuslibet hominis faciem rectitudini justitiæ præponere.* Eisdem postea imperat sub pœna exclusionis ab Ecclesiæ Sacramentis, ne absque consensu, & permissu suo ullum Salonitanum Episcopum ordinent: *Sin ve-*

ro in

ro in aliqua persona (Maximo tamen excepto) voluntarius omnium consensus accesserit, ut Deo auctore digna sit, & non sit, qui ab ejus ordinatione dissentiat, hanc a vobis in eadem Salonitana Ecclesia ex presentis Epistolæ nostræ concessa licentia volumus consecrari, lib. IV. epist. X. Adderemus e Gregorianis operibus hujusmodi non pauca, nisi ea, quæ posuimus, satis essent ad evincendam causam. Nam illi, qui ignari non sunt legum, consuetudinumque Ecclesiæ Romanæ, diligenterque attendere, ac existimare de omni hac causa vellent, constituent oleum, & operam perdidisse nostrum adversarium; proptereaquod in hodiernis Ecclesiæ Romanæ moderatoribus mirifice resplendent eadem animi moderatio, magnitudo, constantia, ac prudentia, quibus Gregorius in Ecclesiasticis rebus moderandis usus est. Neque profecto res aliter usuvenire potest; namque tam ipsi, quam aliis idem sit propositum ad opem divinam confugere, & eo convertere cursum, quo divinus Spiritus eos ducit, quemadmodum Gregorius de se ipso fatetur: *Si videro Sedis Apostolica canones non servari, dabit Omnipotens Deus quid contra contemptores ejus faciam.* lib. IV. epist. XXXI I.

CAPUT XI.

De Cognomento Magnus Gregorio tributo.

USque eo Gregorius I. male audit apud Oudinum, usque eo sapientissimorum, sanctorumque virorum judicia fusdeque ab homine habentur, ut alterum suæ Gregorianæ Dissertationis caput inscripserit: *De indole, simplicitate, credulitate nimia, aliisque Gregorium Magnum immerito vocatum evincen- tibus*. Imo vero ex indole acri, simplicitate sagaci, credulitate prudenti, propter tot, ac tanta paucorum annorum spatio constanter suscepta, felicemque ad exitum deducta præclara opera, maxime infirma semper, attritaque valetudine, jure; ac merito omnium gentium consensu *Magni* cognomen est consecutus. Equidem non est, cur hoc suscipiam Lectoribus persuadere; non enim de Sergio Galba, aut Cajo Carbone scribo aliquid, in quo liceret mihi fingere siquid vellem; nullius memoria jam refellente, sed scribo hæc illis cognoscenda, qui scripta, qui gesta, qui monumenta D. Gregorii tum ab aliis copiose enarrata, tum a me in hac disputatione leviter commemorata consulere, atque ad severioris criticæ regulas exigere possunt: *Nam siquis*

siquis absurdis obtrectationibus impetatur, ut verbis utar Joannis Clerici, quas res ipsæ, quas spectata hominis virtus, quas scripta ejus dudum nota, & intellectu facilia retundant, nihil opus est inutilem confutandi laborem ab eo suscipi. Illud tamen probationis genus prætereundum mihi non est ex sapientum virorum judicio depromptum. Nam præclaris uti auctoribus, & solet, & debet valere plurimum: quo in loco ne sibi Oudinus fucum fieri, etsi immerito queratur, non Isidorum Hispalensem vocabo, aut Paterium Monachum, non Venerabilem Bedam, aut Adonem Archiepiscopum Viennensem, non Trithemium, non Baronium, non Bellarminum, non Maimburgum, non Riccardum Simonium, non Romanæ Communions homines, quos tamen & claros fuisse, & doctos ipsi quoque Oudini commilitones negare non audent, nec Melchiorum Canum producam, nec Eliam Dupinium, quorum auctoritatibus ad imminuendam Gregorii existimationem Adversarius abutitur, qui tamen non sunt dedignati Gregorium appellare *Magnum*; sed eos vocabo auctores, quos ipse tanquam Deos venerari debet, vocabo homines a Rom. communione alienos, ut, postquam eorum verba recitavero, ex altera parte prudens Lector*

ctor concludat cum Lactantio de orig. erroris *. Adeo ipsa veritas, agente natura, etiam ab invitis pectoribus erumpit, ex altera vero nullus amplius Oudinianæ censuræ locus reliquus sit, quandoquidem teste S. Irenæo de hæres. lib. IV. cap. XIV. Illa est vera, & sine contradictione probatio, quæ etiam ab adversariis ipsis singula testificationis profert.

Uldricus Coccius in epist. suæ Gregorianæ editioni præmissa Basileæ an. 1551. Porro in ea, quam dixi, collatione inter cetera perventum, & ad Beati Gregorii cognomento Magni. Inter alias autem laudes a Coccio tributas Gregorio, istæ sunt sub ejusdem epistolæ initium: Ut autem principio de toto loquar opere, apparet. Beatum Gregorium diligentia, & inexhaustis sudoribus judicium acre, ac pietatem summam conjunxisse.

Gerardus Joannes Wossius epist. v. (pagina XIV. Londini 1690.) Sed rediisse videntur tempora aliquando lætiora paulo ante annum a nato Servatore sexcentesimo, cum Gregorii Magni discipulus Augustinus &c.

Rivetus lib. IV. cap. XXIX. Critici sacri (pag. 598. Genevæ 1660.) Quem quidem (Gregorium dico) Magnum fuisse virum multis, & magnis gratia divinæ dotibus exornatum non inus inficias.

Samuel

a Divin. Institut. lib. II. tom. I. pag. 115. Parisi: 1748.

Samuel Basnagius Tom. III. Annal. pagina 871. citatæ editionis, ad annum 581. num. VIII. *Prisci cum Iudæo disceptatio admonet mentionem quoque facere de instituta apud Regiam Urbem Gregorium Magnum inter, & Eutychium disputatione.* Multis aliis in locis Gregorii gesta commendat hic auctor. Alter etiam ejusdem cognominis, fidei, ac eruditionis Jacobus nimirum in Præf. generali ad lectiones Canisii cap. IV. V. VII. pag. XXXIX. *Quod temporum asperitati tribuit Gregorius Magnus sequitur ex eadem Epistola Gregorii Magni &c.*

Bayle in dictionario verbo Gregoir:
„ Tout bien compté, il mérite le surnom de „ grand.

Albertus Fabricius in notis ad S. Philastrium pag. 255. *Gregorium Magnum ejus nominis primum agnosco virum pium ea loquentem, quæ sentit, & hoc propius accedit ad Magnum.*

Idem Tom. III. pag. 241. Bibliothecæ mediæ, & infimæ latinæ. Amburgi 1735. *Gregorius I. Sancti, Magnique nomen inter Pontifices promeritus.*

Sed nullus ex Protestantibus uberior fuit in Gregorii laudibus, unde cognomentum Magni promeritus sit, quam celeberrimus
 Gaf-

Gaspar Barthius. Unum, aut alterum locum descripsisse Differtationis hujus pretium erit: *Homilia Gregorii Magni*, inquit ille *cap. xiv. libri Adversariorum lv. pag. 2620. Francofurti 1648. barbarie fere vigente summo pretio fuerunt adeo, ut qui aliorum librorum potiri non possent, Monachis præscriptum meminerim, hunc ut librum omnimodis sibi parent. Ricculphus Sueffionum Episcopus Constitutionis suæ cap. vi. Item præmonemus, ut unusquisque vestrum Missalem, Lectionarium, Evangelium, Martyrologium, Antiphonarium, Psalterium, & librum xl. homiliarum Beati Gregorii distinctum, atque correctum per nostros Codices, quibus in Sancta Matre Ecclesia utimur, habere laboret: alio deinde loco, pag. nimirum 2622. refert idem Barthius similitudinem ex homil. xxx. deinde addit. Pulcherrima est similitudo, quæ sequitur, qualibus abundat Beatus Gregorius, & maximam opinionem sibi facit apud tempora sequentia, & fuit sane etiam viventis ea existimatio, ut ipse de se scribat, cogi se ad infinitas Ecclesiarum & Monachorum causas discutiendas, modo singulorum vitas expendere, modo Civium negotia sustinere, modo irruentibus barbarorum gladiis timere, modo Raptores quosdam equanimiter perpeti, modo eis sub studio servata charitatis obviare. In his omnibus nulla mihi virtute major, & admirabilior opere nullo videtur, quam quod ambitionem illam*

illam contempnit ; quæ maximos quosdam Christianæ Confessionis Antistites afflixit , & advertens se ideo Summum Pontificem a Deo constitutum , ut juxta illud propheticum, radicem vitiorum evelleret, virtutes autem plantaret, omnes consuetudines, quas contra Apostolicam traditionem noviter pullulare cognoverat , sub anathematis comminatione damnavit . Tum vero a suo convictu non solum juvenculos, sed & omnes excludens seculares, Clericorum quosdam , vel Monachorum prudentissimos sibi familiares & consiliarios delegit , cum quibus die , nocteque versatus nihil Monastica perfectionis, nihil pontificalis institutionis omisit . Videbantur itaque passim cum eruditissimis Clericis religiosi Monachi adherere , & in diversis Professionibus uniformis videbatur honestas , sanctæque censura mores ministrorum excolebat , ut eorum nullus barbarum quid , vel inconsuetum religioni sermone , vel habitu proferre præsumeret . Idem ita pauperibus inserviebat , ut quaslibet ciborum species illis suo tempore ministraret . E quibus, pauperibus scilicet , cum unum aliquando in quodam recessu vespillones mortuum reperissent , Gregorius arbitratus , eum stipis inopia periisse , per aliquot dies a sacro officio cessavit . Quid plura ? non solum testimonio hominum Communionis , ut ajunt , reformatæ , sed suomet revincam Oudinum . Nonne hoc epitheto Gregorium condecorare non est veritus quam sæ-

pissime in suo supplemento de scriptoribus Ecclesiasticis , edito Parisiis anno. 1686. pag. 155. 170. & 177. & alibi ? Stat ergo non-nisi vatiniano in summos Romanæ Ecclesiæ Pontifices odio pernegatum fuisse a nostro supercilioso censore Pontifici Gregorio cognomentum *Magni* , quod pluris habendum est , quam teste Tillemontio sub initium vitæ S. Leonis Magni , cumulatissimæ quæque laudes , magnūque ab omnibus vocatum , vocandumque esse , cum sic a majori Scriptorum parte vocetur , Nam quod major pars Curix efficit , pro eo habetur , ac si omnes egerint *lib. xix.* Ad municipium , atque ad universos refertur , quod publice fit per majorem partem , *lib. clx. D. de reg. juris .*



D E N O V A
S. GREGORII MAGNI

EDITIONE PROCURANDA
DISSERTATIO EPISTOLARIS

A D

R. P. D. ANGELUM CALOGERA'
SECUNDIS CURIS RETRACTATA, ET AUCTA.

M O N I T U M .

Vulgata in tom. XXI. Opusculorum Calogera
nostra de nova S. GREGORII MAGNI edi-
tione Venetiis procuranda Dissertatione Epistolari,
aliquot prodire libri ad rem potissimum Lyturgi-
cam facientes, quibus Gregorianorum Operum
collectio utilior reddi potest atque illustrior. Itaque
ex eo penu retractatam, & auctam eandem Dissen-
tationem Vindiciis Gregorianis adjungendam cen-
suimus, ut uno libello simul collecta habeat Le-
ctor, qua sive ad vindicandum tanti Pontificis
nomen, sive ad illustranda ejusdem scripta nobis
visa sunt aptiora.

R. P. D.

ANGELO CALOGERA

C A M A L.

J. H. G. C. R.

S. P. D.

IN eo sermone, quem tecum, Cl. Vir, superiori mense istic habui, multa mihi pro tua humanitate & de tuis studiis, quibus totam Italiam maxime illustras, & universim de novis Operibus, quæ in singulos dies ista optimorum ingeniorum mater amplissima Urbs in lucem edit, communicasti. Inter alia vero pergratum mihi fuit audire de nova, quam aliqui meditantur, D. Gregorii Magni Operum editione; præsertim cum diceres, Editoribus in animo esse Patrum quidem Congregationis S. Mauri editionem repræsentare, verum non ipsam putam & puram de verbo ad verbum transcriptam, sed si quid etiamnum castigatione opus haberet, correctiorem atque puriorem, & si fieri posset, auctam etiam & illustratam. Quotus enim quisque Italus gratum non habeat ad faciliorem mentionem Italiæ typis vulgari SS. Patrum volumina, quæ a Regionibus ultra montes sitis non sine magno incommodo accita tanti constant, quæque nisi maximo

bono carere malimus ; nihilominus quovis pretio comparanda sunt ? Cum enim ipsa per se totius eruditionis , atque doctrinæ Catholicæ suppellectilem nobis sufficiunt , tum vero potissimum , postquam doctissimi Viri , deque Christiana Republica optime meriti ad illa a quampluribus mendis , quæ ob incuriam , & exscriptorum inscitiam irreperant , repurganda , suoque pristino nitore , a quo propter præteritorum temporum barbariem multum aberant , restituenda accesserunt . Verum huic hominum generi , qui SS. Patrum editiones exterarum nationum studio concinnatas Italiæ communes facere student , major gratia habenda est , si totis viribus in illud contendunt , ut ad obscuriores locos in majori luce ponendos , ad errores , qui forte exciderunt , corrigendos , & ad ea , quæ ab aliis omissa fuerunt , supplenda de suo quidpiam adjungant . Quamvis enim doctissimi Monachi Benedictini , ut de aliis taceam , in omnibus fere SS. Patrum Operibus ; quæ de novo emiserunt in lucem , suum studium viris eruditis probaverint ; nihilominus eorum editionibus aliquid addi posse , quod operæ pretium futurum sit , dubitaturum arbitror neminem . Multi enim adhuc latent in Bibliothecis præsertim Italiæ manu scripti vetustissimi codices , quibus , non solum aliquot
loca

loca illustrari possint, verum & integræ lacunæ suppleri, immo & toti ipsi libri, quos a veteribus Patribus scriptos esse ex Historia Ecclesiastica scimus, quique ad nostras manus nequaquam venerunt. Sed hoc pro rei dignitate præstare non omnium est; propterea, quod multis naturæ, artis, atque fortunæ dotibus opus est, quas non ita facile in aliquo invenias; ingenium perspicax, acre iudicium, latini, græcique sermonis notitia, universæ cum profanæ, tum sacræ eruditionis cognitio, Theologicorum dogmatum scientia; præterea, quod ex fortuna magis pendet, optimorum Codicum copia, sine quibus, etsi reliqua omnia forent, nihil satis magnum hac in re possumus obtinere. Nulla quippe certior via est, admonente litteris, pietate, ac muneribus vere Eminentissimo Cardinali Angelo Maria Quirino, *secernenda, eluendaque interpolationum facienda, quam ut priscorum exemplarium auctoritas consulatur etenim cum ab illis veterum Patrum operibus, ceu a coelestibus rivis, salutis scientia fidelibus haurienda sit, quam maxime refert, ut nativis tantum aquis fluentes nullis peregrinarum doctrinarum sordibus*

N 4 conta-

a Sub initium Præfat. officii Quadragesimalis Græcorum in latinum sermonem conversi, atque ad fidem præstantissimi Codicis Barberini editi Romæ græce, & latine anno 1721. antequam laudatus auctor Corcyrensis Insulis admooveretur.

contaminentur. Quapropter probare non possum consilium tuum, qui cum me inter colloquendum desiderio hujus novæ Editionis Operum S. Gregorii flagrantem vidisses, & nonnulla universim ad eam illustrandam necessaria suggerentem audisses, multis me hortari coepisti, ut hanc provinciam susciperem, quæque mihi in hanc sententiam venirent in mentem, litteris mandarem. Nam præterquam quod valde me a naturæ & artis bonis inopem nosco; in ea Urbe moror, quæ nullum mihi suppeditare potest S. Patris antiquum Codicem^a; & iis occupationibus distineor, quæ ad illos conquirendos diuturnum in longinquas partes iter non sinit suscipere, & ea auctoritate non polleo, qua possim aliunde ex manuscriptis Codicibus variantes lectiones accersere. Verumtamen, ut tibi, cujus auctoritas apud me plurimum valet, morem gererem, & simul effugerem notam temeritatis, domum reversus consilium coepi, meas in dictum Opus animadversiones ad te perscribere, tibi que dicare; ut quo singulari

^a Ne colligas velim, Codicibus aliis prorsus esse destituta Brixienſium Carthophilacia; suos & ipsa possident Codices; quos inter iſi ſunt præclari cum vetuſtate, tum rebus, & etiam raritate, quos Illuſtriſſimi Canonici Cathedralis cuſtodiunt, quorumque Elenchum prope diem dabimus in noſtro ad Brixienſium Epiſcoporum Commentario hiſtorico.

gulari iudicio doctorum hominum opuscula usque nunc selegisti, quæ in tuam omnibus probatissimam collectionem typis edenda conferres, eo meam hanc lucubratiunculam examinares; & si dignam putaveris, quæ in eorum opusculorum numerum referatur, in lucem emitteres; sin minus tali consortio indignam existimaveris, inter rejectanea æternis tenebris obruenda rejiceres. Ne tamen expectes, dum ipsius textus, notarumque eidem subjectarum animadversionem suscipiam. Hoc enim, præter alia, copiam Codicum manuscriptorum desiderat, quos mihi deesse jam sum professus. Quapropter in idea generali ipsius Operis fere versabor, & eruditas Præfationes singulis quatuor tomis præfixas, eo, quo ab Editoribus ordine collocatæ fuerunt, examinandas aggredior.

Datum Brixiaë

Kalend. Octobris An. 1739.

Tomus primus Exegetica continet in S. Scripturam, & a Moraliū libris sumit initium. Inter alia, quæ proferunt argumenta, in^a Præfatione ad hos libros Maurini, ut ostendant magno in honore quovis ævo habitum fuisse aureum hoc Gregorii Magni Opus, illud

illud est præcipuum, quod repetunt ex multis, iisque vetustissimis in vulgares linguas interpretationibus, quas etiam nominant. Verum nostræ Italicæ ne meminere quidem, quam tamen dignam esse, quæ in hunc catalogum referatur, nullus dubito.

Debetur illa studio Joannis Zanobii Strætæ Florentini, qui circa seculi xiv. medietatem adeo litteris bonisque moribus apud suos florebat, ut non alio fere, quam *Patris, Magistri*que nomine appellaretur.

Porro etsi Italica lingua per id temporis inops adhuc foret, nihilo tamen minus labor hic ita feliciter ei cessit, ut videatur utroque sermone, Latino scilicet, & Italico, Jobi librum fuisse a S. Gregorio interpretatum. Libros dumtaxat decem & novem, & ultimi libri duodeviginti capita ipse convertit, quippe morte præceptus, quam opetiit an. 1369. persequi cetera non potuit, quæ deinde ab alio incerti nominis auctore translata fuerunt.

Hanc versionem Nicolaus Lamagna, sive Alamannus, primus typis edidisse fertur an. 1486. Florentiæ duobus Tomis in fol. quos jam quinque ante annos in lucem fuisse emissos adnotarat Cl. Marchio Maffejus^b, Romæ
vero

^a Error irrepfit in Veneta litteratorum Ephemeride an. 1716. ubi pag. 6. legitur an. 1481.

^b In Opere inscripto: Traduttori Italiani pag. 67.

vero an. 1714. iterum cudi coepta est auctore Ven. Card. Josepho Maria Tomasi Cl. Reg. opem ferente Justo Fontanini, qui & corrigendi laborem suscipere non est gravatus, & eruditam in fronte primi Tomi in 4. qui octo complectitur priores libros, apposuit Præfationem, in qua & hujus editionis pium Thomasi scopum aperuit, & multa ad Zenobii vitam pertinentia, & ex Florentina Fratrum Villanorum Historia potissimum deprompta narravit; ceteri vero Tomi, omnino tres, annis 1721. 1725. 1730. in lucem prodire.

Aureus Regulæ Pastoralis liber, qui in altero Tomo primum obtinet locum, etsi aliis editionibus longe castigatior ope viginti & amplius optimæ notæ mss. heic repræsentetur, non ita tamen purus a mendis habetur, ut eruditorum diligentiam amplius non requirat. Non parum igitur lucis afferre ei posset Veronense paucis ab hinc mensibus editum exemplar a Bartholomæo Campagnola amplissimi Veronensis Capituli Cancellario, & S. Cæcilie ejusdem civitatis Archipresbytero multis in locis emendatum, variisque illustratum lectionibus ope duorum Bibliothecæ Capituli Veronensis Codicum manuscriptorum

a Scilicet anno 1738. typis Veronensibus.

ptorum, qui octingentorum antiquitatem annorum præferre putantur.

Secundus datus est locus Dialogorum libris. In eorum Præfatione nostri Editores Benedictini eadem sequuntur vestigia, quæ ab ipsis impressa fuerunt in Præfatione Moralium. Catalogum enim texunt interpretationum hujus Operis in multas vernaculas linguas. *Optimam*^a, ait Dionysius a S. Martha, cui primæ in toto opere tribuuntur, *de eisdem* (Dialogis) *conceptam opinionem confirmat quoque, quod tot in linguas conversi legantur*. Hinc referuntur versiones in linguas Græcam, Arabicam, Saxonicam, Gallicam; sed Italicam commemorant nullam.

Porro nostra Brixiana Bibliotheca, cui plurima recenter librorum cum veterum, tum recentiorum accessio facta est, atque in dies magis magisque, dante Divina Providentia, fiet, duas habet hujus Operis in Etruscam linguam interpretationes. Utraque Venetis typis est edita: Prima per Angelum de Toresanis Asulensem in 4. an. 1487. die 20. Februarii, altera in 8. quæ superioris est recusio per Dominicum, & Fratres Zio an. 1538.

Quodnam interpreti nomen, & cujas is esset, ex eo non liquet, & Anonymus etiam citatur a solertissimis harum rerum indagatoribus

ribus Etrusci Vocabularii Collectoribus . Ex vetustiori editione an. 1475. die vigesima mensis Aprilis editam quoque Venetiis sine Typographi nomine , cujus loco tres hæ leguntur initiales litteræ P.M.F. concinnatam colligitur fuisse a Leonardo Utinensi .

Ex Præfatione tamen Interpretis , quatuor aperte colliguntur . 1. Auctorem alicui Religiosæ Familiæ nomen dedisse , quæ elemosynis vitam tolerabat . 2. Eum in interpretatione malle ad sententias potius attendere , quam ad verba ; quod & fecit , uti textibus inter se conferendis potest unusquisque periculum facere . 3. Inventum fuisse neminem , qui ante ipsum hanc Provinciam , multæ licet utilitatis ad rem Christianam fovendam , suscipere voluerit . 4. Auctorem demisse omnino de se sentire , unamque spectasse in hoc labore D.O.M. gloriam .

Ad finem prioris editionis nostræ Bibliothecæ extat vita ejusdem S. Gregorii eandem omnino referens interpretandi rationem ; atque translatio est , mea quidem sententia , perbrevis illius a Paulo Diacono conscriptæ . Aliam perlustravi hujus Operis in eandem linguam translationem industria Torelli Folæ Fesulanæ Cathedralis Canonici Venetiis editam typis Christophori Zanetti an. 1575. in 4.

De-

Demum præter istas aliam in eadem Italica lingua Dialogorum editionem commemorant Annales Typographici ^a impressam Cajetæ per Magistrum Justum an. 1488. die 24. Martii in fol. Alias etiam, ne multus sim in re parva, ejusdem Operis translationes vide, si lubet, penes Albertum Fabricium in Bibliotheca ^b *media, & infima latinitatis*, & citatum Maffejum, necnon Joannem Mariam Paitonum Cl. Reg. Somaſchum in Biblioth. auctorum græcorum & latinorum ^c. Ad ejusdem autem Operis in orientales linguas translationes quod attinet, omiſſis illis, quæ ab aliis commemorantur, recensenda est ea, quæ laudati Eminentissimi Quirini opera, ac studio triginta ab hinc annis edita fuit Venetiis eruditis notis illustrata, & cum Ms. collata, quæque alterum continet græce, & latine Dialogorum librum, in quo narratur vita S. Benedicti. Hanc ipsam Italicè redditam habemus Venetis quoque typis vulgatam an. 1733. Armenicæ etiam Nationis præclari Viri tam utile, atque ad instituendos corrigendosque mores accomodatum idem Dialogorum Opus existimarunt, ut ejusdem in suam linguam versioni Operam dederit Nierces Lam-

^a Tom. I. part. I. pag. 493. edit. Amst. 1733.

^b Tom. III. pag. 249. Amburgi 1735.

^c *Inlata est in opusc. Caloghor. tom. xxxiii. pag. 531.*

Lampronensis sanctissimus , & doctissimus illius nationis Episcopus Tarsensis an. 626. Computi Armeni , qui incidit in annum a partu Virginis 1177. eam nos rem docuit Menologium Armenum in quo ad diem 17. Julii ita est : *Commemoratio est S. Niercensis Lampronensis , transtulit de Græco in Armenum historiam S. Gregorii Romanorum Papa* ^a .

In eodem hoc Tomo occurrunt Gregorianæ Epistolæ , in quibus illustrandis præclaram , ac diligentissimam operam posuisse post Gussanvilæum , nuperos editores cognovit & ipse , ac testatus est Fabricius supra citatus . Nobis vero unum minus probatur , quod ab earum numero eximendam esse arbitrati sunt , quæ posita erat in Frobeniana editione initio lib. 11. indict. x. quæque inscribitur de *Litania Majori* , & tertium Appendicis locum eidem dederunt . Sed primo suo auctori , locoque restituendam esse decerneret quicumque perlegerit , quæ habet Cajetanus Merati Cl. Reg. in suis eruditis ad Gavantum observationibus ^b . *Patres Benedictini* , ait ipse , eo quod

^a Apud Clementem Galanum Cler. Regul. in historia unionis Ecclesiæ Armenæ cum Latina tom. I. pag. 108. & 344. Romæ anna 1672. , qui Galanus omnium ut reat , primus adnotavit pag. 109. cit. Operis , ritus sacrarum ordinationum apud Armenos ab ipsomet Gregorio desumptos fuisse .

^b Tom. I. pag. 1204. edit. Rom. 1737.

eo quod hanc Litaniam terminari S. Pontifex jubet ad S. Petrum, existimant hanc Epistolam esse supposititiam, putantes eam pugnare cum dictis in sermone de mortalitate, in quo Statio indicitur ad Ecclesiam S. Dei Genetricis. Verum si animadvertissent S. Gregorium in illis duobus locis non de una & eadem Litania agere, eam profecto opinionem exuissent. Inter igitur primam & secundam ex dictis Litaniis hoc intervenit discrimen, quod prima pro ingruente calamitate, & ad submovendum pestilentiae inguinariae flagellum primum indicta fuit an. 590. & in mense Augusti die 29. ac per triduum, ut aliqui tenent, fuit celebrata. secunda vero jam erat ante Gregorii ævum instituta, & jam facta anniversaria, ut patet ex illius verbis, & deinceps saltem verno tempore, & diei 25. Aprilis adhesit addicta, ut colligitur ex Sacramentario ejusdem Gregorii a Pamelio edito, ubi talis Litania major sic adnotatur 7. Kalendas Maji, idest 25. diei mensis Aprilis, Litania Major ad S. Laurentium in Lucina. Hactenus verba Merati, quibus perspicuum fit, quam sit infirma, prima, & præcipua Maurinorum adversus hanc Epistolam ratio.

Neque obesse potest illud, quod addunt, in omnibus fere manuscriptis Codicibus eam desiderari; namque adversus hoc argumentum mere negans tria sunt argumenta affirmantia. 1. Epistola, de qua nunc disputatur,

tur, extat in aliquot Codicibus, quos lustrarunt ipsi Maurini; dicunt enim illam abesse ab omnibus pene mss. ergo in aliquibus reperitur. Reipsa eam legimus in duobus vetustis Gregorianarum epistolarum mss., quorum alter spectat ad PP. Minorum Conventualium S. Mariæ Gratiolæ (*vulgo i Frari*) Venetiarum: alter vero ad Regii Archigymnasii Augustæ Taurinorum Bibliothecas optimis editis, & manu exaratis libris instructas. 2. Legitur in omnibus editionibus, ipsa non excepta, quæ prodiit ex officina Frobeniana, de qua dixerat Erasmus *non est alia vel accuratior, vel unde plus bonorum exeat Codicum*^a. 3. Stylus omnino Gregorianus est, quæ omnia simul collecta maximam habere vim, nemo non videt.

Quod attinet ad Homilias, quæ hoc in Tomo sunt, ipsis quoque fuit locupletata lingua nostra, in qua fuere editæ an. 1502. Florentinis typis in fol.^b

Sub initium tertii Tomi illud exhibetur Sacramentarium Gregorianum, quod an. 1642. ex Codice Bibliothecæ Corbejenfis Monasterii S. Eligii publici juris fecerat Cl. P. Menardus. Rectene, an secus, disputatum video

O

ab

^a Apud Cave *Hist. Litter. pag. 17. edit. Col. Allob. 1720.*

^b Ex indice Bibl. Card. Imperialis pag. 556.

ab eruditis, quibus magis placet illud, quod ex Codice Colonienſi in lucem emiſerat Cl. Pamelius, notisque marginalibus adornaverat in tom. 11. ſui Liturgicæ Eccleſiæ Latinæ Coloniae an. 1571. Illud enim Menardi octavo ſeculo non putatur antiquius, nec purum eſt, cum multa ei ſint addita, multaque dempta; Pamelianum autem & antiquius eſſe, & integrius oſtendit inter alios laudatus Thomafius in ſua ad Codices Sacramentorum Præfatione^a, etſi neque illud ſit purum putumque S. Gregorii juffu conflatum. Multos quidem Sacramentarios Codices mſs. qui Gregorii nomen præſeferebant ſe legiſſe narrat eruditiffimus Petrus le Brun^b in ſuis ad ſacrum gallicis obſervationibus. Verum e tenebris germanum eruere res eſt ſummi laboris, aridentisque fortunæ. Faxit Deus O.M, ut tale illud ſit, quod ex antiquiſſimo Reginae quondam Svecorum Codice Merati in obſervationibus ad Gavantum^c, ſe daturum promittit, in eâ, quam parat Liturgiarum Occidentalium Collectione.

Interim e re liturgica foret, Pamelianum cum ſuis notis loco Menardiani recudere: cumque

^a Tom. vi. Operum Ven. Card. Thomafii, quæ ſtudio Franciſci Vezzofi Cl. Reg. typis Romanis cuduntur.

^b Tom. 11. diſſert. 11. pag. 160. edit. Pariſ. 1720.

^c Tom. 1. part. 1. pag. 9. edit. cit.

cumque Menardi notæ a Criticis, vel emunctissimæ naris plurimi, & quidem jure ac merito, fiant; nec non illæ, quas interseruere de suo Benedictini, viris eruditis probentur; fane pretium operæ faceret, qui meliores seligeret, & post singulas quasque columnas, variantibus non omissis lectionibus, repræsentaret^a. Sacramentario attextitur *Benedictionale*, seu solemnum ab Episcopis dicendarum Benedictionum ordo, & series. Verum a Gregorii operibus illud opus, quod in vetustioribus editionibus Antuerpiensi, & Romana non invenitur, siquis jusserit exulare, uti posset & gravi ratione, & præcla-

O 2 ra au-

^a Præter hæc, utilitatem longe majorem ad exprimendum Gregorii Sacramentarium primævis fontibus conformius, si Codices possent suppeditare publici juris nuperrime facti per Dominicum Georgium tomis II. & III. Liturgiæ Rom. Pontificis, per Muratorium tom. II. Liturgiæ Veteris Romanæ; sed imprimis per cit. Vezzosi; hic enim iis Codicibus, quos Thomasius sibi compararat, quosque morbo abreptus vulgare non potuit Cajetanus Merati, optime usus est in Gelasiano Codice illustrando; ex quo Gregorianum Sacramentarium magna ex parte coaluisse constat: qui de causa Thomasius cogitasse de nova Gregoriana editione multis est a Vezzosi probatum rationibus pag. 32. Præfationis ad tom. VI. Operum Thomasi, quibus & hæc addere placet verba ipsiusmet Thomasi deprompta ex notis ad antiquos libros Romanæ Ecclesiæ pag. 386. 10. v. cit. editionis: Cum edita Gregoriana Sacramentaria habeamus interpolata, quæ sinceriora fortassis edemus, annuente Domino.

ra auctoritate ; atque ad primam quod attinet, illi ritus in eo describuntur, qui a Romanæ Ecclesiæ usu prorsus erant alieni. Quis ergo sibi poterit persuadere, eos exisse a Gregorii penu, qui totus in eo erat, ut eidem Ecclesiæ sacrarum omnium cæremoniarum ordinem præscriberet? Ad aliam vero quod spectat Mabillonium virum, si quispiam alius, in hisce quoque rebus discernendis perspicacissimum, posset in medium afferre: Non ergo inferendum erat, ita ipse pronuntiat, *Benedictionale novæ Gregorii Operum editioni, quod a ritu Romanorum, atque adeo ipsius Gregorii mente alienum est; tametsi in Codice Bibliotheca Casarea Sacramentario Gregoriano subiectum reperitur, utpote descriptum ad alterius Ecclesiæ usum, quam Romanæ*^a. Quamobrem a...o contra etsi foret existimandum illud Benedictionale cum propter antiquitatem satis remotam, tum propter res, quibus constat, non iccirco in Gregorianorum Operum editione iniiciendum est, nisi eam mavis appellare collectionem Veterum monumentorum ad Ecclesiasticas quæque res pertinentes.

Benedictionale sequitur ejusdem Gregorii Antiphonarium, seu potius eorum collectio, quæ chorus in Missa canebat. Opus
hoc

^a In Commentario ad ordines Romanos pag. 51. to. II. Musæi Italici Parisi 1724.

hoc jam a Pamelio , & ab aliis editum recensitum fuit a Maurinis , & ad multos Codices mss. maxime vero Compendiensem S. Corneli diligentem exactum , quem Codicem & insignem vocant ^a , & nono seculo exaratum fuisse suadere nituntur tum ex scriptura , tum ex quadam prosa tempore Caroli Calvi Imperatoris descripta .

Verum tantæ non esse monumentum hoc vetustatis non leve mihi ingerit dubium *λετργία* , quam habet de Trinitate ^b . Obscurum enim est , plenumque quæstionis , quisnam Trinitatis Officii fuerit auctor , quis vero Festum hunc diem , ait appositè Thomassinus ^c , primus auctor instituerit , sub judice lis est . Consonat Christianus Lupus , vir sacræ antiquitatis peritus , qui postquam illud Gregorio IX. minime esse tribuendum ostenderat , suam de illius festivitatis initio apud Romanos inscitiam ita ingenue fatetur : *Quis Pontifex ipsam admiserit, usque huc ignoro* ^d . Sunt qui Joanni XXII. Universali Cathedræ promotæ anno 1316. illud adscribunt , quo-

O 3 rum

^a Tom. III. pag. 650. ^b Pag. 725.

^c De Festis lib. II. cap. XIX. num. IX. pag. 84. edit. Ven. 1729.

^d In notis ad Concilium Romanum Alex. III. to. V. pag. 157. oper. Venetiis 1725. in eadem versatur dubietate Grancolas Comment. historique sur le Breviaire Romain tom. II. pag. 381. Paris. 1729.

rum opinio Ptolomæi Lucensis narratione posset confirmari: Item prædictus Pontifex (inquit) Dominus Joannes (XXII.) instituit, quod festum Trinitatis solemniter celebrari deberet singulis annis Dominica post festum Pentecostes, licet Romana Ecclesia hoc festum antea singulari officio non consuevit celebrare, ut extat de Feriis^a. Quibus tamen verbis, an res ita clare conficiatur, ut nullum reliquum faciant dubitationi locum, aliorum esto judicium: nobis certe non ita perspicua videtur, propterea quod celebrari poterat ante illud tempus absque distincta solemnitate, & una simul cum alio officio, quæ duorum officiorum copulatio insolens non est, nec infrequens in Romanorum Liturgiis; quamobrem contenti sumus affirmare cum Edmundo Martene, jussu fuisse ab eo Pontifice, ut celebraretur solemniter, ubique, & quot annis^b. Porro citra controversiam illud nobis videtur positum, apud Romanam Ecclesiam mille ab hinc annis disputatum officium prorsus fuisse incognitum, cum præteritum sit in Codice Gelasiano per Thomassium edito, cujus de tanta antiquitate post Thomassii, & Vezzosi pro-

^a Editus a Bollandistis in *Propilæo*, sive tom. VII. SS. *Maji* pag. 404.

^b *Lib. de Antiquis Ecclesiæ ritibus* IV. cap. XXIV. tom. III. pag. 548. *Antuerpiæ*, sive potius *Mediolani* 1737.

probationes nemo cordatus vir ambigere amplius potest. Eo in Codice Dominica proxima post Pentecosten Liturgiam continet *de Feria*, ut ajunt, atque inscribitur in *Dominica octavarum Pentecostes*^a. Accedit collectio veterum Orationum ad Ecclesiæ Romanæ usum, quam laudatus Thomasius ex variis vetustissimis Codicibus deprompsit, ubi de Trinitatis festo ne vestigium quidem; Dominica vero post Pentecosten eodem signatur modo, ac in Codice Gelasiano^b.

Verum quidem est Caroli Magni tempore in quibusdam Galliæ Ecclesiis eam celebritatem coeptam fuisse^c; nihilo tamen minus Romana in Ecclesia seculis x. & xi. nondum obtinuisse præter auctoritates modo commemoratas, aliis confirmatur luculentissimis eorum temporum monumentis. Enim vero nihil tale occurrit in Joannis Frontonis Capitulari Evangeliorum^d Ecclesiæ Romanæ, quod

O 4

vetu.

a Pag. 103. tom. vi. Oper. Thomasi edit. novæ.

b Pag. 480. tom. ii. Oper. Thomasi cit. edit.

c Quod est a Martene observatum loco supra commemorato productis veteribus illarum Ecclesiarum Officialibus, ac Liturgicis libris.

d Dominica octabat Pentecosten ita est eo loci pag. 176. edit. Veronen. 1737. in quem locum animadvertere non prætermisit Fronto nullum hic vestigium Trinitatis; neque olim festivitas hæc in Ecclesia fuit. Illud monumentum ex ms. S. Genovefæ Parisiis, cujus Fronto

vetustius fertur seculo x. eamdem præfert antiquitatem illud Romanæ Ecclesiæ Calendarium a Græco Leone Allatio^a e tenebris erutum, in eoque sive Dominica post Pentecosten, sive quovis alio die, ne vestigium quidem invenies disputatæ solemnitatis. De seculis vero posterioribus x. & xi. adduci solet Auctor libri de Ecclesiasticis observationibus, qui Micrologi nomine circumfertur, vixitque medio seculo xi.^b Refert enim sexagesimo cit. Operis capite, Alexandrum Pontificem Rom. (qui fuit hujus nominis iI.) hac de solemnitate, quam in Galliis ortum habuisse supra animadversum est, interrogatum respondisse, nullam diem juxta Romanum Ordinem specialiter adscribi solemnitati Trinitatis

Fronto erat Canonicus Regularis aureis characteribus exaratum editum est, præfixo hoc titulo: Kalendarium Romanum. Sed cur a nobis vocatum sit Capitulare Evangeliorum Ecclesiæ Romanæ videbis cit. Vezzosi p. 24. Præfationis in tom. v. oper. Thomassi. Illud superare tempora Gregorii III. qui sedit anno 731. ostenderat Fronto paragrapho secundo prænotandorum ad idem monumentum.

a E Bibliothecæ Vaticanæ Codice ante nongentos, ut dicitur, annos descripto intulit Leo Allatius in Dissertatione de Hebdomadibus Græcorum, & est ad pag. 1487. sui Tractatus: de Ecclesiæ Orientalis, & Occidentalis perpetua consensione, editi anno 1648. Coloniae Agrippæ sed verius Amstelodami.

b De vero hujus libri auctore differuit erudite Franciscus Berlandis nostras in Dissertatione de Oblationibus ad Altare par. i. §. 6. pag. 168. edit. latinæ 1743.

tatis, quemadmodum neque Unitatis, propterea quod divinarum Personarum memoria quotidie celebratur, quam Pontificis responsionem comprobant antiqui libri Missarum. Romanæ Ecclesiæ vetustissimi per laudatum Ven. Thomasiū in lucem emissi^a, in quibus idem observare licet silentium, quod in vetustioribus observabamus ejusdem generis monumentis. Neque moramur quod integrum Trinitatis Officium inveniatur eo in Antiphonario, quod Gregorii nomine vulgavit citatus Thomasius^b; namque perspicax Editor ea propter noluit seculo XI. vetustius illud existimare: *Ad x. vel XI. seculum* (sunt hæc ejus verba) *ob Officium præsertim S. Trinitatis, quod ignotum erat seculis prioribus, facile referrem^c.* Præterquamquod ex minutiori charactere, quo illud exprimi fecit facile elicitur, unum esse ex illis Officiis ad Monasticum usum accomodatis, & Gregoriano Antiphonario adsutum ab aliquibus Monachis, forsan Monasterii S. Galli in Helvetiis, ex cujus Bibliotheca apographum habuerat Thomasius, quique Monachi, adinstar plurium Gallici Regni Ecclesiarum, illud Officium celebrare

^a Tom.v. pag. 131. edit. novæ. *Tota Liturgia est de Spiritu Sancto in Dominica proxima post Pentecosten sic inscripta: Dominica octav. Pentecostes.*

^b Tom.IV. pag.207. edit. novæ.

^c Sub finem Præfat. Responsorialium tomo supræcit.

lebrare probabiliter incœperant, qua etiam ratione, & Officium S. Brictii apud Galliarum Monachos celebris eodem habes characterē signatum.

Quod si in nonnullis ex hisce monumentis v g in Codice Gelasiano ^a *Secreta* (ut nunc dicimus) quæ olim Præfationis nomine continebatur, est de Trinitate, nihil negotii nobis facessit, nihilve ea monumenta, maxime vero Gelasianus Codex de assertæ vetustatis gloria admittere censenda sunt, propterea quod ipsomet Gregorio Magno antiquior sit ritus laudandæ Trinitatis in omnium Dominicarum Liturgia: cujus rei testem damus citatum *de observationibus Ecclesiasticis* vetustum Scriptorem: *Incongruum ergo videtur* (inquit ipse prope finem capitis lx. nuper commemorati) *unam Dominicam de S. Trinitate celebrari, cum omnes Dominicæ authenticis abundent Officiis, quæ non minus nobis intimant honorem S. Trinitatis. Præfationem autem de S. Trinitate, quam in diebus Dominicis frequentamus, non ex Albino, (Alboino) sed ex Romana auctoritate suscepimus, nam hæc est una ex illis novem, quas solas Pelagius Papa Antecessor Gregorii constituit observari.*

Porro si quis putaret citatam ex Codice
Gela-

^a Pag. 104. ubi vides hæc ex Præfatione eam fuisse desumptam, quæ habetur in hodiernis R.E. Missalibus.

Gelasiano Præfationem eandem esse, cujus meminit Micrologus, a Pelagio institutam, a veritate fortasse non abhorreret, cum eadem levi quadam nonnullarum syllabarum immutatione repræsentent Gregoriana Sacramentaria^a. Equidem scio Menardum in notis ad Sacramentarium Gregorianum^b partim convenire cum Micrologo, & partim ab eo dissentire: in eo convenit quod eandem adjudicet citato Pelagio: dissentit autem, quod neget institutam ab eo Pontifice, ut subsequentibus Dominicis usui esset, bene vero ut festo SS. Trinitatis inserviret. Interpretationem hanc nititur probare auctoritate Codicis S. Eligii, & Sacramentarium Vaticanorum, in quibus adest festum S. Trinitatis; miratur deinde scribi potuisse a Micrologo, illam Præfationem frequentari diebus Dominicis: *Nam in omnibus nostris Sacramentariis mss. (verba sunt Menardi) & in editis ex Vaticano, ejusmodi Præfatio in nulla Dominica, (si octavam Pentecostes exceperis) reperitur; sed singulis Dominicis propria sua tribuitur Præfatio, qui sane Codices mss. ipso Micrologo sunt antiquiores, qui proinde solam suæ tempestatis usus in quibusdam Italiae locis rationem habuisse* vi.

^a Apud Maurinos tom. xii. Oper. Gregorii pag. 103. & apud Muratorium tom. ii. Liturgiæ veteris Rom. pag. 321.

^b Tom. xii. Oper. Gregorii pag. 401.

se videtur non satis explorato usu antiquiore. Quare ex his, qua supra notata sunt, ejusmodi præfatio videtur a Pelagio instituta ob festum S. Trinitatis. Verum ea facilitate, qua ipse a Micrologi narratione recessit, liceat & mihi a sua opinione recedere, tum quia nullo Codice adhuc detecto vetustiore seculo x. probari possit festum Trinitatis fuisse tunc temporis apud Romanos receptum, tum quia in aliis Sacramentariis (Gregoriana si excipias) haud semper singulis Dominicis propria tribuatur Præfatio. Enim vero etsi in Gregorianis Sacramentariis ab octava Pentecostes usque ad primam Adventus Dominica xxiv. recensentur Dominicæ, in Gelasiano tamen xvi. dumtaxat enumerantur, quod argumento est, aliquid olim intercessisse etiam in hoc capite Gelasianos inter, & Gregorianos ritus discriminis. Jam vero creditu facile est, Præfationem Dominicæ octavarum Pentecostes assignatam, subsequenter frequentatam, fuisse octo Dominicis, atque in eo sensu scripsisse Micrologum, Præfationem de Trinitate esse unam ex illis novem, quas solas Pelagius Papa constituit observari. Ad hanc persuadendam conjecturam in medium afferri possunt hujusmodi exempla ex veteribus Gothico-Gallicanis Missalibus deprompta, quæ etsi rem non ponant extra omnem controversiæ

fiæ

fiæ aleam, magnam nihilominus vim habitu-
 ra sunt apud Liturgicarum rerum peritiores,
 quibus exploratum esse debet, haud parum
 Gelasianos, & Gallicanos vetustos Ordines
 inter se convenire^a. Ut igitur omittam in
 Missali Gothico nullam Missam post clausum
 Paschæ de Dominicis consequentibus usque
 ad Pentecostes adnotari^b, eo quia *Paschales re-*
petebantur, interprete Muratorio^c; una dum-
 taxat Missa post Pentecosten usque ad Adven-
 tum in Lectionario Gallicano habetur, in Mis-
 sali vero Gallicano sex, in Mosararabico se-
 ptem, quam differentiam cum animadvertis-
 set Mabillonius lib. II. de Liturgia Gallicana^d,
 ita sibi esse concludendum existimavit: *Itaque*
repetebantur illæ Missæ quando festa Sanctorum
in Dominicas non incurrebant, quam Mabillonii
 observationem Vezzosi quoque intulit in sua
 illorum Missalium editione^e. Quibus expen-
 sis, cum ex altera parte Gelasianum Codicem
 nongentis annis vetustiorē esse in dubium
 revocari nequeat: ex altera vero satis osten-
 disse putem Præfationem de Trinitate, quæ
 in eo continetur, nulla ratione spectasse ad
 solemnitatem Trinitatis, bene vero pro Do-
 minicis

^a Eam convenientiam omnium, ut arbitror, primus
 adnotavit Mabillonius lib. II. Liturg. Gallic. pag. 177.

^b Pag. 866. apud Muratorium loc. cit.

^c loc. cit. ^d Lib. II. pag. 157.

^e Tom. VI. Oper. Thomasi pag. 301.

minicis aliquot institutam fuisse, iccirco illud constare arbitror, quod mihi erat ostendendum, Gregorii nimirum Antiphonario a Maurinis dato, ex eo quia Trinitatis Liturgiam contineat, non eam concedi posse antiquitatem, quam ipsi tribuendam esse censuerunt, atque adeo aut post seculum ix. exaratum fuisse, aut ad Ecclesiæ Romanæ usum minime spectasse.

Neque in Maurinorum sententiam venire possum, qui ad vindicandam suo monumento, aliisque id generis, assertam ix. seculi antiquitatem, a Romanis dicunt^a Pontificibus hoc Officium fuisse instauratum, quod antiquitus celebrabatur, & deinde fuit intermissum. Profecto qua ratione de Rom. Ecclesia, cujus *Λειτουργία* habet hic Antiphonarius, possit affirmari non video. Nullum enim ad hanc diem, quo assertio illa innitatur, e tenebris eductum est, quod ego sciam, monumentum; quin immo tale quidpiam adhuc latere vix adduci possum, ut credam; quia a laudato Thomasio viro emunctissimæ naris, harumque rerum indagatore diligentissimo aliquod fuisset detectum vestigium, neque, qua erat in affirmationibus religione, Trinitatis Officium ante sec. xi. vel x. ignotum fuisse absque ulla hæsitatione pronuntiasset.

Suc-

^a Tom. iil. Oper. Greg. pag. 401.

Succedunt alia ad Ecclesiasticum cursum spectantia , scilicet Responsorialia , Antiphonaria , & Hymni ejusdem S. Patris . In observationibus autem præviis ad Collectionem Responsoriorum ^a negant Maurini, genus hoc λειτουργικῶν lucem ante vidisse , iccirco publici juris se illud facere , ajunt . Tamen silentio non est prætereundum , duodeviginti annis priusquam hic Tomus emitteretur, Josephum Thomassium publicasse sub nomine Josephi Cari Romæ , præmissa eruditissima Præfatione, ex vetustissimis Codicibus ejusdem rationis complexionem , cui est hic titulus : *Responsorialia & Antiphonaria Romanæ Ecclesiæ a S. Gregorio Magno disposita . Accedit Appendix varia continens monumenta vetera ad Antiphonas, Responsorialia , Ecclesiasticosque cursus pertinentia .*

Ex mss. Codicibus nunc primum prodeunt , Scholiisque explicantur .

De his Thomassii monumentis nescio quid causæ fuerit , cur Benedictini omnino siluerint . Eorum tamen mentionem fecerat Mabillonius in tom. 1. Musæi Italici ^b , ubi ait recte probat amicus noster pius & doctus Josephus M. Carus sive Thomassius in erudita Præfatione sua ad Responsorialia , & Antiphonaria , quæ Romanis typis anno superiore prodierunt .

Plurimi quidem faciendum esse Maurinum

num Codicem ultro concedo , utpote XI. & X. seculo antiquiorem ; sunt enim in Dominica Septuagesimæ Officia Allelujatica , & deest SS. Trinitatis Officium : tamen contemnendus non est ille, quem Thomafius edidit, tum quod & sua gaudet antiquitate, tum quod omnium primus in lucem prodiit.

Hic habet præter appendices , duo Responsorialia & Antiphonaria . Primum est Vaticanæ Basilicæ notis Musicis , sed non iis, quæ hodie sunt in usu , connotatum : *Ritus exhibet*, ut verbis utar ipsius Thomafii in Præf. *usurpari solitos in Ecclesia seculo XII. Per id temporis scriptum existimamus , quod ab Alexandro III. ad Gregorium IX. excurrit .*

Alterum quod est antiquius erat Monasterii S. Galli in Helvetiis , Thomafioque fuit communicatum ab Hermanno Shenk ejusdem Coenobii Bibliothecario & Thomafii peramico . Refertur illud ab eodem Thomafio ad seculum X. vel XI. ob Officium præsertim S. Trinitatis, ait ipse loc. cit. pag. 48. *Quod ignotum erat seculis prioribus , post Joannis Diaconi ætatem omnino conscriptum fuisse satis demonstrant. Antiphona in festo Beati Gregorii de ejusdem Sancti vita , quam Joannes ille texuit , excerpta ; antiquiorem demum Alexandro II. ob id maxime censerem , quod in Dominica Septuagesimæ nocturna*

na ma-

na matutinaque Officia Allelujatica contineat . Alexandri enim II. Sanctione , Alleluja pridie illius Dominica prætermitti cœpit , cum antea ipsamet Dominica post Matutinum omitteretur .

Quapropter optimum esset variantes aliqujus momenti lectiones , eruditaque ejusdem Thomasi Scholia non omittere in nova, quæ paratur Gregoriana editione. Nam quamvis , duo illa Thomasi Antiphonaria germanam illam puramque S. Gregorii institutionem illibatam non exhibeant , ut fatetur Thomasius in laudata Præfatione pag.47. horum tamen Codicum mutua collatione id fieri posse arbitror , ut ferme dignoscatur , quæ ex S. Gregorii institutione , & quæ a sequentium temporum usu profecta sunt .

In iv, & ultimo tomo tres leguntur vitæ . Prima a Paulo , altera a Joanne (cognomento Hymmonide) Diaconis conscriptæ : Tertia ab ipsismet Maurinis ex Gregorii potissimum scriptis concinnata . Nullas alias præter duas priores ex integro conscriptas inter antiqua monumenta invenire se potuisse ingenue fatentur ^a Editores . Aliqua tamen in promptu habeo, quæ possunt addi . Henricus Valesius adnotatione in cap. xxxvi. lib. iil. *Hist. Euseb.* ^b vetustissimum laudat , quem dignum lucis putabat, sed Anonymum, Scripto-

P

rem

^a Tom. iv. p. 4. ^b Tom. i. pag. 50. edit. Amst. 1695.

rem vitæ Gregorii Magni ex ms. Cod. Musciacensi. Verum illam ego Joanni Diacono adjudicarem; versus enim non pauci, quibus Eutichii error narratur, quosque Valesius ibidem recitat, iidem omnino leguntur in vita ejusdem S. Gregorii *lib. I. cap. xxviii. pag. 31.* a laudato Joanne lucubrata.

Canisio Henrico alias contigerat videre vitas ejusdem Gregorii. Viderat unam in Codice S. Galli, quam edere noluit, quia fabellis infartam ipsomet narrante in suis *Antiq. Lect. par. I II. tom. II.* ^a Ex membranis ms. Monasterii Petrusiani unam evulgavit *loc. cit.* Et si vero Canisius in eam propendeat sententiam, ut neget opus esse Pauli Diaconi, tamen inter scriptores ix. seculi collocatur. At laudatus Valesius *loc. cit.* post Joannem Diaconum esse elaboratam, affirmat. Ego autem si quid ex mutua textuum collatione licet inferre, in ea sum sententia, aliud nihil esse hujus Anonymi lucubrationem, quam compendium narrationis ejusdem Joannis, quod Bernardinus Ferrarius doctissimus Ambrosianæ Ecclesiæ Alumnus in *Tract. de antiq. Eccl. Epistolis* ^b olim subodoraverat.

Hic vero prætereundum non est, quod Jacobus Basnagius in observatione prævia ad hoc

Canisio

^a Pag. 252. edit. Antwerp. an. 1725.

^b Lib. XI. cap. I. pag. 161. edit. Mediol. an. 1613.

Canisii monumentum, etsi non audeat aperte illud opus, quod Pauli Diaconi nomine insignitum cudunt iterum in hoc tomo Benedictini, Paulo Diacono abjudicare; nullum tamen non movet lapidem, momenta ut ele- vet, quibus Mabillonius ostenderat in secu- lo I. Benedictino & in suis *Analectis* utique esse opus illud Pauli Diaconi, quod jam vul- gatum erat in tom. II. Martii a Bollandistis tanquam Anonymi Scriptoris, sed Synchroni.

Quæ in hanc sententiam induxere Ma- billonium, tria potissimum fuerunt a Basna- gio *loc. cit.* relata.

I. Codex ms. Monasterii S. Petri de Con- chis in Normandia, qui Pauli nomen præ- fert.

Basnagius respondet: *Non sufficit unus Codex ms. ut Paulino (legendum est Paulo) tri- buatur illa Gregorii vita a Mabillonio vulgata, cum ceteri de ejus nomine plane sileant ar- gumentum, quod credendi necessitatem imponat, aut videatur irrefragabile non licuit educere; quip- pe ceterorum Codicum fides, præsertim ubi pluri- mi sunt, uni debet præferri.*

Plurimorum auctoritatem Codicum, cætera si paria sint, uni esse præferendam, non inficior, ubi cæteri illud idem negent, affirmantve, quod ab uno est affirmatum,

P 2

nega-

negatumve ; secus vero , cum ab aliis silentio prætermittitur quod ab uno clarissime asseritur , & contra ; tunc enim argumentum inter affirmans & negans comparatio instituitur . Quo in casu maximam affirmanti adhibendam esse fidem , & neganti pene nullam , nihil est opus ut a me ostendatur , cum probatum uberrime sit a quamplurimis doctissimis viris , & recenter a pererudito nostræ Congregationis Sacerdote Francisco Berlendi in Dissert. Italica de oblationibus ad Altare^a . Hoc constituto jam per se se Basnagii argumentum labi nemo non videt .

Quod si Joannes Baptista Thiers , vir severissimæ Critices , & ab ipsismet non Romanæ Societatis magno in pretio habitus asserere non dubitavit in Dissertatione adversus Lau-nojum^b , flocci esse faciendum negans argumentum e silentio petitum veterum omnium Scriptorum adversus auctoritatem unius dumtaxat Scriptoris docti , & accurati quantumvis neoterici , & novitii ; quidni licitum erit Mabillonio contendere , Basnagii argumento mere neganti nullam esse vim adversus aper-tissimam unius vetustissimi , integerrimique Codicis mentionem ?

Ut vero omne effugium Basnagio intercludatur ,

^a Pag. 311. edit. Ven. 1736, in edit. Latina an. 1743. pag. 411. ^b Pag. 182.

cludatur, adnotasse sat erit, Maurinos, quorum fides nulli est suspecta, affirmare^a, in plurima alia se incidisse exemplaria ejusdem auctoris nomen præferentia, nempe Eboricense majoris Ecclesiæ, Lirensæ, Beccensæ, majoris Carthusiæ, Cassinensæ, de quo alios etiam habeo testes accuratissimos, Mabillonium tom. I. Annal. Benedic. pag. 284. & Johannem Baptistam Marum in adnotat. ad Petrum Diaconum de viris illustr. M. Cassini^b.

II. Mabillonius observ. 2.^c aliud colligit argumentum ex istis Joannis Diaconi verbis, quæ habet lib. IV. vitæ S. Gregorii cap. XCIX. *Cujus (Gregorii) venerabile meritum quo usque Mundi hujus orbita volvitur, ut cum Paulo viro disertissimo fatear, semper accipiet incrementum; quæ verba omnino eadem leguntur in subiecta Vita num. 25.*

Hujus vim argumenti declinare sic putat Basnagius: Cum illa verba laudes Gregorii in compendium contractas contineant, non mirum est si illas descripserit hic auctor eadem ratione, ac ipse Joannes Diaconus illis utitur operi suo finem imponens, cum potissimum auctor ille Joannis Diaconi sit imitator, vel potius descriptor, ut mox probatum ibimus.

P 3

At

^a Tom. IV. oper. Greg. pag. 12. Præf.

^b Apud Murat. rer. Ital. Script. tom. VI. pag. 19.

^c Pag. 378. sec. I. Bened. edit. Ven. & in Anaec. l. c.

At aerem verberat Basnagius; etsi enim Mabillonii rationem demonstrationis vim, non habere, concederem, propterea quod aliquando contingit, ut antiquiorum Scriptorum sententias de verbo ad verbum suppresso nomine auctoris, scientes atque prudentes, vel etiam fortuito, recentiores exscribant; plurimum tamen in eo roboris esse cordatus vir nullus inficiabitur. Nam regula hæc ab omnibus Criticis, paucos aliquot si excipias, Dallæum in primis Calvinistam Gallum, recepta est ad auctoritatem veteris Scriptoris afferendam, confirmandamque, duo tantum argumentorum genera afferri posse, *interna* scilicet, & *externa*; quorum priora ex ipsis petuntur scriptis; posteriora autem a testimoniis: *Neque aliqua ratio assignari poterit, ut animadvertit Joannes Pearsonius in Vindiciis Ignatianis par. I. cap. I. si hac a nobis rite probata reprobentur.*

Primi generis argumento, ex Pauli nempe scriptis, desumpto; Gregorianam fuisse monumentis mandatam ab ipso Vitam opus non est, ut in præsentiam probetur, quoniam hujusce propositionis impugnatorem habemus neminem: *Nolim ego negare Mabillonio, ait ipse Basnagius loc. cit. num. II. Paulum Aquilejensem vitam Gregorii Magni scripto mandasse; illud*

illud enim evidentissime patet ex ipsius Historia Longobardorum, quæ nemini dubia est.

Altero argumentationis genere eadem res tali pacto conficitur: Joannes Diaconus lucubrationum Pauli conscius, utpote Cœnobii ejusdem alumnus, rerumque in eo gestarum non indiligens perquisitor, & Paulo octoginta circiter annis junior, quædam refert verba, quæ Gregorium nostrum laudant, tanquam a Paulo prolata; atqui eadem ipsissima leguntur verba penes Mabillonii auctorem; non igitur temere affirmatur, Paulum esse Mabillonii auctorem; eo vel maxime, quia alium, cui nomen Paulus, Gregorianæ vitæ extitisse auctorem nullus adhuc, quod sciam, affirmavit.

Neque similis est vero Basnagii conjectura, hunc scilicet auctorem descriptorem esse Joannis Diaconi; quin imo, si conjecturis niti velimus, contrarium infero ex laudato loco; ille enim Scriptor absolute loquitur in propria persona, quippe ait*: *Quamdiu Mundi hujus orbita volvitur, ejus laudabile meritum semper accipit incrementum*; Joannes vero pag. 186. hæc repræsentat verba non a se, sed a Paulo dicta, nam dicit: *Ut cum Paulo disertissimo loquar.*

Ceterum ut ista sæpe a Basnagio repetita

P 4

obje

objectio penitus labefactetur , non vereor pro certo affirmare , dici peræque posse , vel Joannem Diaconum copiosius ea narrasse , quæ arctius a Mabillonii auctore expressa fuere; vel ea, quæ fuerant copiose narrata abs Joanne Diacono, fuisse in compendium ab auctore Mabillonii redacta , uti statim patebit utramque conferenti lucubrationem .

III. Mabillonius in *Analect.* pag. 498. usus est auctoritate Joannis Gareti Lovaniensis Canonici Regularis S. Augustini , qui in Tract. de Reali Corporis & Sanguinis Christi præsentia in Eucharistia , aliqua ex S. Gregorii vita a Paulo Diacono elaborata ad propositum argumentum confirmandum adducit .

Basnagius auctoritatem renuit admittere quia Scriptoris seculi xvi.

Verum argumenti vis hac ratione non retunditur . Si enim Basnagius disertam , doctamque , quam suo Operi præmiserat nuncupatoriam Snickio Præposito Monasterii S. Martini apud Hiperas legisset Epistolam , intellexisset Garetium mss. Codices eo in Tractatu conscribendo consuluisse * , & ad eorum fidem veterum , quorum recitat testimonia , Scriptorum , exegisse . In eo igitur Mabillonii argumenti vis sita est , Garetium usum esse Codice , qui Pauli nomen præseferbat ,

* Pag. 19. 20. 23. edit. Ven. 1562.

rebat, quod aperte jam observatum est a Dionysio a S. Martha^a, & ab ipsomet Mabillo-
nio in suis Analectis pag. 498. ubi Gufsan-
villæi difficultatem e silentio mss. petitam
solvit.

Verum Bafnagio satis non est Mabillo-
nii argumenta infirmando sententiam illius,
veluti oblique, oppugnare; sed illam etiam
directe petit, impostoris crimen, a quo Pau-
lus Diaconus integerrimæ fidei vir alienus
erat, auctori Vitæ, quam nunc habemus,
affingens: hæc enim, quæ mox referemus,
hujus vitæ exagitat verba^b: *Denique a fide-
li & Religioso Viro, ac huic nostro P. Sanctissimo
pro sua Religionis & utilitatis merito valde
familiarissimo fideliter post obitum ejus narra-
tum didicimus. Ad quæ Bafnagius hæc adno-
tat: Indicat auctor omnium consensu Petrum
Diaconum, & 1. sibi ipsi narravisse Petrum asse-
rit. 2. Tempus, quo illud factum sit, assignat,
nempe post obitum Gregorii, quæ verba elapsum
longe ante tempus non indicant; & quidem bre-
vissimum debuit esse spatium, si Petrus ipse obie-
rit dum æmuli Gregorii I. ejus scripta igne crema-
ri juberent. Inde concluditur facile Gregorio vel
Petro ejus Diacono coævum fuisse scripti a Mabil-
lonio vulgati auctorem, vel de sua ætate menti-*
tum

^a Tom. IV. oper. Greg. pag. II.

^b loc. cit. pag. 254.

tum fuisse, ut operi suo majorem conciliaret fidem, cumque nullus ex professo vitam Gregorii scripserit ante Paulum, & illum Scriptorem post Bedam vixisse, affirmet idem Mabillonius, sequitur non fuisse Gregorii coævum, quanto minus Paulum Diaconum, sed impostorem aliquem, qui suam aetatem anticipare sit conatus. Haftenus Basnagius loc. cit.

Dissimulandum profecto non est, laudatis in verbis auctoris, quo de quaestio est instituta, non nihil esse difficultatis, cui occursum jam fuerat a Mabillonio^a: 1. Incertum an viva voce, an scripto illa didicerat auctor. 2. Non solum in persona sua loqui, sed etiam, ut passim alibi, in persona Romanorum, quorum majoribus id narratum fuerat.

Hisce rationibus non acquiescens Basnagius respondet loc. cit. *Fideliter post ejus obitum nobis narratum didicimus tales non patiuntur subtilitates. Tempus denotat illud post obitum ejus. Personam indicat vox nobis. Quid Aquilejensi Diacono, & Desiderii Longobardorum Regis Cancellario cum Romanorum Avis, Atavis, Majoribus, quibus talia narrasset Petrus?*

Labefactari Basnagianis verbis Mabillonii ultima responsa nullus, mea sententia, in animum inducet suum. Primo enim respondendum est, ut bene advertunt Maurini loc. cit.

^a Tom. I. Ann. ex Basn. loc. cit.

cit. num. 4. hic Paulum Diaconum uti modo loquendi non insolenti, quemadmodum cum dicimus nobis narrat Eusebius, didici a Hieronymo &c.

Præterea multis in Codicibus vetustissimis deest vox *nobis*, uti in textu legerat ipse Basnagius, etsi in objectis deinde vocem illam posuerit; qua constituta lectione tota evanescit difficultas. Codices autem sunt Audomirensis Cathedralis Ecclesiæ, S. Martini Trevirensis, duo Reginæ Sveciæ, quos omnes referunt Bollandistæ to. 11. Martii die 12. His accedunt Beluacensis, & Gemeticensis relati a Maurinis *loc. cit.* & in notis ad vitam Pauli Diaconi pag. 14.

Illud vero, quod ultimo objicit Basnagius, de Romanis nimirum, nullo negotio solvitur. Quis enim in illius tempestatibus historia ita est peregrinus, ut nesciat maximam Romanos inter, & M. Cassini Coenobitas intercessisse consuetudinem? Nonne quotidie viri Principes Romanorum Monachis illis curæ tradebant proprios liberos, ut Christi Religione scientiaque illos informarent? Nonne Roma quam sæpissime accersebantur ex illis Monachis celeberrimi, ut Christianæ rei consilio, scriptis, bonis moribus, aliisque id generis adminiculis, opem ferrent? Nonne Roma-

Romanorum Clarissimi Senatores ad Montem Cassinum ventitabant, uti suos filios, sanctosque illos Monachos inviserent, & vitæ bene gerendæ præcepta ab iisdem haurirent? Neminem ergo mirari subeat, auctorem hausisse multa, quæ ad S. Gregorii Magni vitam pertinerent, ex Romanorum colloquio.

Casimiri Oudini de vita, & scriptis S. hujus Gregorii dissertatio negligenda non est^a: nonnulla quippe habet, quibus novæ huic Gregorianæ editionis non parum utilitatis splendorisque accedere potest. Multa sunt etiam in ea, quæ & a veritate Historiæ cum Sacræ, tum Profanæ, & ab honesti viri ratione omnino abhorreere, ostendere debent novi Editores, quod facile, mea sententia, præstari potest^b. Convicia vero, contumeliæque, quibus Pontificem hunc, quem *Sanctissimum doctissimumque* tota retro Ecclesia nedum Occidentalis, verum & Orientalis appellavit, & ejus Editores nuperrimos doctrina, sanctimoniaque præditos Monachos Benedictinos Congregationis S. Mauri tertio quoque verbo in ea Dissertatione lacessit desertor iste suæ Congregationis, & suæ avitæ communionis Romanæ, ipsis etiam credo stomachum movisse, quibus nomen dedit; de ipsis enim per-

^a De Script. Eccl. tom. I. pag. 1403. Lip. 1722.

^b Id præstare conati sumus in superiori Opusculo.

peræque dici possunt , quæ de nostris unus ex suis dixerat vir humanissimus Albertus Fabricius in fine Præfationis suæ collectionis Scriptorum Ecclesiasticorum * : *Hoc scio in ipsa Ecclesia Romana viros emunctæ naris abhorreere ab hujusmodi armis , & videre quam sint ea non Christiano modo , sed sano etiam & honesto homine indigna .*

Atque hæc sunt , quæ mihi notanda occurrerunt , ut tibi rem gratam facerem , utque prodessem , quantum in me , quod quidem ingenue fateor exiguum est , novæ huic Gregorianæ editioni ; non ut quidquam detraham de gloria , & existimatione doctissimorum Congregationis S. Mauri Monachorum , quos in vastis operibus aliquid interdum vel fugere , vel minus accuratum proferre , qui non ferat , aut qui eos iccirco minoris faciendos decernat , is mihi profecto ab omni humanitate alienissimus esse , videatur . Vale .

F I N I S .

INDEX

INDEX RERUM ET AUCTORUM.

A

- A** Chimelech . *Pag.* 128.
 Adelmanus Episcopus . 124.
 Adon Archiepisc. 189.
 Acrius . 141
 Agapitus Papa . 118.
 Agilulfus Rex convertitur ad fidem . 65.
 Alexander II. Rom. Pont. 216. 224.
 Alexander , *Vide* Natalis .
 Allatius . 117.
 Angli . 64. suadentur a Gregorio temperare a conjugum commercio . 130.
 S. Antoninus . 43.
 Apocrisarius . 22.
 Arioli . 35. pœnnis l. Corneliæ subiciebantur 1611.
 Romæ ne essent , prohibebantur .
 Arius . 114. 169.
 Atalarius . 82.
 Aubertinus . 111.
 S. Augustinus . 7. 15. 81. 113. 143. artem magicam,
 quam olim adamaverat, deinceps condemnavit. 31.
 S. Augustinus Anglorum Apostolus . 125.
 Avitus Episcopus . 171.

B

- Bailletus . 102.
 Barbarismi non minuunt Gregorii elegantiam . 84.
Idem seq.
 Baronius . 85. 151. 175. 189.
 Bartius Gaspar . 192.
 S. Basilius . 85.
 Basnagius Jacobus . 226. *Idem seq.* commendat Gregorium Magnum . 191.
 Basnagius Samuel testatur nostrum Gregorium Dia-
 coni

coni munus diligenter peregrisse . 16. opinatur
etiam propter egregie expletum Apocrisarii mu-
nus apud Tiberium & Mauritium Inpp. in Roma-
num Pontificem electum fuisse . 25.

Ven. Beda . 49. 189.

Belius . 27. 43. 45. 70. 72. 191.

Ven. Bellarminus . 109. 110. 188. 189.

Benedictionale M. Gregor. forsan supposititium . 211.

BENEDICTUS XIV. 72.

Berengarius . 113. 124.

Berlendi . 14. 216. 228.

Bollandiani . 105.

Bonifacius electus in Apocrisarium . 104. 181.

Bossuetus . 148. 161. & seq.

Brujus Franciscus commendat nostrum Gregor. 20.

Brunichildes . 102. 166. 170.

C

Cabades . 38.

Caligula . 100.

Calvinus . 144.

Campagnola . 203.

Cangius . 85. 87.

Canisius Henricus . 226.

Canus Melchior . 57. 168.

Carafa Joseph Cler. Reg. . 33.

Carnis Resurrectio negata tempore M. Gregorii . 66.

Carolus Calvus . 213.

Cassiodorus . 82.

Catechismus Romanus . 148. 161.

Cave . 57.

S. Cælestinus Papa . 184.

Chaldæi . 35.

Christianus Lupus . 184. 213.

Cicero . 52. 69. 77. & seq.

Codex Theodosianus . 36. Gelasianus . 211. 214. & seq.

Coccius . 190.

Concilium Tridentinum . 147. 160. 161. 170. Con-
stantinopolitanum . 169. Ephesinum . 169. 184.

Chalcedonenſe . 169. 176. 184. Gangrenſe . 176. Con-
cilio

- ciliorum susceptio erat in Rom. Pont. Fidei tes-
fera. 167.
Conius Episcopus. 71.
Conrigius. 83.
Cornelius Hispalus. 32.
Cornelius Tacitus. 35.
Constantina Augusta. 179.
Constantinus Magnus. 38.
Consuetudo legendi ad mensam haud satis commen-
data. 50.
Cortesijs. 140.
Cujacius Jacobus. 33.
Cultus Latriæ soli Trinitati convenit. 156. & seq.
S Cyrillus. 169.

D

- Dallæus. 154. 230.
Deodatus. 82.
Diaconi Romanæ Ecclesiæ tempore M. Gregorii. 19.
enumerabantur, attamen instar eorum septem
erant, qui ab Apostolis primi ordinati sunt. 14.
Diaconi munus erat & Sacramenta porrigere, &
Ecclesiasticam administrare substantiam. 11.
Dialogi S. Gregorii in varias linguas translati. 204.
Dignitate Senatoria ornatur noster Gregorius, eam-
que ita feliciter administrat, ut anno 40. æta-
tis suæ Urbanus Prætor renunciatur. 16. Penes
Prætorem jus erat novas condendi leges, vete-
resque abrogandi. 17.
Dinocrates in aquis purgationis apparet. 152.
Dio Cassius. 32.
Dionysius a S. Martha. 29. 162. 204. 233.
Dioscorus. 169.
Donatistarum hæresis profligata. 11.
Dulcidus Diaconus. 161.
Durandus. 127.

E

- Ecclesia. 143.
Edmundus Martene. 214. 215.

- Ephesus magicis artibus dedita . 39.
 S. Ephrem Syrus fratrum Sacrificia , & Orationes
 expostulat . 144.
 S. Epiphanius . 141.
 Erasmus . 209.
 Errores circa sabbatti cultum extirpantur a Grego-
 rio Magno . 12.
 Ethnici . 129.
 Eucharistia omnibus , qui Sacrificio intererant con-
 cedebatur , etiam singulis diebus . 127. puritatem
 requirit in conjugatis . *ibid.* etiam mortuis imper-
 tiebatur . 151. & *seq.* tangebatur a laicis . 133. ali-
 quando porrigebatur etiam a sœminis . 134.
 Eulogius Alex. Episcopus . 184.
 Eunomius . 169.
 Eutychius CPopolitanus Patriarcha a D. Gregorio
 convincitur , & carnis fatetur resurrectionem . 10.
 ejus liber flammis donatur . *ibid.*

F

- Fabricius . *Vide* Joannes .
 Fatuitas . 74.
 Phavorinus . 88.
 Ferratius . 95. 226.
 Festum SS. Trinitatis . 214. 215.
 Festus Senator Romanus . 110.
 Phocas . 92. ejus Icones asservatz . 94. vitiis obno-
 xius . 100.
 Phocydides . 35.
 Fidelibus Prophetiæ conceduntur . 63.
 Flaccus . 86.
 Fleury . 90. 165. 166.
 Fontanini . 205.
 Forbesius . 145. 154.
 Fortunatus Episcopus . 18.
 S. Franciscus Salesius . 72.
 Fronto Joannes . 215.

G

Galanus Cler. Reg. 207.

Galeardus Canonicus Brixienfis. 125.

Gallia. 64.

Garetius. 232.

Garnerius. 167.

Georgius. 211.

Gelasianus codex. *Vide Codex.*

Godignus. 127.

Gothi. 82. *Vide etiam VVandali.* 64.

Gratianus. 87.

Gregorius Magnus Rusticæ testamentum exequutioni demandari præcipit. 17. prohibet, Judæos Christiana retinere mancipia : domum Romanæ Ecclesiæ donatam Testatricis Nepotî imperat restitui. 18. hortatur Theodistam, ne coram filiis, quos nutriendos susceperat, immodeste loqui permittat. 19. præcipuos enumerat charitatis effectus *ibid.* In inquirenda veritate fuit diligentissimus. 40. litterarum amator & cultor. 41. Viros eruditos hospitio excipiebat. *ibid.* Vera præditus eloquentia. 76. Ad Claustra tertio transit. 46. non improbandus propter Allegoriarum frequentiam. 48. sensum litteralem non excludit, sed frequentius mysticum investigat. 49. nec Romana ædificia comburi jussit. 43. nec opera Titi Livii. 44. & *seq.* Non fuit adulator Phocæ. 95. nec iniquus in Mauritium. 96. pro utroque preces fundit. 165. ab initio nescivit Phocæ sævitiam. 104. Gregorii humilitas. 84. 184. Ejus doctrina de Eucharistiæ Sacramento est Orthodoxa. 107. Tum de omnibus Fidei articulis. 108. Realem non mysticum sensum usurpat. 111. & *seq.* Quod narrat de S. Paullino haud insolubili premitur difficultate. 67. Juste conqueritur de simplicis nomine ipsi tributo. 74. *seq.* Suadet Anglis continentiam ante Eucharistiæ participationem, & ablutionem corporis ni eam servant. 127. Semper docuit Purgatorii ignem esse corporeum. 153. Non negat honorandes esse Imagines.

- gines . 156. Sed solum patriæ cultu . *ibid.* Ecclesiæ
jura constanter sustinet . 182. Exarcho suam mina-
tur indignationem . 185. *Magni* cognomen conse-
quitur . 188. Commendatur a Muratorio . 81. A
Coccio , Riveto , & VVossio . 190. Ab utroque Bal-
nagio , & Belio . 191. Tum ab ipsomet Oudino . 194.
Gregorius IX. 115.
Grotius . 31. 39.
Guffanvilæus . 207.
S. Gaudentius Episcopus . 117.

H

- Henricus Valefius . 225. 226.
Hieronymus . 49. 129. 130.
Honoratus Archidiacon . 186.
Huetius . 85.

I

- S. Jacobus Apostolus . 71.
Iba . 169.
Jamesius natione Anglus quoddam edidit Opuscu-
lum , cujus titulus *Vindiciæ Gregorianæ* Genevæ
typis excussum , in quo conatur ostendere Gre-
gorii doctrinam a Protestantium opinionibus haud
absimilem fore : Vaticanam operum Gregorii edi-
tionem nonnulla continere supposititia : loca
quamplurima a mss. omnibus dissentire . 4. Quæ-
que ope mss. Codicum Britannicæ primævo fonti
restituerit . 5. Gregorii tamen mores commendat,
ingenium , atque eloquentiam . *ibid.*
Immaturæ Ordinationes improbatæ a M. Gregor. 11.
Immortalitas animæ in dubium revocata tempore
M. Gregorii . 65.
Joannes Albertus Fabricius . 8. 43. 56. 191. 206. 207.
& 237.
Joannes XXII. 213.
Joannes Baptista Thiers . 228.
Joannes Clericus . 6. 87. 189.
Joannes Diaconus . 96. 103. 178. 184. 231. 232. Refert
Q²

- Fidei Symbolum M. Gregorii, quo & *fidem* muni-
ri afferit, & *cunctas hæreses profligari*. 11. Tum
ejus cum Eutychio disputationem. 10. Narrat Pe-
lagium Rom. Pont. creasse M. Gregorium Diaconum
Romanæ Ecclesiæ. 14. Laudat ejus Zelum pro
Catholica Fide. 12. Et ejus humilitatem. 84.
- Joannes Gerardus VVossius. *Vide* VVossius.
- Joannes Dominici Romanæ Eccl. Cardinalis. 44.
- Joannes Mabillonius. 26. 211. 221. 223. 227. & seq.
- Joannes Patriarcha Constantinopolitanus se Univer-
salem Episcopum appellat. 178. Benigne a D. Gre-
gorio admonetur. *ibid.* Ejus superbia. 97.
- Joannes Subdiaconus. 50.
- Joannes Sarysberiensis. 26.
- Joannes Strata. 202.
- Joannes Pearsonius. 230.
- Joannes Tolandus. 46.
- S. Irenæus. 190.
- S. Isidorus Hispalensis afferit nullum elapsis tempo-
ribus extitisse M. Gregorio æqualem, nec suo tem-
pore extare. 9. D. Gregorii moralia commendat.
50. 189.
- Julius Paullus. 33.
- Jus in duplici classe. 170.
- Justinianus Imperator. 34.

L

- Lactantius. 7. 150.
- Lamagna Nicolaus. 202.
- Laurentius Archidiaconus. 150. 151.
- Leander Episcopus. 47. 50. 84.
- Le-Brun. 210.
- Leo Magnus. 15. 38.
- Leo Philosophus. 35.
- Leonardus Utinensis. 205.
- Libri Magici combusti. 38.
- Lipsius. 46.
- Lipsiensis Typographus prætermisit admonere opus
al.

alterum Oudini de Script. Eccles. fuisse posthumum . 1.

Litteræ ex Italia exules . 82.

Longobardi . 64. 82. Eorum conversio a Gregorii Dialogis adjuncta . 65.

Lues inguinaria grassabatur tempore M. Gregor. 78.

M

Mabillonius . *Vide* Joannes .

Macedonius . 169.

Massejus . 202. 206. In notis ad Anastasium Bibliothecarium Oudinum paucis confutat . 4.

Magi . *Vide* Arioli .

Maimburgus . 101. 189.

Marinianus Episcop. 51. 186.

Maximus electus Episc. 186.

Ménardps . 209. & seq.

Menologium Armenum . 207.

Merati Clericus Regularis . 207. 211. M. Gregorio restituit Epistolam de Litanía Majori . 210.

Micrologus . 219.

Miracula a D. Gregorio relata nequeunt in dubium revocari . 62. & seqq. Similia occurrunt apud August. Ambr. &c. 68. Plurima narrantur etiam in Sacra Scriptura , quæque sunt sincere credenda . 62.

Moralia D. Gregorii legebantur ad mensas . 50. In exteris linguas translata . 51. Triplex sensus in iis proponitur : utraque Latina versione usus est in iis elaborandis . 54. Commendantur ab Isidoro Hispalen. 50. A Dupinio . 51. A Jamesio . 53. A Joanne Clerico . 54. A Fleury . 59. A Photio . 58. A Melchiorre Cano . 57.

Monothelitæ . 214.

Mornæus . 109.

Muratorius . 211. 211.

- Natalis Alexander . 105. 133. 156.
 Nestorius . 169.
 Nierces Episcopus Lampronensis . 206.

O

- Octavianus Augustus . 38.
 Orationes pro mortuis suere in usu in utraque Ec-
 clesia. 143.
 Ostrogothi . 64.
 Oudinus (*Casimirus*) edidit opusculum de script. Eccle-
 siast. in quo bene sentit de D. Gregorio, at in ope-
 re posthumo pariter de Script. Eccles. eum dicte-
 riis laceffit: ex falsa Joannis sarijsbenensis narra-
 tione eum accusat, quod Mathematicos ab Urbe
 expulerit, & ignem applicaverit Bibliothecæ Pa-
 latii Palatini . 25, Romanam deserit Ecclesiam, &
 ad Reformatos transit in Belgio. 2. Ubi ab Hollan-
 diæ Ordinibus & annum obtinet stipendium, &
 Bibliothecæ præficitur Lugdunensis Academiz.
 Tandem cum novas aliquot pararet Ueterum Ec-
 clesiæ Patrum editiones extremum diem clausit
 anno 1717. 3.

P.

- Païtonius . 206.
 Pamelius . 210. 213.
 Paschasius Diaconus 140. 150. inter sanctos rela-
 tus . 151.
 Paterius Monachus 189.
 S. Paulinus 49.
 Paulus IV. Confundator Clericorum Regularium. 41.
 Paulus Diaconus . 65. 205. 223. 225. & seq. Testa-
 tur D. Gregorium tres illas conscripsisse epistolas
 ad Istriæ Episcopos, quæ sub Pelagii 11. nomine
 circumferuntur . 13.
 Pelagius Papa 218. 220. D. Gregorio per difficile Ro-
 manæ sedis Apocrisarii munus tribuit . 22. Acta
 sy-

- Synodi a Joanne coactæ rescindit . 178.
 Perronius S. Rom. Eccl. Cardinalis . 109.
 Petrejus 100. 108.
 Petrus Diaconus . 166.
 Petrus de Marca Archiep. Parisiensis . 171. 175.
 Picus Mirandulanus . 34.
 Pituanus . 32.
 Platina . 43.
 Possevinus . 46.
 Principum flagitia haud facile credenda . 105.
 S. Proclus Constantinop. Patriarcha . 125.
 Procopius . 83.
 Ptolomæus Lucensis . 214.
 Purgatorium non fuit a D. Gregorio excogitatum .
 141.

Q

- Quirinius S. R. E. Cardinalis . 125. 199. 205. Curat
 imprimi Officium Quadragesimale Ecclesiæ Græ-
 cæ . 144.

R

- Riccardus (*Vincentius*) Clericus Regularis . 46.
 Riccardus Simon . 55. 189.
 Riccius . 89
 Ricculphus Episcopus . 193.
 Rivetus . 190.
 Ruinartius . 152.

S

- Sabinianus Diaconus . 180.
 Sadoletus . 140.
 Salmasius . 133.
 Schelornius . 38.
 Seneca . 35.
 Serenus Episcopus . 98. 154. Imagines confringit .
 157. & seq.
 Serry . 57.
 Severus Sulpicius . 85.
 Siebertus . 49.

- Signa dantur infidelibus. 63.
 Simonia a D. Gregorio extirpata a Galliz Provin-
 ciis. 11.
 Simplicitas. 74.
 Smaragdus Dux Mauritiæ Augusti. 24.
 Snichius. 232.
 Sociniani. 114.
 Suetonius. 32. 38.
 Suffragia. *Vide* Orationes.
 Svicerus. 146.
 Summus Sacerdos certis diebus a conjugii commer-
 cio adtinebatur. 129.
 Symmachus. 38. 150. 171.
 Sydonius. 82.
 Synodus. *Vide* Concilium,

T

- Tacitus. 32.
 Tertullianus. 35. 142. 143.
 Theodolinda. 65.
 Theodoretus. 169.
 Theodoricus. 150.
 Theodorus Archiater Imperatoris. 169. 174.
 Theodosius. 38. 82.
 Theodulphus Diaconus. 66.
 Thomassinus. 213.
 Ven. Thomafius ex Clericis Regul. S. R. E. Cardi-
 nalis. 88. 134. 205. *vio. & seq.*
 Tillemontius. 37. 194.
 Torelli. 205.
 Traditio Apostolica. 143.
 Traversa Cler. Regul. 21.
 Tritemius. 189.
 Tullius. *Vide* Cicero.
 Turonius. 66.

V

- Valens Imperator. 87.
 Valentinianus Imp. 38. 87.
 Valerius Maximus. 32.

Vaticinatores . 35.

Vegetius . 176.

Verricelli Cler. Reg. 38.

Vezzosi Clericus Regularis . 210 211. 214. & seq .

VVandali . 64. 190. Accipiuntur pro Gothis . 67.

VVisigothi . 64.

VVossius . 30. 43. 45. 46. 190.

VVulpianus . 332.

Z

Zacharias Papa . 58.

Zonaras . 100. 133.



F I N I S.

ERRATA

Pag. 4. lin. 24. 1689.

20. 14. tempore
 23. 2. ex tempestate
 35. 10. Ulpianum
 43. 8. monument
 54. 11. l' ourages
 59. 15. quelques uns
 60. 3. combattre
 5. pur
 12. provues
 61. 4. provuinent
 66. 1. de priori
 67. 8. in, his
 70. 13. il ya
 90. 20. redite
 91. 19. exprimit
 23. travaille
 92. 3. che
 5. bonnos
 102. 10. Impereur
 103. 6. souvent broville
 11. e la qualité
 13. cognoscebant
 109. 19. Murnzum
 112. 22. est
 21. le candeur
 28. Svivi
 140. 12. fugemus
 130. 2. & ab
 temperaret
 142. 24. (*) loc. cit. pag. 912.
 181. 1. præsumus
 185. 1. Brunubidi
 180. 10. cunctis
 199. 20. fari
 202. 19. præceptus
 197. 19. emtionem
 216. 32. Berlandis

CORRIGE

1589.

- tempus
 ea tempestate
 Vulpianum
 monuments
 l' ouvrage
 quelques uns
 combattre
 par
 preuves
 pouvoient
 de posteriori
 in his
 il y a
 reddita
 exprimoit
 travaillé
 que
 honnes
 Empereur
 souvent brouillé
 & la qualité
 cognoscebat
 Mornzum
 sunt
 la candeur
 suivi
 fugamus
 ut ab
 temperarent
 possumus
 Brunechildi
 meminî
 fæci
 præreptus
 emptionem
 Berlendis



